

# Gen Bin Tagisi Luk da Mandagit

## But piso gen

Luk unun Juda amin kinda dima. Unun Grik amin kinda. Ae nandak nandak amin madep kinda, ae wuda wamakyo kisi egipgut.

Gen Bin Tagisi Luk da mandagit unun da Yesu unun Israel amin gat ae Amin ŅwakŅwari Kabi kisi yokwikon banj timit timit amin yan noliŅban komaŅ. Yesu pini wasaŅek ak do agit bisapmon miŅat aminyo yan yoyigit, “Telagi Wup da aŅtagap aban PiŅkop dakon geni tagisi bupmi amin do yoyiŅ tenŅenagit.” (4.18 do koki) Asi, miŅat aminyo jigi mibili mibili pawit unun Yesu da yo tagisi aŅjomgut dakon geni morapmi Luk da mandagit.

Yesu dakon egip egipni morapmi do Luk kalon dagin yosok. Unun dakon geni papia diwarikon dima mandabi. Luk kalon dagin Yesu miktimon altagit bisapmon yo noman tawit unun do morapmi yosok. Ae Luk da Yesu da tilak gen kinda yagit unun Samaria amin kinda da kosiron kiŅ uwal da kisiron jigi pagit unun do mandagit. Ae Yesu da tilak gen kinda yagit unun monji kinda da datni yipmaŅ dek kigit unun do mandagit. Ae Luk dagin Sakius takis timit timit amin dakon geni mandagit.

Luk da yo diwari do morapmi yosok unun bisit pi tebaisi agak gat, ae Telagi Wup dakon pi gat, ae PiŅkop da miŅat amin dakon yokwini wiririk yomisak unun do yosok. Ae Luk da miŅat da yo awit unun do morapmi yosok.

Luk papia on kalon naŅ gin dima mandagit. Yabekbi Papia yo kisi mandagit. Unun papiagwan Yesu Kwen Kokup wigakwan unun da kwenon yabekbi da pi awit unun dakon geni mandagit.

## Gen on Luk da Tiopilas do mandagit

**1** <sup>1-3</sup>“Kila amin madep Tiopilas, amin morapmi da PiŅkop da yo morap nin da binapmon agit unun dakon geni papiakon mandak do awit. Yo morap wasaŅek altaŅakwa dabiŅ da si pindagek yan tenŅenok awit amin dakon gen yolek mandawit. Unun amin PiŅkop gen do pi awit. Ae nak unun

---

<sup>a</sup> 1.1-3 Ya 1.1-3

yo morap si wasanjek noman tanj ananj opgwit unun dakon mibili pakyanji nandak do pini madepsi agim. Do gen morap on papiakon kilegisi mandan yipbo gagon opjak kanj nandabo tagisi asak. <sup>4</sup>Papia on manjinek amin da gen morap gayiwit unun nandabi bamisi asak.

## Elisabet da Jon anjalagit, ae Maria da Yesu anjalagit gat dakon gen

*(Kilapmi 1.5–2.52)*

### Jon dakon altok altok dakon but piso gen

<sup>5</sup>Erot da Judia miktim dakon kila amin madep yikgit bisapmon mukwa sogok amin kinda egipgut mani Sekaraia. Sekaraia unun mukwa sogok amin Abiya da kabikon nani kinda. Minjatni Elisabet unun Aron da kabikon nani. <sup>6</sup>Piņkop da dabilon kilegisi egek Amin Tagi dakon gen teban madep ae moniji kisi guramikgimal. <sup>7</sup>Mani Elisabet monji sun egipgut, do isal egek minjat amin pelanjo agimal.

<sup>8</sup>Bisap kindakon Sekaraia gat mukwa sogok amin notni gat Piņkop da dabilon mukwa sogok pi awit. <sup>9</sup><sup>b</sup>Anek namin dasi Amin Tagi da telagi tamogwan wigi yo kibani tagisi sosak yan do anpakni yolek satu wasok awit. Yan aba Sekaraia dakon man da noman tanban mukwa sok do wigigit. <sup>10</sup>Wigi mukwa sonjakwan yomakon minjat amin morap muwuk egek bisit pi awit.

<sup>11</sup>Anakwa Amin Tagi dakon anelo kinda Sekaraia altan imgut. Unun alta mukwa kibani tagisi sosoņ da tosok unun da aminsi tet do akgit. <sup>12</sup>Akban kanjek Sekaraia wuripdagek pasalgit. <sup>13</sup>Mani anelo da yan iyigit, “Sekaraia, Piņkop da bisitgo kili nandagit, do dima pasolgi. Minjatgo Elisabet da monji wili kinda anjalakdisak. Mani Jon yan iyiki. <sup>14-15</sup><sup>c</sup>Amin Tagi da inamon mani wukwisi tokdisak, do gak butgo tagisi anakwan kisik kisik akdisal. Ae amin morapmi da monji unun altosak bisapmon kisik kisik akdan. Mej da butgwan yitjagon da Telagi Wup da tujan iban egi ananj kikdisak. Wain ae pakbi tebanyo dimasi nosak. <sup>16</sup>Unun da Israel amin morapmi pantobilban aeni Amin Tagini Piņkopmon kikan. <sup>17</sup><sup>d</sup>Elaija dakon anpak tapmimyo panek Amin Tagi mibiltan iminek kikdisak. Unun da minjat monjiyo gat datni gat dakon but panjilek aban but kaloņ akdan. Ae gen kirijit amin dakon nandak nandak panmilip aban amin kilegi dakon nandan kokwin tagisi yombem akdan. Anek amin pantagap aban tagap tanakwa Amin Tagi apdisak.”

<sup>18</sup>Yan yanban Sekaraia da anelo iyigit, “Nit minjat amin pelanjo kili agimak. Do gen yanaki but bamot asat. Gen unun nianon da bami yosol yan nandaken?”

---

<sup>b</sup> 1.9 TP 30.7   <sup>c</sup> 1.14-15 IDT 6.2-3   <sup>d</sup> 1.17 Mal 3.1; 4.5-6; Mt 17.11-13

<sup>19</sup>eYanban anjelo da yagit, “Nak Gabriel, nak Pinjkop da injamon akdat da yabekban gak do gen tagisi on gayik do abisat. <sup>20</sup>Gen gayisat unun asi Pinjkop da bisap yipgut unun bisapmon noman tokdisak, mani nandabi bami dima asak, do gen yogok kositgo sopmanjakwan gen dimasi yanjek egi wigaki gen gayisat unun bami noman tokdisak.”

<sup>21</sup>Yan nandat anjek egakwal amin jomjom anjegek Sekaraia nido bisap dubak Telagi Yut Madepmon egisak yan nandajek but morap awit. <sup>22</sup>Yan nandajek egakwa Sekaraia yomakon pinj gen yok do antidok anjek kisit dagin tilak anyomgut. Yan anakwan kanjek Telagi Yut Madepmon dipmin yombem kinda bo kak yan nandawit.

<sup>23</sup>Sekaraia Telagi Yut Madepmon pi agak bisapni mudajakwan tobil kokupnikon kigit. <sup>24</sup>Panji egakwan don minatni Elisabet monji kwap awilek yutnon pasili egakwan kanek 5 mudawit. <sup>25</sup>Anjakwan yan yagit, “Amin Tagi da nak anpuluğanban monji kwap awildat. Kalip monji mini egek amin da dabilon mayagisi nandagim, mani abisok kili unun mayagino mudosok.”

### Ajelo da Maria altaŋ imgut

<sup>26-27</sup>fElisabet monji kwap awilgit unun dakon kanek 6 mudajakwan Pinjkop da anjloni Gabriel yabekban minatjok kinda mani Maria unun do kigit. Galili miktimon, kokup kinda mani Nasaret unudon egipgut. Maria unun amin kinda mani Josep, Dewit da kabikon nani unun pasak do manjikbi. <sup>28</sup>Gabriel Mariakon altaŋ iminek yan iyigit, “Gildat tagi. Amin Tagi gak gat egisak. Pinjkop da minat diwari yapmanjek gak do yo madep yan nandisak.”

<sup>29</sup>Maria gen unun nandajek burigwan da jigisi nandajek yan nandagit, “Ni gen kinda nan naysak?” <sup>30</sup>Yan nandajakwan iyigit, “Maria, dima pasolgi. Pinjkop da gak do nandaban tagisi asak. <sup>31</sup>gNandaki, gak monji kwap awilek monji kinda anjalakdisal. Monji unun mani Yesu yanŋi iyiki. <sup>32</sup>hUnun da amin man madepni toŋ kinda egakwan amin da Pinjkop Wikwisi Dakon Monji yan iyikdan. Kalip babi Dewit da kila amin madep egipgut, unun da tilagon Amin Tagi Pinjkop da yipban kila amin madep kinda egipdisak. <sup>33</sup>Unun da Jekop dakon diwatni dakon kila amin madepni bisap dagok dagogi mini egi anjan kinej kilani akdisak.”

<sup>34</sup>Yan yanban Maria da anjelo yan iyigit, “Yo yosol unun nian anjek altosak? Nak amin kinda pagim.”

<sup>35</sup>Yanban anjelo da gen kobogi yan iyigit, “Telagi Wup da gagon obinjakwan Pinjkop Wikwisi unun dakon tapmim da gak kibitdisak. Unun

e 1.19 Dan 8.16; 9.21 f 1.26-27 Mt 1.16,18 g 1.31 Ais 7.14; Mt 1.21-23

h 1.32-33 2Sa 7.12-13,16; Ais 9.7

do anjek monji anjalaki unun telagi egakwan amin da Pinjkop dakon Monji yan iyikdan. <sup>36</sup>Nandaki, mamago Elisabet miñat pelan kili agit, mani monji kwapni ton, do monji wili kinda anjalakdisak. Kalip amin da 'Monji aripmi dima panjalasak' yan yawit, mani abisok monji kwap kinda awilakwan kanek 6 mudosok. <sup>37</sup><sup>i</sup>Pinjkop da yo kinda ak do nandisak kan, aripmi dimasi antidok asak."

<sup>38</sup>Yanban Maria da yan iyigit, "Nak Amin Tagi dakon oman miñat egisat, do unun yosol nagon yan gin noman tosak dosi nandisat." Yan yanjakwan anjelo da yipman kigit.

### Maria da Elisabet kin kagit

<sup>39</sup>Unun bisapmon Maria tepmi kinjek miktim ileji ton timon Judia miktim dakon kokup pap kindakon kigit. <sup>40</sup>Kin Sekaraia da yutnon wigi Elisabet gildat tagi yan iyigit. <sup>41</sup>Iyinjakwan unudon gin Elisabet monji burigwan yikgit unun wigi mok agit. Anjakwan Elisabet Telagi Wup da burikon pigi tunganban <sup>42</sup>madepsi yan tidanjek yagit, "Pinjkop da yo tagisi miñat diwari do yomisak unun si yapman mudanjek gisamni madepsi gamisak. Ae monji unun gak da buron yikdak ununyo kisi Pinjkop da gisamikdak! <sup>43</sup>Amin Tagino dakon meni nagon nido obisak? Nak miñat tagi dima. <sup>44</sup>Gak da gildat tagi yan nayinjaki unudon gin monji butnogwan yikdak kisik kisik anjek wigi mok ak. <sup>45</sup>Amin Tagi da gen gayigit unun nandabi bami asisi noman tokdisak yan nandagil, do kisik kisik tagi abi."

### Maria da kisik kisik kap kinda yagit

<sup>46-49</sup>JYan yanban Maria da yagit, "Nak oman miñatni gin, ae mano minisi, mani nak do yo tagisi asak, do but dasi Amin Tagi anjksisat. Anjakwan butno da Pinjkop Panpulugok Amino do kisik kisik asak. Pinjkop Tapmim Ami da nak do yo madepsi kinda asak, do abisok ae don kisi amin da Pinjkop da gisamni madepsi namisak unun do yokdan. Mani unun telagisi toso. <sup>50</sup><sup>k</sup>Amin Pinjkop do pasolgoñ unun amin bupmi nandan yomisak. Abisok ae don miñat amin morapyo yan ginsi bupmi nandan yomiñ anjan kikdisak. <sup>51</sup><sup>l</sup>Iyi dakon kisit dasi pi tapmimi ton agit. Amin iyi do nandaba wigiwit amin unun yolban wasen kiwit. <sup>52</sup><sup>m</sup>Kila amin madep yityit tamo madepmon yikgan unun pabiñ yopmanek mani mini amin panenokdok. <sup>53</sup><sup>n</sup>Amin jap do an unun yo tagisi morapmi yomiñakwan buri tugoñ. Anjek amin yoni morapmi unun yolban yoni mini da kwan. <sup>54-55</sup><sup>o</sup>Iyi dakon oman monjini Israel panpuluganjek yan

<sup>i</sup> 1.37 WW 18.14    <sup>j</sup> 1.46-49 1Sa 2.1-10    <sup>k</sup> 1.50 Kap 103.13,17    <sup>l</sup> 1.51 2Sa 22.28

<sup>m</sup> 1.52 Jop 12.19; 5.11; Kap 147.6    <sup>n</sup> 1.53 Kap 34.10    <sup>o</sup> 1.54-55 WW 17.7; Mai 7.20; Kap 98.3

teban tok gen Abraham gat ae babikni gat do yoyigit unun dima iŋtagit. Yaŋ teban tok geni aŋteban aŋek unun yawi diwatni dagok dagogi mini bupmi nandaŋ yomiŋ aŋaŋ kisak.”

<sup>56</sup> Maria kanek kapbi Elisabet gat egek don kokupnikon tobil kigit.

### Jon altaŋit

<sup>57</sup> Elisabet da monji aŋalacak dakon bisap abinjakwan monji wili aŋalagit. <sup>58</sup> Aŋalaŋek kisik kisik aŋakwan Amin Tagi da bupmi nandaŋ imgut dakon gen nandaŋek kokup isalni gat ae yawi diwatni gat kisi da but galaksi nandawit.

<sup>59</sup> <sup>p</sup>Altaŋ gildatni 8 mudanakwan giptimni mandak do apgwit. Abinjek datni Sekaraia dakon man naŋ iyik do nandawit, <sup>60</sup> mani meŋi da yaŋ yagit, “Dima, mani Jon yaŋsi iyineŋ.”

<sup>61</sup> Yaŋban iyiwit, “Yawi diwatjikon Jon man kinda dima tosok.”

<sup>62</sup> Yaŋ yaŋek datni ni man naŋ yok do nandisak yaŋ do kisit tilak aŋ imgwit. <sup>63</sup> Aba Sekaraia da yo kinda kaŋ iba kilda mandisak do tilak aŋ yoban iba yaŋ mandagit, “Mani unun Jon.” Yaŋ mandaban nandaba yo ŋwakŋwarisi agit. <sup>64</sup> Uŋudon gin gen yogokni pisanjakwan gen wasaŋek yaŋek Piŋkop aŋkisigit. <sup>65</sup> Aŋakwan kokup isalni da kaŋ pasalek unun dakon geni yaŋba Judia miktim ileŋi toŋ timon kokup morap tawit amin kisisi da nandawit. <sup>66</sup> Aŋek unun do nandaŋ kokwin aŋek egipgwit. Amin Tagi dakon tapmim taŋ imgut, do yaŋ yawit, “Unun monji tagaŋek niaŋ amin kinda egipdisak?”

### Sekaraia da kombi gen yagit

<sup>67</sup> Jon dakon datni Sekaraia Telagi Wup da burikon pigi tugaŋban kombi gen yaŋek yaŋ yagit: <sup>68</sup> <sup>a</sup> “Israel dakon Piŋkop da abin amini yokwikon baŋ yumaŋ naŋ nipgut, do Amin Tagi aŋkisino. <sup>69</sup> <sup>r</sup> Oman monjini Dewit da kabikon da nin paŋpulugosak do amin tebaisi kinda aŋnoman agit. <sup>70</sup> Kalip kombi amin telagi da yaŋ yawit, <sup>71</sup> <sup>s</sup> ‘Piŋkop da uwalnin gat ae amin morap nin do nandaba yokwi tok aŋ nimaŋ amin da kisiron baŋ pulugaŋ nipdisak.’ <sup>72</sup> <sup>t</sup> Saŋbek saŋbek telagisi agit unun sigin nandaŋek babiknin bupmi nandaŋ yom do yagit. <sup>73-74</sup> <sup>u</sup> Babiknin Abraham yaŋ iyigit, ‘Nak asisi uwalji da kisiron baŋ pulugaŋ depbo pasol pasoli mini egek oman amino egipdaŋ. <sup>75</sup> <sup>v</sup> Gildari gildari nak da iŋamon telagisi ae kilegisi egi aŋaŋ kikdaŋ.’

<sup>76</sup> <sup>w</sup> “Jon, monjino, gak don Piŋkop Wikwisi dakon kombi amin kinda yaŋ gayikdaŋ. Gak Amin Tagi mibiltan iminjek kositni yuldisal. <sup>77-78</sup> <sup>x</sup>

p 1.59 WW 17.12; MS 12.3; Lk 2.21 q 1.68 Kap 72.18 r 1.69 Kap 18.2

s 1.71 Kap 106.10 t 1.72 WW 17.7; Kap 105.8-9 u 1.73-74 WW 22.16-17

v 1.75 Tit 2.12-14 w 1.76 Ais 40.3 x 1.77-78 Ais 60.1-2; Jer 31.34

Aņek miņat amin kabiyoni yoyiņ dekbi mibilni nandaba pisosak. Piņkopniņ uņun bupmini madepsi, do diwarini wiririk yomiņek pulugaņ timitdisak yaņ nandani. Uņun da Kwen Kokup dakon teņteņi madep yipban <sup>79</sup>pilin tukgwan ekwaņ amin da teņteņi kokdaņ. Uņun da kosit noliņban kaņek but yawot dakon kositnaņ kineņ.”

<sup>80</sup>Uņun monji, wup gipyo kisi tapmimi toņsi tagagit. Aņakwan miktim amin dima ekwaņ timon egakwan don noman taņban Israel amin da kawit.

**Yesu altagit**  
(Mt 1.18-25)

**2** <sup>1</sup>Uņun bisapmon Rom dakon kila amin madep Sisa Ogastus da gen teban kinda yipgut. Pi monjini kiņ amin miktimi miktimi ekwaņ uņun mani mandani do gen teban yipgut. <sup>2</sup>Man mandawit uņun pi kaluksi awit. Uņun bisapmon Kwirinius da Siria provins dakon kila amin madep egipgut. <sup>3</sup>Sisa Ogastus da gen teban yaņ yipgut, do amin kisisi mani mandani do kokupni kokupni kiņ mudawit.

<sup>4</sup>Josep uņun Galili provinskon, Nasaret kokupmon egipgut. Mani Dewit da yawi diwaron da altagit, do Judia provinskon, Dewit dakon kokup Betlehem uņudon kigit. <sup>5</sup>Miņatni pasak do manjikbi Maria uņun gat kisi mani mandani do kigimal. Uņun bisapmon Maria monji kwapni toņ da kigit. <sup>6</sup>Kiņ Betlehem kokupmon altaņ egakwal Maria monji altosak dakon bisapni apgut. <sup>7</sup>Amin da yumaņ naņek dipmin pokgoņ yut uņun amin da yikba tugagit, do bulmakau yut kindakon pawigi yikgimal. Yigakwal monji mibiltogi altaņban Maria da imalnaņ wamaņ bulmakau idapmon yipban pakgit.

**Sipsip kila amin da gen bin Nandawit**

<sup>8</sup>Bulmakau yutnon yigakwa Betlehem kokup da kapmatjok sipsip kila amin diwari da pilin kaga sipsip kila aņek joņ timon egipgwit. <sup>9</sup>Egakwa Amin Tagi dakon aņelo kinda da altaņ yomgut. Aban Amin Tagi dakon teņteņi da teņteņaņ yoban madepsi pasalgwit. <sup>10</sup>Aņakwa aņelo da yaņ yoyigit, “Ji dima pasolni. Nandani, nak gen tagisi kinda aņabisat. Uņun amin kisi da nandaņek kisik kisik madepsi akdaņ. <sup>11</sup>Abisok Amin Tagi Kristo uņun Dewit da kokupmon ji do altak. Uņun ji yokwikon baņ timit do altak. <sup>12</sup>Ji kiņ monji ģakģak imalnaņ wabi bulmakau idapmon potdisak do wisiaņ koni. Uņun kaņek bami dayisat yaņ nandani.”

<sup>13</sup>Gen yaņ yaņakwan uņudon ģin Kwen Kokup aņelo morapmisi da piņ notnikon muwugek Piņkop aņkisiņek yaņ yawit: <sup>14</sup>“Ason Kwen Kokup

Piŋkop aŋkisino. Miktimon amin galak taŋ yomisak uŋun kabikon but yawot tosak.”

### Sipsip kila amin da Yesu aŋalon awit

<sup>15</sup> Aŋelo da Kwen Kokup tobil wigakwa sipsip kila amin da notni yoyiŋ yoyiŋ aŋek yaŋ yawit, “Nin Betlehem kokupmon wigi Amin Tagi da gen niyisak uŋun dakon bami kono.” <sup>16</sup> Yaŋ yaŋek tepmisi wigi Maria gat Josep gat paŋalon aŋek, monji ŋakŋak uŋun bulmakau idapmon pakban kawit. <sup>17</sup> Kaŋek monji dakon gen bin nandawit uŋun yaŋ teŋteŋaŋba <sup>18</sup> nandaŋek amin kisisi nandaba yo ŋwakŋwarisi agit. <sup>19</sup><sup>z</sup> Aŋakwa Maria da gen uŋun nandaban yo madep aban nandaŋek egipgut. <sup>20</sup> Aŋakwan sipsip kila amin da tobil kiŋek aŋelo da gen yoyigit uŋun da ariŋmon pindakgwit, do Piŋkop aŋkisiwit.

### Yesu do man imgwit

<sup>21</sup><sup>a</sup> Gildatni 8 aŋakwan, giptim mandak bisapmon, mani Yesu yaŋ iyiwit. Dima altaŋakwan aŋelo da uŋun man kili yaŋgit.

### Simeon gat Ana gat da Yesu Telagi Yut Madepmon kagimal

<sup>22</sup><sup>b</sup> Josep gat Maria gat Piŋkop da iŋamon kilek tok dakon bisap kili noman tagit. Uŋun dakon gen Moses dakon gen tebanon tosoke. Do Maria gat Josep gat da Yesu Monji Amin Tagi do paret do Jerusalem aŋkigimal. <sup>23</sup><sup>c</sup> Amin Tagi dakon gen teban kinda mandabi naŋ yolek kigimal. Gen uŋun yaŋ:

“Miŋat kinda monji mibiltogi uŋun wili kaŋ, uŋun Amin Tagi do paret do.”

<sup>24</sup><sup>d</sup> Ae Amin Tagi dakon gen teban yolek paret ak do kigimal. Gen teban uŋun yaŋ tosoke:

“Kinarim bamori bo ae yiŋi yiŋi bulagi bamori baŋ mukwa soni.”

<sup>25</sup> Uŋun bisapmon amin kinda Jerusalem egipgut uŋun mani Simeon. Uŋun amin aŋpakni kilegisi ae Piŋkop gawak imiŋ aŋkisiŋyo aŋek egipgut. Piŋkop da Israel amin kabi but yokwikon egipgwit uŋun butni paŋteban asak do manjikbi amin uŋun do jomjom aŋek egipgut. Simeon uŋun Telagi Wup da burikon tugaŋbi amin kinda. <sup>26</sup> Telagi Wup da burikon gen yaŋ kili iyigit, “Gak tepmi dima kimotdisal. Amin Tagi dakon Kristo kaŋek don kimotdisal.”

<sup>27</sup> Simeon Telagi Wup da aŋtagap aban Telagi Yut Madepmon kigit. Aŋakwan Yesu meni datniyo da gen teban yolek Yesu aŋaŋ opgumal. <sup>28</sup> Aŋopbal Simeon da Yesu bedaŋek Piŋkop aŋkisiŋek yaŋ yaŋgit: <sup>29</sup> “Amin Tagi Tapmim Ami, kalip yaŋgil uŋun da tilagon oman amingo nak but

<sup>z</sup> 2.19 Lk 2.51    <sup>a</sup> 2.21 Lk 1.31    <sup>b</sup> 2.22 MS 12.1-8    <sup>c</sup> 2.23 TP 13.2,12    <sup>d</sup> 2.24 MS 12.8

yaworon da tagi kimokgeŋ. <sup>30 e</sup> Nin yokwikon baŋ timit do aŋek yo asal uŋun dabilno da kili uŋun kosot. <sup>31</sup> Amin morap da dabilon yo aŋnoman asal oni komaŋ. <sup>32 f</sup> Uŋun da Amin ŋwakŋwari Kabi miktimi miktimi ekwaŋ uŋun dakon but paŋteŋteŋ aban Piŋkop dakon mibili nandakdaŋ. Aŋek gak dakon amin kabigo Israel dakon tilimni egipdisak.”

<sup>33</sup> Yesu dakon meŋi datniyo Simeon da gen yagit uŋun nandaŋek nandabal ŋwakŋwarisi agit. <sup>34 s</sup> Aŋakwal Simeon da gisam yomiŋek Monji dakon meŋi Maria yaŋ iyigit, “Nandaki, Israel amin morapmi da on Monji do aŋek maŋ potdaŋ, ae morapmi da pidokdaŋ. But tobil ani do Piŋkop da yabekgit, mani yaŋba yokwi tok aŋ imdaŋ. <sup>35</sup> Yaŋ aŋek amin morapmi dakon nandak nandak pasili toŋ uŋun paŋteŋteŋ akdisak. Aŋek but yokwi da emat agak siba da yaŋ wamgo sugokdisak.”

<sup>36</sup> Uŋun bisapmon kombi amin miŋat pelaŋsi kinda egipgut, mani Ana. Uŋun Paniel, Ase da kabikon nani dakon gwi. Uŋun kalip amin paban egakwal bilak 7 kabi mudanakwan eni kimakgit. <sup>37</sup> Eni kimagakwan sakwabat egakwan bilakni 84 agit. Ana uŋun telagi yut dima yipmaŋ dekgit. Jap kelek egek bisit pi aŋek kalbi ae gildat kalba Piŋkop gawak imiŋek egipgut. <sup>38</sup> Uŋun bisapmon uŋun kisi obiŋ Monji kaŋek Piŋkop ya yaŋ iyigit. Yaŋ aŋek Piŋkop da Jerusalem amin paŋpulugosak do jomjom awit amin, uŋun baŋ Monji dakon gen yoyigit.

### Aeni Nasaret Kokupmon kiwit

<sup>39 h</sup> Yo morap Amin Tagi da gen tebanon tosok uŋun aŋ mudanek tobil Galili provinskon iyɪ da kokup Nasaret uŋudon kiwit. <sup>40</sup> Monji tagaŋ teban taŋek nandaŋ kokwini tagisi taŋ imgut. Ae Piŋkop dakon gisamni madepsi taŋ imgut.

### Yesu monjisok da Telagi Yut Madepmon wigigit

<sup>41 i</sup> Bilagi bilagi Yesu dakon meŋi datniyo Yapyap Bilak kok do Jerusalem kiŋ kiŋ awit. <sup>42</sup> Yesu bilakni 12 aŋakwan Yapyap Bilak dakon aŋpak yolek Jerusalem kiwit. <sup>43</sup> Uŋun bilak dakon bisap madep mudanakwan meŋi datniyo tobil kokupnikon kik do kigimal. Mani Yesu Jerusalem sigin egipgut. Egakwan meŋi datniyo Yesu sigin egisak yaŋ dima nandagimal. <sup>44</sup> Amin agipgwit gat akwaŋ bo yaŋ nandaŋek agakwal gildat kinda mudagit. Don diwatni ae notni agipgwit da bikbiknikon wusigimal. <sup>45</sup> Wusiŋ dima aŋalon aŋ aeni tobil Yesu wusiŋek Jerusalem kigimal. <sup>46</sup> Kiŋ gildat kapbi wusiŋ mudanek don Telagi Yut Madepmon aŋalon agimal. Uŋudon kaŋbal yoyiŋdet amin da binapmon yiŋek gen yaŋakwa nandaŋek mibili nandak do yoyiŋ yoyiŋ agit.

<sup>e</sup> 2.30 Ais 52.10; Lk 3.6; Tit 2.11    <sup>f</sup> 2.32 Ais 42.6; 49.6; 52.10    <sup>s</sup> 2.34 Ais 8.14; Mt 21.42; 1Pi 2.8    <sup>h</sup> 2.39 Mt 2.23    <sup>i</sup> 2.41 TP 12.24-27; 23.14-17; GT 16.1-8



<sup>47</sup>Amin morap mirak paŋek yikgwit uŋun nandak nandakni ae kobogi bamisi yagit uŋun do nandaba ŋwakŋwarisi agit. <sup>48</sup>Meŋi datniyo kaŋ wiripdagek meŋi da yaŋ iyigit, “Monji, gak nido yaŋ aŋaki wusamak? Datgo gat nit gak do nandaba kik aŋek wusamak.”

<sup>49</sup>Mani kobogi yaŋ yoyigit, “Jil nido nak wusik do pi amal? Nak Datno da yutnon egipmisi egisat jil uŋun dima nandamal?” <sup>50</sup>Mani gen yoyigit dakon mibili nandabal dima pisagit. <sup>51</sup><sup>j</sup> Yesu meŋi datni yolban tobil Nasaret si kiŋek bisapmi bisapmi meŋi datni dakon geni guramikgit. Aŋakwan meŋi da uŋun yo morap agit do nandaban yo madep aban nandaŋek egipgut. <sup>52</sup>Yesu tagaŋek nandaŋ kokwini tagisi taŋ imgut, ae Piŋkop da galak taŋ imiŋakwan aminyo kisi da galak taŋ imgwit.<sup>k</sup>

## Yesu da pini ak do aŋakwan kositni yul do yo morap noman tawit dakon gen

(Kilapmi 3.1–4.13)

### Jon da Piŋkop gen yagit

(Mt 3.1-12; Mk 1.2-8; Jn 1.19-28)

**3** <sup>1</sup>Sisa Taiberius da Rom dakon kila amin madep egakwan bilak 15 aŋakwan Pontias Pailat da Juda gapman dakon mibiltok amin egipgut. Ae uŋun bisapmon gin Erot da Galili miktim kila agit. Aŋakwan padige Pilip da Ituria miktim ae Takonitis miktim kila agit. Aŋakwan Lisania da Abilene miktim kila agit. <sup>2</sup>Aŋakwan Anas gat Kaiapas gat da mukwa sogok amin dakon mibiltok amin egipgumal. Uŋun bisapmon Sekaraia dakon monji Jon miktim amin da aripmi dima egipmi timon egakwan Piŋkop da geni imgut. <sup>3</sup><sup>l</sup> Iban Jon uŋun Jodan Pakbi oba tosogon miktim morap toŋ uŋudon agek Piŋkop dakon gen yagit. Amin but tobil aŋek telagi pakbi soŋakwa Piŋkop da diwarini yopmaŋ yomjak do yoyigit. <sup>4</sup><sup>m</sup> Yaŋ aŋakwan kombi amin Aisaia da papiakon gen mandabi uŋun bami tagit. Gen uŋun yaŋ:

“Miktim amin da aripmi dima egipmi timon amin kinda da yaŋ tidaneŋ yosok,

‘Amin Tagi dakon kosit aŋdimdim ani, kositni pasiŋ aŋmilip ani.

<sup>5</sup> Aŋek daŋgap madep pekba tugoni ae ileŋ morap pasiŋba kositni kilegisi asak.

Ae kosit gireŋi paŋmilip aba kilegisi asak.

Ae kosit yokwi paŋmilip aba wagil gwaljigi minisi asak.

<sup>6</sup> Yaŋ aŋakwa miŋat amin morapyo da Piŋkop da nin yokwikon baŋ timit do aŋek pi asak uŋun koni.’ ”

j 2.51 Lk 2.19    k 2.52 1Sa 2.26; YT 3.4    l 3.3 Ya 13.24    m 3.4-6 Ais 40.3-5

7<sup>n</sup> Amin morapmi Jon da telagi pakbi soŋ yomjak do abiŋakwa yaŋ yoyigit, “Ji tuŋon amin emari toŋ dakon gwakni kabi. Piŋkop da butjap nandaŋek yokwi pakpak do yo yokwisi aŋ yomdisak. Piŋkop dakon butjap apdisak yaŋ namin da uŋun dakon but piso dayik da uŋun yap do pasal kwaŋ? 8<sup>o</sup> Ji but tobil bamisi aŋek aŋpakjikon but tobil dakon bami aŋalon ani. Ji diŋi do ‘Nin Abraham dakon babakni’ yaŋ diŋa yoni. Nak yaŋsi dayisat, Piŋkop da yaŋban on tip kabi da Abraham dakon babakni tagi dagoni. Ji uŋun Abrahamon da altawit uŋun da yo madep diŋa asak. 9<sup>p</sup> Parenka kindap mibilon yipbi da tosok. Kindap morap bami tagi diŋa toni uŋun mandaŋ kindapmon maba pigi sokdaŋ.”

10 Amin da Jon dakon gen uŋun nandaŋek yaŋ iyiwit, “Nin niaŋsi aneŋ?”

11 Yaŋba Jon da kobogi yaŋ yoyigit, “Amin kinda paba pigikni bamori kaŋ, minini amin do kinda imjak. Ae japni taŋ imaŋ aminyo kisi yaŋ gin asak.”

12<sup>q</sup> Yaŋ yaŋban takis timit timit amin diwari telagi pakbi sok do apgwit uŋun da yaŋ iyiwit, “Yoyiŋdet, nin niaŋsi aneŋ?”

13 Iyiba yoyigit, “Ji takis gapman da dayisak uŋun da aripmon gin timitni. Ae saŋbeŋek di gat diŋa timitni.”

14 Ae emat amin diwari da yaŋ iyiwit, “Ae nin niaŋsi aneŋ?”

Iyiba yoyigit, “Ji amin yo yokwi aŋ yomiŋek top yoyiŋek moneŋni diŋa timitni. Topmon da gen pikon diŋa yopni. Pi aŋ dakon yumaŋ nogi timikgaŋ uŋun aripninon timikgamaŋ yaŋ nandaba mudosak.”

15 Amin da butni pidaŋban but morap aŋek yaŋ nandawit, “Jon uŋun Kristo bo?”

16<sup>r</sup> Yaŋ nandaŋakwa Jon da yaŋ yoyigit, “Nak pakbisi baŋ telagi pakbi soŋ damisat. Mani nak da manjikon abisak amin uŋun dakon tapmim da nak dakon tapmim yapmaŋdak. Nak yombem yokwi da kandap gwil napni tagi diŋa witdalgeŋ. Uŋun amin da Telagi Wup gat ae kindap gat soŋ damdisak. 17 Uŋun wit dakon sibiŋ sibiŋ wiririŋ kindap kiririŋi kisitnikon taŋakwan apdisak. Abiŋek bami kokwinik tamonikon yopmaŋek sibiŋ sibiŋ wiririŋ maban kindap kimot kimori mini uŋudon sokdaŋ.” 18 Jon nawa gen morapmi gat kisi amin dakon but pisoni do yoyigit. Yaŋ aŋek Gen Bin Tagisi yaŋ tenŋeŋaŋ yomgut.

### Erot da Jon dam tebanon yipgut

19<sup>s</sup> Jon da gapman dakon kila amin madep Erot tebai kaŋ yagit, nido Erot da padige dakon miŋatni Erodias tuwil pagit, ae aŋpak yokwi di kisi agit. 20 Erot yokwi kinda gat sigin saŋbeŋ aŋek Jon dam tebanon yipgut.

<sup>n</sup> 3.7 Mt 12.34; 23.33   <sup>o</sup> 3.8 Jn 8.33,39   <sup>p</sup> 3.9 Mt 7.19   <sup>q</sup> 3.12 Lk 7.29   <sup>r</sup> 3.16 Ya 13.25  
<sup>s</sup> 3.19 Mt 14.3-4; Mk 6.17-18

**Jon da Yesu telagi pakbi soŋ imgut**

*(Mt 3.13-17; Mk 1.9-11)*

<sup>21</sup> Amin morap telagi pakbi soŋakwa Yesu yo kisi sogit. Soŋek bisit aŋakwan kundu witdal kigit. <sup>22</sup> Witdal kijakwan Telagi Wup kinarim da miktimon paŋ uŋun da tilak Yesukon pigit. Aŋakwan Kwen Kokupgwan da gen kinda yaŋ altagit: “Gak Monjino. Butdasi galak taŋ gamisat. Butno gak do tagisi asak.”

**Yesu dakon babini dakon man silip**

*(Mt 1.1-17)*

<sup>23</sup> <sup>u</sup> Yesu bilakni 30 da tilak aŋakwan pini wasagit.

Yesu uŋun Josep dakon monji amin da yaŋ nandawit.

Josep uŋun Eli dakon monji.

<sup>24</sup> Eli uŋun Matat dakon monji.

Matat uŋun Liwai dakon monji.

Liwai uŋun Melki dakon monji.

Melki uŋun Janai dakon monji.

Janai uŋun Josep dakon monji.

<sup>25</sup> Josep uŋun Matatias dakon monji.

Matatias uŋun Amos dakon monji.

Amos uŋun Naum dakon monji.

Naum uŋun Esli dakon monji.

Esli uŋun Nagai dakon monji.

<sup>26</sup> Nagai uŋun Mat dakon monji.

Mat uŋun Matatias dakon monji.

Matatias uŋun Semen dakon monji.

Semen uŋun Josek dakon monji.

Josek uŋun Joda dakon monji.

<sup>27</sup> Joda uŋun Joanan dakon monji.

Joanan uŋun Resa dakon monji.

Resa uŋun Serubabel dakon monji.

Serubabel uŋun Sealtiel dakon monji.

Sealtiel uŋun Neri dakon monji.

<sup>28</sup> Neri uŋun Melki dakon monji.

Melki uŋun Adi dakon monji.

Adi uŋun Kosam dakon monji.

Kosam uŋun Elmadam dakon monji.

Elmadam uŋun Er dakon monji.

<sup>29</sup> Er uŋun Josua dakon monji.

---

<sup>t</sup> 3.22 Jn 1.32    <sup>u</sup> 3.23 Lk 4.22; Jn 6.42

- Josua unun Eliesa dakon monji.  
 Eliesa unun Jorim dakon monji.  
 Jorim unun Matat dakon monji.  
 Matat unun Liwai dakon monji.  
 30 Liwai unun Simeon dakon monji.  
 Simeon unun Juda dakon monji.  
 Juda unun Josep dakon monji.  
 Josep unun Jonam dakon monji.  
 Jonam unun Eliakim dakon monji.  
 31 Eliakim unun Melea dakon monji.  
 Melea unun Mena dakon monji.  
 Mena unun Matata dakon monji.  
 Matata unun Natan dakon monji.  
 Natan unun Dewit dakon monji.  
 32 <sup>v</sup> Dewit unun Jesi dakon monji.  
 Jesi unun Obet dakon monji.  
 Obet unun Boas dakon monji.  
 Boas unun Salmon dakon monji.  
 Salmon unun Nason dakon monji.  
 33 Nason unun Aminadap dakon monji.  
 Aminadap unun Atmin dakon monji.  
 Atmin unun Ani dakon monji.  
 Ani unun Esron dakon monji.  
 Esron unun Peres dakon monji.  
 Peres unun Juda dakon monji.  
 34 Juda unun Jekop dakon monji.  
 Jekop unun Aisak dakon monji.  
 Aisak unun Abraham dakon monji.  
 Abraham unun Tera dakon monji.  
 Tera unun Nao dakon monji.  
 35 Nao unun Seruk dakon monji.  
 Seruk unun Reu dakon monji.  
 Reu unun Pelek dakon monji.  
 Pelek unun Ebe dakon monji.  
 Ebe unun Sela dakon monji.  
 36 <sup>w</sup> Sela unun Kainan dakon monji.  
 Kainan unun Apaksat dakon monji.  
 Apaksat unun Siem dakon monji.  
 Siem unun Noa dakon monji.  
 Noa unun Lamek dakon monji.

---

<sup>v</sup> 3.32 Ru 4.17-22    <sup>w</sup> 3.36 WW 11.10-26

- 37 Lamek ujun Metusela dakon monji.  
 Metusela ujun Enok dakon monji.  
 Enok ujun Jaret dakon monji.  
 Jaret ujun Malalel dakon monji.  
 Malalel ujun Kenan dakon monji.
- 38 <sup>x</sup> Kenan ujun Enos dakon monji.  
 Enos ujun Set dakon monji.  
 Set ujun Adam dakon monji.  
 Adam ujun Piŋkop dakon monji.

### Sunduk da Yesu ankwalgit

(Mt 4.1-11; Mk 1.12-13)

**4** <sup>1</sup> Yesu Telagi Wup da burikon tugaŋban Jodan Pakbikon da tobił apgut. Abiŋakwan Telagi Wup da iyin aŋaŋ miktım amin da arıpmi dima egıpmi timon ankwigit. <sup>2</sup> Kiŋ unudon gildat 40 japmi mini egek jap do madepsi agit. Anakwan Sunduk da ankwalgit. <sup>3</sup> Ankwalek yaŋ iyigit, “Gak asi Piŋkop dakon Monji egısalon yaŋbi tip on da bret dagaŋban.”

<sup>4</sup> Yaŋban Yesu da yaŋ iyigit, “Piŋkop da papiakon gen yaŋ tosok: ‘Bret dagin amin egip egip tagi dima yomjak.’”

<sup>5</sup> Yaŋ yaŋban Sunduk da Yesu iyin aŋaŋ ileŋ dubagisi kindakon wigek unudon gin on miktım miktım madep madep morap kisi yolıŋban pındakgit. <sup>6</sup> Aŋek yaŋ iyigit, “On miktım madep kisi kilani aki do yaŋ mudan gabo man madep paki. On miktım madep kisi nak dakon, do amin kinda do im do nandaken kaŋ tagi ibeŋ. <sup>7</sup> Gawak nabi kaŋ, on yo morap gak do gamiŋ mudokeŋ.”

<sup>8</sup> <sup>z</sup> Yaŋ yaŋban Yesu da iyigit, “Piŋkop da papiakon gen yaŋ tosok: ‘Amin Tagi Piŋkopji ujun naŋ gin gawak imiŋek oman anımnı.’”

<sup>9-11</sup> <sup>a</sup> Yaŋ yaŋban Sunduk da Yesu iyin aŋaŋ Jerusalem kokup papmon kigit. Kiŋ Telagi Yut Madep da kwenon awigi yipmanek yaŋ iyigit, “Piŋkop da papiakon gen kinda yaŋ tosok:

‘Ujun da aŋeloni yoyıŋban kilago tagisi ani. Ae kandapgo tipmon dima gitni yaŋ do aŋelo da gak kisit da kendak abiŋ gepni.’

Gen yaŋ tosok, do gak asi Piŋkop dakon Monji kaŋ, gak amon mibılikon paŋ ma.”

<sup>12</sup> <sup>b</sup> Yaŋban Yesu da iyigit, “Piŋkop da papiakon gen kinda yaŋ yosok: ‘Amin Tagi Piŋkopji dakon tapmım kok do aŋek dimasi ankwaldo.’”

<sup>13</sup> <sup>c</sup> Sunduk da paŋkewal morap ujun aŋ mudanek ae bısap kindakon don ankwalgıŋ yaŋ nandanek Yesu yipman kigit.

<sup>x</sup> 3.38 WW 4.25-26    <sup>y</sup> 4.4 GT 8.3    <sup>z</sup> 4.8 GT 6.13-14    <sup>a</sup> 4.9-11 Kap 91.11-12

<sup>b</sup> 4.12 GT 6.16; 1Ko 10.9    <sup>c</sup> 4.13 İbr 2.18; 4.15

**Yesu unun Galili Provinskon kinjek Wup da teban togon  
pini wasagit**  
(*Kilapmi 4.14–9.50*)

**Yesu unun Galili Provinskon pini wasagit**  
(*Mt 4.12-17; Mk 1.14-15*)

<sup>14</sup> Yesu unun Wup da teban togon aeni tobil Galili miktimon kigit. Kinjakwan minat amin morapyo kokup teri teri egipgwit unun da gen bini nandawit. <sup>15</sup> Bisapmi bisapmi Juda amin da muwut muwut yutnon wigek amin yoyinj dekgit. Yan ajakwan amin kisi da anjkisiwit.

**Nasaret amin da Yesu do nandaba yokwi tok awit**  
(*Mt 13.53-58; Mk 6.1-6*)

<sup>16</sup> Yesu unun Nasaret kokupmon kigit. Kalip unun kokupmon egek tagan teban tajeke amin tagi agit. Sabat bisapmon Juda amin da muwut muwut yutnon wigi wigi agit unuden gin Sabat kindakon wigigit. Anek Pinjkop dakon gen manjik do pidaņ agit. <sup>17</sup> Pidaņ agakwan kombi amin Aisaia dakon papia iba abidaņ witdalek gen yan naņ manjigit:

<sup>18 d</sup> “Amin Tagi dakon Wupni nagon tosoke, nido amin yoni minikon kinjek Gen Bin Tagisi yoyiken do nak manjineke but nelak tagil namgut.

Ae dam tebanon ekwan amin pulugaņ ki abigini yan yoyiken do yabekgit.

Ae dabili mini amin tagi sinjtoni, ae amin da pabin yopmanjan amin unun pulugaņ yopbeņ do yabekgit.

<sup>19</sup> Amin Tagi da minat amin kabini yo tagisi anyomdisak dakon bisap kili abisak unun dakon yan tenjok akeņ do yabekgit.”

<sup>20</sup> Yesu unun gen manjin mudaneke papia gironjikek kila amin do imineke yikgit. Yigakwan unun muwut muwut yutnon amin kisi dabilni Yesukon gin tanakwan yikgwit.

<sup>21</sup> Anakwa Yesu da yan yoyigit, “Pinjkop dakon gen manjiko nandayin unun abisok dabiljikon bami ton asak.” <sup>22 e</sup> Yanban amin gen yagit do nandaba tagisi anakwan yawit, “Mao! On Josep dakon monji da nianjonsi da gen galagisi on yosok?”

<sup>23</sup> Yanba Yesu yoyigit, “Amin da gen kinda yon unun yan: ‘Wuda wamak gaga dakon giptim anmilip a.’ Unun gen nak nayikdan, ma? Ae ‘Kapaneam kokupmon wasok agil do amin da yanba nandagiman unun yomaninon yan gin abi do nandaman’ yan nayikdan, ma? <sup>24 f</sup> Nak asisi dayisat, kombi amin morap kokup kalonni da geni dima nandaņ yoman.

---

<sup>d</sup> 4.18-19 Ais 61.1-2    <sup>e</sup> 4.22 Lk 3.23; Jn 6.42    <sup>f</sup> 4.24 Jn 4.44

25<sup>g</sup> Asisi, kombi amin Elaija da bisapmon sikak dima maŋakwan bilak kapbi ae kanek 6 yaŋ egek jap do madepsi awit. Uŋun bisapmon Israel miktimon sakwabat morapmi egipgwit. 26<sup>h</sup> Mani Piŋkop da Elaija Israel sakwabat kinda do dima yabekgit. Sakwabat kinda Sarepat kokupmon egipgut uŋun do yabekban kigit. Sarepat uŋun Saidon kokup da tetgin do tosok. 27<sup>i</sup> Ae kombi amin Elisa da bisapmon Israel miktimon wuda tebani toŋ amin morapmi egipgwit, mani kinda dima kilek tagit. Siria miktimon nani amin kinda mani Neman uŋun dagin kilek tagit.”

28 Yaŋ yaŋban amin muwut muwut yutnon egipgwit kisi da japmisi nandaŋek 29 pidaŋ Yesu yolba kokup da waŋga pigigit. Kokup uŋun ileŋon tagit, do tipdomon maba pigisak do aŋkiwit. 30 Mani amin da bikbiŋon da si kigit.

**Yesu da amin kinda koŋni yol imgut**  
(Mk 1.21-28)

31 Yesu Nasaret kokup yipmaŋek Galili miktimon kokup kinda mani Kapaneam uŋudon pigigit. Pabigi egek Sabat bisap morapmon amin yoyiŋ dekgit. 32<sup>j</sup> Yoyiŋ degakwan amin kinda man madepni toŋ da gen ŋwakŋwarisi niyisak yaŋ nandawit.

33 Koŋni toŋ amin kinda Juda amin da muwut muwut yutnon yikgit. Uŋun da madepsi yaŋ tidaŋek yaŋ yagit, 34 “Yesu, Nasaret amin, gak nibaŋ aŋnim do nandisal? Nin paŋupbal ak do abil? Nak nandaŋ gamisat, gak Piŋkop Dakon Telagi Amini.”

35 Mani Yesu da koŋ tebai yaŋ iyigit, “Gak gen dima yaŋek amin on yipmaŋ det!” Yaŋ iyinakwan koŋ uŋun da amin ukwayikban maŋ amin da binapmon pakgit. Pagakwan amin uŋun dima aŋupbal aŋek yipmaŋ kigit. 36 Amin da uŋun kaŋ wuripdagek notni yoyiŋ yoyiŋ aŋek yawit, “Mao, niaŋ gen kinda yosok? Amin man madepni toŋ ae tapmimni toŋ da tilagon koŋ gen tebai yoyiŋban geni nandaŋek pasal kwaŋ.” 37 Yaŋ yaŋakwa Yesu da pi agit dakon gen uŋun provins dakon amin kisi da nandawit.

**Yesu da Pita dakon yopmi aŋmilip agit**  
(Mt 8.14-15; Mk 1.29-31)

38 Yesu Juda amin dakon muwut muwut yut yipmaŋek Saimon da yutnon kigit. Saimon dakon yopmi sot aŋek giptimni kindapmi sogit. Yaŋ aŋakwan Yesu da aŋpulugosak do iyiwit. 39 Aba Yesu uŋun miŋat da kapmatjok paŋki agek giptimni kindapmi sogit uŋun pasil imjak do tebai yagit. Yaŋban sotni pasil iminakwan uŋudon gin pidaŋek japni paŋkosit agit.

<sup>g</sup> 4.25 1KA 17.1,7    <sup>h</sup> 4.26 1KA 17.8-16    <sup>i</sup> 4.27 2KA 5.1-14    <sup>j</sup> 4.32 Mt 7.28-29

**Yesu da amin paŋmilip agit**  
(Mt 8.16-17; Mk 1.32-34)

<sup>40</sup>Gildat si pigik do aŋakwan amin da notni sot mibili mibili awit uŋun Yesukon paŋopgwit. Paŋopba Yesu da kisitni kwenikon kalon kalon wutjinek paŋmilip agit. <sup>41</sup><sup>k</sup> Ae amin morapmi koŋni toŋ uŋun yol yomgut. Yolakwan koŋ da yaŋ tidaŋek yawit, “Gak Piŋkop dakon Monji.” Yesu uŋun Kristo yaŋ nandaŋ imgwit, do Yesu da koŋ gen dimasi yoni do kirinjik yomgut.

**Yesu kokup pap diwarikon agipgut**  
(Mk 1.35-39)

<sup>42</sup>Wisa dagokdosi Yesu amin dima egipgwit tim kindakon kigit. Aŋakwan amin da wusiŋ aŋalon aŋek dima yopmaŋ kisak do nandaŋek abidok do awit. <sup>43</sup>Mani yaŋ yoyigit, “Nak Piŋkop da Amin Kila Akdisak uŋun dakon Gen Bin Tagisi kokup pap diwarikon kisi agek yoyiŋ teŋteŋoken. Nak Piŋkop da uŋun pi abeŋ dosi yabekgit.” <sup>44</sup><sup>l</sup> Yaŋ yaŋek Judia miktimon muwut muwut yut taŋ aŋaŋ kiwit uŋudon agek Piŋkop gen yoyigit.

**Yesu da wasaŋek paŋdetni timikgit**  
(Mt 4.18-22; Mk 1.16-20)

**5** <sup>1</sup><sup>m</sup> Bisap kindakon Yesu Genesaret<sup>n</sup> Pakbi İdap ileŋikon agek Piŋkop dakon gen yaŋakwan amin morapmi da abiŋ uŋun da kapmatsisok aŋgwasiaŋek nandawit. <sup>2</sup>Yesu bot bamori ileŋikon taŋbal pindagkit. Uŋun tap kilap simil simil amin da yopba taŋakwal tap kilap simil simil yikni pakbikon sugawit. <sup>3</sup>Yesu uŋun bot kindakon milkaŋ wigigit. Bot uŋun Saimon dakon. Uŋun boron wigek Saimon yaŋ iyigit, “Bot imiŋdilbi timisok di pakbikon kwan.” Yaŋ iyinek Yesu boron yigek amin yoyiŋ dekgit. <sup>4</sup>Yoyiŋ dek mudaneŋ Saimon yaŋ iyigit, “Timisok di gat kiŋek pakbi ilarikon kiŋek tap kilap simil do yik yopba pigini.”

<sup>5</sup><sup>o</sup> Yaŋban Saimon da iyigit, “Amin tagi, nin kalbi tap kilap simil do pi madep aŋek tap kilap kinda dima iligapdo wisa dagak. Mani gak dakon gen guramigek yik yum yopno pigini.” <sup>6</sup>Yoyigit uŋudeŋ aŋakwa tap kilap morapmisi yigon pigi tugaŋek yik dagok do awit. <sup>7</sup>Aŋakwa notni bot kindakon agipgwit amin da abiŋ paŋpulugoni do kisit da tilak aŋ yomgwit. Tilak aŋ yoba apba tap kilap bot bamot kisikon yopba tugaŋ jik taŋek pakbi kagagwan pigik do agimal. <sup>8-10</sup>Saimon gat notni kabi gat tap kilap ilikgwit uŋun pindagek tamtam yawit. Ae Saimon dakon pi

<sup>k</sup> 4.41 Mt 8.29; Mk 3.11-12    <sup>l</sup> 4.44 Mt 4.23    <sup>m</sup> 5.1 Mt 13.1-2; Mk 3.9-10    <sup>n</sup> 5.1 Genesaret uŋun Galili Pakbi İdap dakon mani kind.    <sup>o</sup> 5.5 Jn 21.3-8



isal bamotni Jems gat Jon gat Sebedi dakon monji yat unjun kisi tamtam yagimal. Anek Saimon Pita da Yesu n̄wakbeŋ aŋ imiŋek yaŋ iyigit, “Amin Tagi, nepmaŋ dek ki. Nak yokwi pakpak!”

Yaŋban Yesu da Saimon yaŋ iyigit, “Gak dima pasolbi. Abisok onda wasaŋek gak amin timitdisal.” <sup>11p</sup> Yaŋ yaŋban bot bamotni ilikba ileŋikon wigakwal yo morapni kisi yopmaŋek Yesu yolgwit.

**Yesu da amin kinda wuda tebani toŋ aŋmilip agit**

*(Mt 8.1-4; Mk 1.40-45)*

<sup>12</sup> Bisap kindakon Yesu kokup pap kindakon egakwan amin wuda tebani toŋ kinda egipgut. Unjun da Yesu kaŋek n̄wakbeŋ aŋ imiŋek miktimon gawagek Yesu bisit tebai iyigit, “Amin Tagi, Piŋkop da dabilon kilek token do nandisal kaŋ, tagi aŋmilip abi kilek token.”

<sup>13</sup> Yaŋban Yesu da kisitni amin unjun kwenikon witjiŋek yaŋ iyigit, “Kilek toki do nandisat, do pasil gamni!” Yaŋ yaŋban unjudon gin wuda tebani pasil imiŋakwa kilek tagit. <sup>14q</sup> Aban Yesu da yaŋ iyigit, “Gak amin dimasi yoyiŋek kiŋ mukwa sogok aminon giptingo yoliki. Anek Moses da yagit unjun da tilagon paret aŋaki amin da asi kilek tal yaŋ gandani.” <sup>15</sup> Mani Yesu da yo agit dakon geni sigin kiŋ ireŋ tagit. Aŋakwan amin morapmi da geni nandak do opgwit. Ae sotni paŋmilip aŋyomjak do opgwit. <sup>16</sup> Mani Yesu bisap morapmi miktim amin dima ekwaŋ timon paŋki egek bisit pi agit.

**Yesu da amin kisiri kandapmiyo kimakbi kinda aŋmilip agit**

*(Mt 9.1-8; Mk 2.1-12)*

<sup>17</sup> Bisap kindakon Yesu amin yoyiŋ degakwan Parisi amin ae gen teban yoyiŋdet aminyo kisi paŋobiŋ yikgwit. Unjun amin Jerusalem, ae Galili dakon kokup morap toŋ, ae Judia miktimon da opgwit. Yesu Amin Tagi dakon tapmim taŋ imgut, do sot amin paŋmilip agit. <sup>18</sup> Aŋakwan amin kabi kinda da amin kisiri kandapmiyo kimakbi kinda wamaŋ aŋaŋ opgwit. Unjun wayigon yipba pagakwan aŋaŋ Yesu da akgiron awigik do awit. <sup>19</sup> Mani amin morapmi, do yutnon awigik do aŋtidok awit. Do yut kwenon wigi yut tuwilek amin unjun wayigon pagakwan napmon da abidaŋakwa amin morap da binapmon piŋek Yesu da buronsi piŋigit. <sup>20r</sup> Yesu da nandaŋ gadatni pindagek yagit, “Not, diwarigo yopmaŋ gamisat.”

<sup>21</sup> Yaŋban Parisi amin gat ae gen teban yoyiŋdet amin gat da iyi yaŋ nandawit, “On namin amin kinda da Piŋkop kulabiŋek gen unjun yosok? Diwari yopyop unjun amin kinda da aripmi dimasi agagi. Unjun Piŋkop kalonŋ daŋin asak.”

<sup>22</sup> Yesu da nandak nandakni unun pindak nandanyo anjek yan yoyigit, “Ji nido butjikon da nandak nandak unun nandaŋ namaŋ? <sup>23</sup> Diwari yopyop ae amin kisiŋ kandapmiyo kimakbi paŋmilip agak unun kisi amin da aripmi dima agagi. <sup>24</sup> <sup>s</sup> Mani Amin Dakon Monji on miŋtimon diwari wiririt dakon pi asak do yan mudan ibi yan nandaba pidosak do on amin anmilip abeŋ.” Yesu yan yanek kisiri kandapmiyo kimakbi amin kanek yan iyigit, “Nak gayisat, gak pidaŋ yaliŋ potgo timigek yutgokon ki.” <sup>25</sup> Yanban unudon gin amin unun pidaŋek yaliŋ potni timigek Piŋkop anksineŋek yutnikon kigit. <sup>26</sup> Anakwan miŋat amin morapyo unun kan wuripdagek Piŋkop anksineŋek yawit, “Abisok yo nŋwakŋwarisi altaŋban komaŋ.”

**Yesu da Liwai (Matyu) yan imgut**  
(Mt 9.9-13; Mk 2.13-17)

<sup>27</sup> Unun da kwenon Yesu yomakon pigeŋ kiŋ kanban takis timit timit yut kabenoŋ takis timit timit amin kinda yikban kagit. Unun mani Liwai. Yesu da Liwai yan iyigit, “Abiŋ nak nol.” <sup>28</sup> Yan iyinban Liwai pidaŋ yo morapni kisi yopmaŋek Yesu yolgit.

<sup>29</sup> Anek Liwai da yutnikon Yesu do jap madepsi paŋkosit agit. Yan aban takis timit timit amin morapmi gat ae amin diwari gat kisi yigek jap nawit. <sup>30</sup> <sup>t</sup> Anakwa Parisi amin gat ae gen teban yoyiŋdet amin Parisi da kabikon nani unun da Yesu dakon paŋdetni do yanba yokwi tok anek yan yoyiwit, “Ji jap pakbiyo takis timit timit amin ae yokwi pakpak amin gat nido anŋ?”

<sup>31</sup> Yanba Yesu da yan yoyigit, “Amin sotni mini unun wuda wamagon dima kwan. Amin sotni toŋ unun dagan wuda wamagon kwan. <sup>32</sup> Nak amin kilegi yan ilit do dima pigim. Yokwi pakpak yan ilikgo but tobil ani do pigim.”

**Piŋkop dogin nandaŋek jap kelek egip egip do yagit**  
(Mt 9.14-17; Mk 2.18-22)

<sup>33</sup> Parisi amin da Yesu yan iyiwit, “Jon dakon paŋdetni bisap morapmi Piŋkop do nandaŋek jap kelek egek bisit pi an. Ae Parisi amin nin dakon paŋdetnin kisi yan gin an. Mani gak dakon paŋdetgoni jap pakbiyo anek ekwan.”

<sup>34</sup> <sup>u</sup> Yanba Yesu da yoyigit, “Monji kinda miŋat pasak bisapmon unun jap noknok bisap madep kinda, ae monji notni gat ekwan, do jap kelek tagi dima egipni. <sup>35</sup> Mani don monji unun abidaŋ anan kinakwa notni unun bisapmon jap kelek ekwan.”

<sup>36</sup> Yesu da tilak gen kinda gat yoyineŋek yagit, “Amin kinda da imal kalugi kinda pudan imal garanj dagan kwi kindakon bupjak kan unun tagi dima. Yan

<sup>s</sup> 5.24 Jn 5.8    <sup>t</sup> 5.30 Lk 15.1-2    <sup>u</sup> 5.34 Jn 3.29

asak kaŋ, imal kalugi aŋupbal asak. Ae imal kalugi uŋun kalipmi gat arip dima. <sup>37</sup>Ae amin kinda da wain kalugi tibiri meme gip baŋ wasaŋbi kalipmi kindakon kolesak kaŋ uŋun tagi dima. Yaŋ asak kaŋ, wain da pukwa paptanŋ meme gip kiringigakwa wain maŋ mudokdanŋ. Ae meme gipyo kisi yokwi tokdisak. <sup>38</sup>Do wain kalugi meme gip kalugikon kolaŋ. <sup>39</sup>Ae wain kalipmi nosok amin wain kalugi nok do kuragi nandanek yaŋ yosok, “Wain kalipmi uŋun tagisi.”

### **Sabat bisap dakon gen**

*(Mt 12.1-8; Mk 2.23-28)*

**6** <sup>1</sup>v Sabat bisap kindakon Yesu wit pi binap kinda naŋ kigit. Kijakwan paŋdetni da wit bami di jimik kisit da misiŋjikba gipmi maŋakwa bami si nawit. <sup>2</sup>w Aŋakwa Parisi amin di da pindagek yawit, “Ji Sabat bisap dakon gen teban yapmaŋek nido yaŋ aŋ?”

<sup>3</sup>x Yaŋba Yesu da kobogi yaŋ yoyigit, “Ji Dewit gat amin kabini gat da jap do awit bisapmon yo awit uŋun di manjiŋ nandan bo dima? <sup>4</sup>y Dewit uŋun Piŋkop da yutnon wigi bret Piŋkop do parekbi uŋun timikgit. Bret uŋun mukwa sogok amin dagin tagi noknogi. Mani Dewit da naŋek amin kabini kisi do yomgut.” <sup>5</sup>Yesu da sigin yaŋ yoyigit, “Amin Dakon Monji uŋun Sabat bisap dakon Amin Tagi.”

### **Yesu da Sabat bisapmon amin kinda aŋmilip agit**

*(Mt 12.9-14; Mk 3.1-6)*

<sup>6</sup>Sabat bisap kindakon Yesu Juda amin da muwut muwut yutnon wigek yoyiŋdet agit. Uŋudon amin kisiri aminsi tetni gireŋjikbi kinda egipgut. <sup>7</sup>Parisi amin gat ae gen teban yoyiŋdet amin gat da Yesu Sabat bisapmon amin paŋmilip aban kaŋek gen yaŋ imneŋ yaŋ do kaŋ egipgwit. <sup>8</sup>Mani Yesu da nandak nandakni pindak nandanjo aŋek amin kisiri gireŋjikbi yaŋ iyigit, “Gak pidaŋ amin da iŋamon at.” Iyijban amin uŋun pidaŋ akgit. <sup>9</sup>Pidaŋ agakwan Yesu da yoyigit, “Ji niaŋ nandan? Sabat bisap dakon gen teban uŋun aŋpak tagi bo yokwi aneŋ do yosok? Amin kutnok do yosok, bo ae amin si paŋupbal ano kimotni do yosok?” <sup>10</sup>Yesu da amin morap kisi pindak aŋaŋ ki mudanek yaŋ iyigit, “Kisitgo aŋniŋniŋ a.” Iyijban yaŋ gin aŋakwan kisiri kilek tagit. <sup>11</sup>Mani Parisi amin gat ae gen teban yoyiŋdet amin gat da japmisi nandan imiŋek iyi gin yaŋ nandat aŋek Yesu niaŋsi aŋ imno yaŋ yawit.

### **Yesu da yabekbini 12 kabi timikgit**

*(Mt 10.1-4; Mk 3.13-19)*

<sup>12</sup>Uŋun bisapmon Yesu kalbi bisit pi ak do kabap kindakon wigi Piŋkop bisit iyigit. Bisit pi aŋ egakwan wisa daganban <sup>13</sup>paŋdetni yaŋ yoban apba 12 kabi manjigit. Manjiŋek yabekbi man yomgut.

v 6.1 GT 23.25 w 6.2 Jn 5.10 x 6.3 1Sa 21.1-6 y 6.4 MS 24.5-9

- 14 Kinda unjun mani Saimon (unjun Yesu da Pita yan iyigit).  
 Ae Saimon dakon padige Andru,  
 ae Jems,  
 Jon,  
 Pillip,  
 Batolomiu,
- 15 Matyu,  
 Tomas,  
 Alpius dakon monji Jems,  
 ae Saimon (unjun Selot da kabikon nani),
- 16 ae Jems dakon monji Judas,  
 ae Judas Iskariot (unjun da don Yesu uwal da kisiron yipgut).

**Yesu da amin morapmi pañmilip agit**

*(Mt 4.24-25; Mk 3.7-12)*

17 Yesu unjun amin kabi timikban ilerjon da miktim kuldukgaben kindakon pukwa pañdetni morapmi gat kisi akgwit. Anakwa Judia miktim dakon amin morapmi gat, ae Jerusalem kokup papmon amin gat, ae tap amin Tair ae Saidon kokup da kapmatjok egipgwit amin unjun gat kisi egipgwit. 18 Unjun geni nandakdo, ae sotni pañmilip asak do nandajek apgwit. Koñ da pañupbal abi amin unjun Yesu da pañmilip agit. 19 Sot amin pañmilip agak dakon tapmim Yesukon da apgut, do amin morap kisitni kwenikon igayik do awit. Yan ajek kilek tawit.

**Yesu da yoni mini amin kisik kisik ani do yagit**

*(Mt 5.1-12)*

- 20 Yesu da pañdetni pindagek yagit,  
 “Yoni mini amin ji kisik kisik ekwan, nido ji Pinjokop da Amin Kila Asak unjun da kagagwan ekwan.
- 21 <sup>z</sup> Abisok jap do an amin ji kisik kisik ekwan. Don jap nan tugokdan. Abisok kunam takgan amin ji kisik kisik ekwan. Don jikgo yanjakdan.
- 22 <sup>a</sup> Amin da dandaba ji Amin Dakon Monji yolyol amin yan dandajek nandaba yokwi tok an damdan. Ji unjun gat gadajek dima egipni do dayajek yanba yokwi tok an damajek man yokwisi damdan. Yo morap unjun altañ damdan, mani ji kisik kisik ani.
- 23 Unjun bisapmon ji butji tagisi tanjakwan kisik kisik ajek wigi mok ani.

Nandani. Kobogi do tomni wukwisi Kwen Kokupmon tan damisak. Kalip babini da kombi amin do yo yokwi yan gin anyomgwit.

<sup>z</sup> 6.21 Kap 126.5-6; Ais 61.3; PA 7.16-17    <sup>a</sup> 6.22 Jn 15.19; 16.2; 1Pi 4.14

24 “Mani yoni morapmi amin, awa! Ji yo tagisi wagil timikgaŋ. Don butji paŋteban ak do yo di dima timitdaŋ.

25 “Abisok jap naŋek butji paptoraŋ amin, awa! Don jap do akdaŋ.

“Abisok jikgo yanjaŋ amin, awa! Don kunam tagakwa dabil pakbisi mokdaŋ.

26 “Amin da man madep damaŋ amin, awa! Kalip babakji da kombi amin toptopmi do yaŋ gin aŋ yomgwit.”

### **Uwalnin but dasi galak taŋ yomneŋ**

*(Mt 5.38-48)*

27 Yesu da saŋbejek yaŋ yagit, “Geno nandaŋ amin yaŋ dayisat, ji uwalji do but dasi galak taŋ yomni. Ae nandaba yokwi tok aŋ damaŋ amin do aŋpak tagi aŋyomni. 28 Ae jobit timitni do dayaŋ amin, uŋun Piŋkop da paŋpulgusak do bisit iyini. Ae yokwi aŋ damaŋ amin do bisit ani. 29 Amin kinda da mogim kulbak gikban kaŋ, teri kinda kisi aŋtobil ibi. Ae amin kinda da mirim imalgo gwayeŋban kaŋ, yum kaŋaki paba pigikgo kisi abidosak. 30 Ae amin morap da yo kabigo yobi do gayiŋba kaŋ yobi. Ae amin kinda da yogo kinda abidaŋ aŋkisak kaŋ, aŋtobil gamjak do tebai dima iyiki. 31<sup>b</sup> Amin da aŋpak niaŋsi aŋdamni do nandaŋ, uŋun aŋpak amin do aŋyomni.

32 “Amin butdasi galak taŋ damaŋ baŋgin butdasi galak taŋ yomni kaŋ, ji amin tagi dima. Yokwi pakpak amin uŋun kisi amin butdasi galak taŋ yomaŋ baŋ butdasi galak taŋ yomaŋ. 33 Ae aŋpak tagi aŋdamaŋ amin baŋgin aŋpak tagi aŋyomni kaŋ, ji amin tagi dima. Yokwi pakpak da aŋpak uŋun kisi aŋ. 34 Ae uŋun amin goman tagi sopjak yaŋ nandaŋ teban taŋek amin kinda do yo imni kaŋ, ji amin tagi dima. Yokwi pakpak amin notni da goman uŋun kisisi sopdaŋ yaŋ nandaŋek notni do yo yomaŋ. 35 Mani ji uwalji do but dasi galak taŋ yomiŋek aŋpak tagisi aŋ yomni. Aŋek amin do yo yomiŋek sopni do dima yoyini. Piŋkop da yokwi pakpak ya yaŋ dima iyaŋ amin uŋun do yo tagi yumsi yomisak, do ji aŋpak tagisi ani kaŋ, Piŋkop Wikwisi da kobogi do yo tagisi damiŋakwan monjinisi egipdaŋ. 36 Datgo da amin do bupmi nandisak, do jiyo yaŋ gin amin do bupmi nandani.”

### **Amin dakon aŋpak dima kokwiniŋni**

*(Mt 7.1-5)*

37<sup>c</sup> Yesu da saŋbejek yaŋ yagit, “Ji amin dakon aŋpak dima kokwiniŋni kaŋ, Piŋkop da jiyo kisi dima kokwiniŋjak. Ji amin yokwi aba uŋun do kobogi timitni do dima yoyini kaŋ, Piŋkop da jiyo kisi yokwisi do tebai dima dayikdisak. Ji amin dakon diwarini yopmaŋ yomni kaŋ, Piŋkop da

<sup>b</sup> 6.31 Mt 7.12    <sup>c</sup> 6.37 Mt 6.14

ji dakon diwarisi yaŋ gin yopmaŋ damdisak. <sup>38 d</sup> Ji amin do yo yomni kaŋ, Piŋkop da ji do yo damdisak. Uŋun da yo morapmisi damiŋakwan tugok tugogisi egipdaŋ. Tilak niaŋsi yomni uŋun da tilak yaŋ gin timitdaŋ.”

<sup>39 e</sup> Yesu da tilak gen kinda yaŋ yoyigit, “Dabili mini kinda dabilni mini notni kinda kosit tagi yolisak? Kaŋ kisi bamot gapmagwan mokdamal. <sup>40 f</sup> Papia yut miŋat monjiyo yoyiŋdetni dima yapmaŋgaŋ. Mani papia yut tagisi wigi mudaŋek don yoyiŋdetni yombem aŋ. <sup>41</sup> Gaga da dabilon kindap kwik tosoŋ uŋun do dima nandaŋek notgo da dabilon jimjim nido kosol? <sup>42</sup> Gaga da dabilon kindap kwik tosoŋ uŋun dima kaŋek niaŋon da notgo ‘Dabilgokon jimjim tosoŋ uŋun paŋ gamdisat’ yaŋ iyiki? Gak jamba but amin. Mibiltok gaga da dabilon kindap kwik tosoŋ uŋun abi kiŋakwan notgo da dabilon jimjimjok tosoŋ uŋun kaŋbi pisaŋakwan tagi paki.”

### **Kindap yokwi da bami yokwi potdaŋ**

*(Mt 7.16-20; 12.33-35)*

<sup>43</sup> Yesu da saŋbeŋek yaŋgit, “Kindap tagi da bami yokwi aripmi dima potni. Ae kindap yokwi da bami tagi aripmi dima potni. <sup>44</sup> Amin da kindap sop bami baŋ pindaŋek kindap yokwi bo tagi yaŋ pindaŋ nandaŋyo aŋ. Amin da pik kindap dakon bami pak do nap keli toŋon kiŋ dima deŋgaŋ. Ae wain sop kindap yokwi keli toŋon kiŋ dima paŋ. <sup>45</sup> Amin kilegi uŋun nandak nandakni kilegi morapmi butnikon toŋ, do aŋpak kilegisi asak. Aŋakwan amin yokwi uŋun nandak nandak yokwi butnikon toŋ, do aŋpak yokwi asak. Nandak nandak niaŋ amin butgwan toŋ, uŋun gen kagakon da yoŋ.”

### **Yut bamori dakon tilak gen**

*(Mt 7.24-27)*

<sup>46 g</sup> Yesu da saŋbeŋek yaŋ yaŋgit, “Ji nido nak Amin Tagi yaŋ nayiŋek geno dima guramiŋkaŋ? <sup>47</sup> Nagon obiŋek geno nandaŋek guramiŋkaŋ amin uŋun dakon tilak kinda dolikeŋ. <sup>48</sup> Amin kinda yutni ak do aŋek gapma wayikban mibilisigwan piŋakwan miŋtimŋwan tip madep da kwenon gwak magit. Aŋek don yut uŋun da kwenon agit. Aban pakbi madepsi iŋek yutni tidaŋ tuwil do agit mani yutni tebaisi agit, do tebaisi aŋgit. <sup>49</sup> Mani amin kinda nak dakon gen nandaŋek dima guramiŋdak amin uŋun amin kinda yombem. Uŋun yutni teban tokni mini isal miŋtim kwenon gin agit. Don pakbi iŋek yut uŋun tidaŋban uŋudon gin tuwil ki madepsi tasik tagit.”

---

<sup>d</sup> 6.38 Mk 4.24   <sup>e</sup> 6.39 Mt 15.14   <sup>f</sup> 6.40 Mt 10.24-25   <sup>g</sup> 6.46 Mt 7.21

**Yesu da emat amin dakon mibiltok amin kinda dakon  
pi monji anmilip agit  
(Mt 8.5-13)**

**7** <sup>1</sup>Yesu gen unun amin yoyin mudanek Kapaneam kokupmon pigigit. <sup>2</sup>Unun kokupmon Rom dakon emat amin 100 dakon mibiltok amin kinda egipgut. Unun dakon oman amini si galak tar ingut unun sot madep anek kimotdosi agit. <sup>3</sup>Anakwan unun mibiltok amin da Yesu dakon gen bini nandagit, do Juda amin dakon kila amin di yabekban Yesukon kiwit. Kin Yesu da abin oman amini anmilip asak do iyiwit. <sup>4</sup>Anek Yesu da anpulugosak do madepsi yan iyiwit, “Unun amin tagisi, do geni nandanek kin oman monjini anpulugoki. <sup>5</sup>Unun amin da Juda amin nin do galak tar nimisak, ae muwut muwut yutnin witjin nimgut.” <sup>6</sup>Yan iyinba Yesu gat kisi kiwit. Kin yutni ankapmat anakwa mibiltok amin da notni di yabekban obin Yesu yan iyiwit, “Mibiltok amin da gak do yan yosok, ‘Amin Tagi, pi madep dima gaben. Nak amin pinbisi, do nak da yutnon wiki unun da tagi dima asak. <sup>7</sup>Yando, naga gagon dima abit. Mani gak da kilek tosak do yanaki tagi kilek tosak. <sup>8</sup>Nido nak madepno da yongamgwan egisat, do nak da unun dakon pinbini egisat. Ae emat amino nak da yongamgwan ekwan, do kinda “Ki!” yan iyiko kisak. Ae kinda “Ap!” yan iyiko abisak. Ae oman amino kinda “Pi on aki!” yan iyiko pi asak.” <sup>9</sup>Yesu gen unun nandanek nandaban yo madepsi aban tobilek amin madepsi bunon yolgwit yan yoyigit, “Nak yan dayisat, Israel aminon nandan gadatni madep on amin dakon yombem kinda dima kagim.” <sup>10</sup>Yan yanban amin yabekgit unun tobil yutnon wigi oman monji unun kili kilek tagit kawit.

**Yesu da Nain kokupmon monji gimonji kinda kimoron nan aban pidagit**

<sup>11</sup>Yesu bisap pisipmisok egek kokup kinda mani Nain unudon kinakwan pandetni gat ae amin morapmisi gat kisi kiwit. <sup>12</sup>Kin unun kokup dakon tip dam dakon wigat ankapmat agit. Anek amin da amin kimakbi kinda waman anan wanga pinba pindakgit. Amin kimakgit unun dakon menji unun sakwabat egakwan monji kalonisi da kimakgit. Unun kokup madep dakon amin morapmisi unun sakwabat gat kisi pinba pindakgit. <sup>13</sup>Amin Tagi da sakwabat unun kanek bupmisi nandan iminek yan iyigit, “Gak kunam dima takgi.” <sup>14</sup>Yan yanek kin bumjot abiwit tamo witjinakwan bumjot guramikgwit amin unun akgwit. Agakwa Yesu da yan yagit, “Monji gimonji pidoki do gayisat!” <sup>15</sup><sup>h</sup> Yan iyinban amin kimakbi unun pidan yigek wasanek gen yagit. Yanban Yesu da menji do imgut.

<sup>h</sup> 7.15 1KA 17.23; 2KA 4.36

<sup>16</sup> <sup>i</sup> Aban amin morap kisi pasalek Piŋkop aŋkisiŋek yaŋ yawit, “Kombi amin madepsi kinda nin da bikbigon altaŋban komaŋ. Piŋkop da miŋat amin kabiyoni Israel paŋpulugok do abik.” <sup>17</sup> <sup>Ae</sup> Yesu da yo agit uŋun dakon gen bin da madepsi ireŋ taŋek Judia miŋtim kisi aripmi agit, ae miŋtim diwarikon kisi kigit.

**Jon da paŋdetni bamori Yesu do yabekgit**  
(Mt 11.2-19)

<sup>18</sup> Jon dakon paŋdetni da Yesu da yo morap agit dakon geni Jon iyiwit. <sup>19</sup> <sup>j</sup> Iyiŋba paŋdetni bamori yaŋ yoban opbal Amin Tagi yaŋ iyinjil do yabekgit, “Gak Piŋkop da amin yabet do yagit uŋun, bo nin amin kinda don apdisak do jomjom aneŋ?”

<sup>20</sup> Amin bamot uŋun kiŋ Yesu altaŋ imiŋek yaŋ iyigimal, “Jon Telagi Pakbi Sogok Amin da yaŋ gayik do aŋek nit yabekban abamak, ‘Gak Piŋkop da amin yabet do yagit uŋun, bo nin amin kinda don apdisak do jomjom aneŋ?’ ” <sup>21</sup> Uŋun bisapmon gin Yesu amin sotni mibili mibili taŋ yomgwit uŋun paŋmilip aŋek koŋni taŋ yomgwit uŋun yol yomgut. Ae dabilni mini morapmi paban pisawit.

<sup>22</sup> <sup>k</sup> Do gen kobogi yaŋ yoyigit, “Jil kiŋ abisok yo pindak nandaŋyo amal uŋun do Jon iyinjil. Dabilni mini amin siŋtoŋ, ae kandapmi alek taŋbi amin kosit akwaŋ, ae wuda tebani toŋ amin uŋun kilek toŋ, ae miragi mini amin da gen nandaŋ, ae amin kimakbi pidoŋ, ae yoni mini amin da Gen Bin Tagisi nandaŋ. <sup>23</sup> Amin kinda nak nandaŋek nandaŋ gadatni dima witdal kisak uŋun amin kisik kisigi toŋ egisak.”

<sup>24</sup> Amin bamot Jon da yabekgit uŋun tobil kiŋakwal, Yesu da miŋat amin kabi madep Jon do yaŋ yoyigit, “Ji miŋtim amini minikon ninaŋ kok do kiwit? Mirim da nagal kinda aŋwayiŋ aban kok do kiwit? <sup>25</sup> Dima kaŋ, ninaŋ kok do kiwit? Amin kinda yik imalyo tagisi baŋgin pagit uŋun kok do kiwit? Dima, yik imalyo tagisi paŋek giptim dakon yoni tagi tagi daŋin taŋ yomaŋ amin uŋun kila amin madep da yutnon gin ekwaŋ. <sup>26</sup> <sup>l</sup> Mani ji ninaŋ kok do kiwit? Kombi amin kinda kok do kiwit? Uŋun bami, nak asisi dayisat, Jon da kombi amin diwari yapmaŋ mudosok. <sup>27</sup> <sup>m</sup> Uŋun amin do Piŋkop da papiakon gen yaŋ mandabi:

‘Nandani, geno yaŋ teŋteŋosak do amin kinda yabekgo uŋun da mibiltaŋ gamjak. Aŋek kositgo aŋnoman asak.’

<sup>28</sup> Nak yaŋsi dayisat, amin morap miŋtimon altoŋ uŋun Jon da yapmaŋ mudosok. Mani amin morap Piŋkop da Amin Kila Asak da kagagwan piŋbisi ekwaŋ uŋun da Jon yapmaŋgaŋ.”

<sup>i</sup> 7.16 Lk 1.68    <sup>j</sup> 7.19-20 Kap 40.7; Mal 3.1; PA 1.8    <sup>k</sup> 7.22 Ais 35.5-6; 61.1; Lk 4.18

<sup>l</sup> 7.26 Lk 1.76    <sup>m</sup> 7.27 Mal 3.1



29<sup>n</sup> (Jon da amin gat ae takis timit timit amin gat telagi pakbi kili son yomgut, do gen unun nandahek yan yawit, “Pinjkop dakon anpak unun kilegisi.” 30<sup>o</sup> Mani Parisi amin gat ae gen teban mibili nandak nandak amin gat unun Jonon telagi pakbi dima sowit. Yan ahek Pinjkop da kosit kilegi yolik do agit unun manji imgwit.)

31 Yesu da sanbehek yan yagit, “Ni tilak gen kinda nan dayiko amin abisok ekwan unun dakon anpak do nandaba pisolak? Unun niahen amin di da ekwan? 32 Unun minjat monjiyo da yan, yuman gwayek tamokon yigek notni yoyin yoyin ahek yan yon: ‘Nin kasisin kili pisoman, mani ji kap ak do dima nandayin. Nin bupmi kap yaman, mani ji bupmi nandahek kunam tat do dima nandayin.’ ”

33 Yesu da sigin yan yagit, “Jon Telagi Pakbi Sogok Amin abiehek bret dima nagit, ae wain dima nagit. Yan anakwan, ‘Konni kinda tan imisak’ ji da gen unun yawit. 34<sup>p</sup> Ae Amin Dakon Monji da abin jap pakbiyo agit. Yan anakwan karek ji da yan yon, ‘Kabit, jap morapmi noknok amin ae wain morapmisi noknok amin. Takis timit timit ae yokwi pakpak amin dakon notni.’ 35 Ji da gen unun yon, mani Pinjkop da pi morap agit unun pindagek nandano nandan kokwini tagisi gin asak.”

### **Minjat kinda da pakbi kibani tagisi nan Yesu son imgut**

36 Parisi amin kinda da Yesu yutnison obin jap nosak do yan iban yutnison obin jap tamokon yigit. 37<sup>q</sup> Unun kokupmon yokwi pakpak minjat kinda egipgut. Unun minjat Yesu Parisi da yutnon yigek jap nosok yan amin da yanba nandahek pakbi kibani tagisi kinami kinda abidank yutnon wigigit. Tibiri unun tipnan wasanbi. 38 Wigi Yesu da manjikon kandapnikon panji agek kunam tagakwan dabil pakbini da kandapnikon man guktanba busun dangwani ban ikdigagit. Yan ahek kandapnikon mandan naneh pakbi kibani tagisi nan son imgut.

39 Yan anakwan Parisi amin unun Yesu yan imgut iyi burikon da yan nandagit, “On amin asi kombi amin kinda tam, on minjat kisiri kwenikon witjisak unun yokwi pakpak minjat kinda yan nandaban.”

40 Yan nandaanakwan Yesu da iyigit, “Saimon, nak gen kinda gayiko.” Yanban iyigit, “Yoyindet, kili nayi.”

41 Yanban Yesu da iyigit, “Amin bamori unun amin kindakon gomani ton. Kinda dakon gomani unun moneh 500 danari, ae kinda dakon gomani unun moneh 50 danari. 42 Unun amin bamot gomani sopjil dakon monehni aripmi dima, do gomani dima sopjil do yoyigit. Gak nian nandisal? Yan aban jit amin da unun amin do madepsi galak tan imgut?”

43 Yanban Saimon da iyigit, “Goman madepni dima sopjak do iyigit amin unun da, yan nandisat.”

<sup>n</sup> 7.29 Lk 3.12    <sup>o</sup> 7.30 Mt 21.32    <sup>p</sup> 7.34 Lk 15.2    <sup>q</sup> 7.37 Mt 26.7; Mk 14.3; Jn 12.3

Yañban Yesu da yañ iyigit, “Gak kokwin kilegisi aņek yosol.”

<sup>44</sup>Yañ yaņek Yesu da tobil miņat uņun kaņek Saimon yañ iyigit, “On miņat do koki? Nak yutgokon wiko kandapno sugokenj do pakbi dima namil. Mani on miņat da dabil pakbini naņ kandapno sugaņek busuņ daņgwani baņ ikdigak. <sup>45</sup>Nak dima mandañ nal, mani yutgokon si wiron da wasaņek miņat on da kandapno mandañ nak da sigin mandañ nosok. <sup>46</sup>Gak busuņnokon bit nelak dima tagal namil. Mani miņat on da pakbi kibaņi tagisi kandapnokon soņ namik. <sup>47</sup>Do yañ gayisat, on miņat dakon diwarini morapmi Piņkop da yopmaņ iban nak do but dasi galagi madepsi nandaņ namisak. Mani diwarini tagapmisok taņ imañ amin Piņkop da diwarini yopmaņ imjak kaņ, uņun amin da nak do galagi madep dima nandaņ namjak.”

<sup>48</sup>Yañ yaņek Yesu da miņat uņun yañ iyigit, “Nak da diwarigo yopmaņ gamisat.”

<sup>49</sup>Yañ iyaņban amin kabi Yesu gat jap naņek yikgwit uņun iyi gin yaņ yawit, “On niaņen amin kinda da diwari yopyop asak?” <sup>50</sup>r Yaņ yaņakwa Yesu da miņat uņun yañ iyigit, “Nandaņ gadatgo do aņek Piņkop da gak yokwikon naņ abidosok. Butgo yawori taņakwan kiki.”

### Miņat diwari Yesu yolba kisi agipgwit

**8** <sup>1</sup>Uņun da kwenon Yesu kokup pap ae kokup moniņ moniņ tawit uņudon agek Piņkop da Amin Kila Asak uņun dakon Gen Bin Tagisi yoyiņ teņteņagit. Yabekbi 12 kabi kisi agipgwit. <sup>2</sup>s Ae miņat diwari Yesu da koņni yol yomgut ae sotni paņmilip agit uņun kisi Yesu gat agipgwit. Kinda uņun Maria. Maria uņun Makdala kokupmon nani yaņ iyiwit. Kalip Yesu da koņni 7 kabi yol imgut. <sup>3</sup>Ae Joana, Susana ae miņat morapmi gat kisi Yesu gat agipgwit. Joana uņun Kusa dakon miņatni. Kusa uņun Erot dakon yutni dakon kila amin kinda. Uņun miņat kabi yo kabini iyi dakon baņ Yesu gat paņdetni gat paņpulugawit.

### Jap yet tiņtiņok dakon tilak gen

(Mt 13.1-9; Mk 4.1-9)

<sup>4</sup>Amin morapmisi kokup morap tawiron da abiņ muwukgwit. Abiņ muwugakwa Yesu da tilak gen kinda yaņ yoyigit, <sup>5</sup>“Amin kinda uņun jap yetni pigaga paņki tiņtiņagit. Tiņtiņaņakwan jap yet diwari kosiron maņba amin da bamaņakwa minam da abiņ si nawit. <sup>6</sup>Aņakwa jap yet diwari tipmi toņ timon mawit. Maņ kwawit, mani miķtim pakbini mini, do kibidaņ pasilgwit. <sup>7</sup>Aņakwa jap yet diwari joņ keli toņ timgwan mawit. Uņun joņ keli toņ gat kisi kwaņek wutjiņba kimak mudawit. <sup>8</sup>Ae jap yet diwari miķtim tagisikon maņ kwawit. Uņun bami 100 taņ taņ

r 7.50 Lk 8.48; 18.42 s 8.2 Mt 27.55-56; Mk 15.40-41; Lk 23.49

awit.” Yesu da tilak gen unun yan mudanek yan yagit, “Gen on nandak do galak toj amin ji pakyanji nandanek mibili nandan pisoni.”

**Yesu nido tilak genon dagin Piŋkop gen yagit**  
(Mt 13.10-17; Mk 4.10-12)

<sup>9</sup>Paŋdetni da tilak gen unun yagit dakon mibili do iyiwit. <sup>10</sup><sup>t</sup> Iyinja yagit, “Piŋkop da ji baŋgin iyi dakon Amin Kila Agakni unun dakon mibili pasili toj unun damisak. Mani amin diwari tilak gen gin nandan. ‘Do dabil sinjanek kokdan, mani dima kan nandanyo akdan. Ae gen nandan, mani mibili dima nandaba pisokdan.’”

**Jap yet tiŋtiŋok dakon tilak gen dakon mibili**  
(Mt 13.18-23; Mk 4.13-20)

<sup>11</sup>Yesu da sanbejek paŋdetni baŋgin yan yoyigit, “Tilak gen dayit dakon mibili unun yan. Jap yet unun Piŋkop dakon gen. <sup>12</sup>Jap yet kosiron mawit, unun amin Piŋkop gen nandan dakon tilak. Amin nandan gadat aba Piŋkop da yokwikon baŋ timitjak yan do Sunduk da abij butnikon Piŋkop dakon gen gwayesak. <sup>13</sup>Ae jap yet tipmi toj timon mawit, unun amin da Piŋkop gen nandan abidanek kisik kisik an dakon tilak. Mani geli tagi dima yipban kigit. Do nandan gadat bisap pisipmisok anek paŋkewal altaŋ yoba tepmisi Piŋkop manji iminj mudon. <sup>14</sup>Ae jap yet jon keli toj bikbikgwan mawit, unun amin Piŋkop dakon gen nandanek kin miktimon egip egipni do nandaba kik an unun dakon tilak asak. Unun moneŋ gat ae on miktim dakon yo morap gat do galagi nandanakwa unun da wutjin yomijakwa bami dima toj. <sup>15</sup>Mani jap yet miktim tagisikon mawit, unun amin Piŋkop dakon gen nandanek tebaisi abidon unun dakon tilak. Unun buri kilegisi tanakwan tebai agek bami tagisi paŋalon an.”

**Lam dakon tilak gen**  
(Mk 4.21-25)

<sup>16</sup><sup>u</sup> Yesu da sanbejek yan yagit, “Amin da lam kolej kwoba nan dima wutjinba toj, bo ae dipmin potpot tamo da mibilgwan dima yopmanjan. Noman tamokon yopmanakwa amin da yutnon wiŋek tenjen unun kon. <sup>17</sup><sup>v</sup> Yo morap pasili toj unun don nomansi altaŋ mudokdan. Ae yo morap wutjinbi da toj unun noman tan mudanakwa amin da pindak nandanyo akdan.

<sup>18</sup><sup>w</sup> “Ji kan kimagek gen pakyanji nandani. Tan yoman amin unun Piŋkop da di gat sanbej daban timitdan. Mani minini amin unun tan naman yan nandisak unun Piŋkop da gwayekdisak.”

---

<sup>t</sup> 8.10 Ais 6.9-10    <sup>u</sup> 8.16 Mt 5.15; Lk 11.33    <sup>v</sup> 8.17 Mt 10.26; Lk 12.2    <sup>w</sup> 8.18 Mt 25.29; Lk 19.26

**Yesu dakon meŋi padik padikyo unun namin?**

*(Mt 12.46-50; Mk 3.31-35)*

<sup>19</sup>Unun bisapmon meŋi padik padikyo Yesu kok do opgwit. Mani amin morapmi, do Yesu da kapmatjok kik do aŋtidok awit. <sup>20</sup>Aŋakwa amin di da Yesu yaŋ iyiwit, “Meŋgo padik padikgoyo yomakon agek gak gandak do yoŋ.”

<sup>21</sup>Yaŋba yoyigit, “Amin Piŋkop dakon gen nandaŋek guramikgaŋ unun meŋno ae padik padiknoni.”

**Yesu da yaŋban mirim gat ae tap madep gat yawokgimal**

*(Mt 8.23-27; Mk 4.35-41)*

<sup>22</sup>Bisap kindakon Yesu paŋdetni gat bot kindakon wigeŋ yaŋ yoyigit, “Pakbi idap teri kinda do kino.” Yaŋ yaŋban kiwit. <sup>23</sup>Boron yigeŋ kiŋakwa Yesu dipmin pakgit. Aŋakwan mirim madepsi kinda pakbi idapmon obijaŋkwan boron pakbi piŋgi tugaŋakwa pasil do awit. <sup>24</sup>Aŋakwa paŋdetni da kiŋ Yesu aŋyolek iyiwit, “Amin Tagi, nin pasildamaŋ!”

Iyijaŋba pidaŋ pakbi gat mirim gat tebai yoyijaŋban mirim dima aŋakwan pakbi yaworisi tagit. <sup>25</sup>Aŋakwan Yesu da paŋdetni yaŋ yoyigit, “Nandaŋ gadatji dukon yipmaŋ?”

Yaŋban paŋdetni si pasalgwit. Aŋek wuripdagek notni yoyiŋ yoyiŋ aŋek yawit, “On niaŋen amin kinda da pakbi mirimyo gen tebai yoyijaŋban geni guramikgamaŋ?”

**Yesu da amin kinda dakon koŋni yol imgut**

*(Mt 8.28-34; Mk 5.1-20)*

<sup>26</sup>Yesu gat paŋdetni gat Gerasa miktim tetgin kiŋ altawit. (Gerasa miktim unun teri kinda taŋakwan Galili miktim unun pakbi idap teri kinda tosok.) <sup>27</sup>Yesu bot yipmaŋek ileŋon wiŋakwan unun kokup papmon amin kinda da abiŋ altaŋ imgut. Unun amin koŋni taŋ imgwit. Bisap dubagisi molaŋ egipgut, ae yut kindakon dima egipgut. Amin kimakba paŋki tip kinamgwan yopmaŋgaŋ miktimon gin egipgut. <sup>28</sup>Unun amin da Yesu kaŋek madepsi yaŋ tidaŋek Yesu da kandapmon maŋ pagek gen papmon da yaŋ yagit, “Yesu, gak Piŋkop Wikwisi dakon Monji, gak ninaŋ aŋnamdisal? Bupmi nandaŋ nabi. Yo yokwi dimasi aŋ nabi!” <sup>29</sup>Koŋ da amin unun yipmaŋ detjak do Yesu da kili iyigit, unun do madepsi yaŋ tidaŋek gen unun yagit. Unun amin koŋ da bisap morapmi aŋupbal awit, do amin da bisapmi bisapmi kilani tebaisi aŋek nap teban tebaisi baŋ kisit kandapyoni paŋteban awit. Mani nap teban unun paŋdagaŋek koŋ da imiŋ sugaŋakwan miktim amin dima ekwaŋ timon kiŋ kiŋ agit.

<sup>30</sup>Yesu da yaŋ iyigit, “Mango namin?” Iyijaŋban koŋni morapmi taŋ imgwit, do “Amin Kabi Madep” yaŋ iyigit. <sup>31</sup>Yesu da bupmi nandaŋ

yomjak do koŋ da bisit tebai yaŋ iyiwit, “Nin gapma kidagi mini unjungwan pigineŋ do dima niyiki.”

<sup>32</sup>Bit kabi madep kinda kapmatjok ileŋon egek jap nanjek egipgwit. Koŋ uŋun bit da butgwan pigik do Yesu bisit tebai iyinba nandan yomgut. <sup>33</sup>Aŋakwan koŋ amin uŋun yipman degek wiŋ abigi bit da butgwan pigiwit. Pigakwa bit uŋun timtim yanjek obandom nan pigi pakbi idapgwan pigek pakbi nan kimakgwit.

<sup>34</sup>Aŋakwa bit kila amin yo uŋun pindagek timtim yanjek kin kokup papmon amin gat ae kokup teri teri egi anjan kiwit uŋun amin gat kisi yoyiwit. <sup>35</sup>Aŋakwa amin da yo nianjensi kinda da altagit, uŋun kok do apgwit. Abin Yesu altaŋ iminek amin uŋun koŋni kili yipman dekgwit kawit. Kanba amin uŋun Yesu da buron buri kili pisagit ae ilikba pigikni toŋ da yikgit. Yaŋ yikban kan pasalgwit. <sup>36</sup>Aŋakwa yo dabil da kan nandanjo awit amin uŋun da koŋ da anupbal abi amin nianon da kilek tagit uŋun dakon mibili yoyiwit. <sup>37</sup>Yoyinba Gerasa miktim dakon miŋat amin morap kisi pasol pasol madepsi nandanjek Yesu uŋun yopman dek kisak do iyiwit. Iyinba boron wigek yopman kigit. <sup>38</sup>Mani amin uŋun koŋ da yipman dek kiwit amin da Yesu yol do bisit tebai iyigit.

Iyinban Yesu da tobil kisak do yabegek yaŋ iyigit, <sup>39</sup>“Gak tobil yutgokon kinjek Pinjop da gak anpuluganek yo madepsi ak uŋun do amin yoyiki.” Yaŋ iyinban amin uŋun tobil kin kokupni dakon amin morap Yesu da anpuluganek yo morap agit uŋun do yoyigit.

**Yesu da miŋatjok kinda kimakgit nan aban pidagit, ae miŋat sotni toŋ  
kinda anjkilek agit**

*(Mt 9.18-26; Mk 5.21-43)*

<sup>40</sup>Yesu pakbi idap teri kinda do kin altaŋakwan amin morapmi da but dasi abidawit, nido uŋun do jomjom anek egipgwit. <sup>41</sup>Uŋun bisapmon amin kinda apgut, mani Jairus. Uŋun Juda amin dakon muwut muwut yut dakon kila amin kinda egipgut. Uŋun da Yesu da kandap mibilon man pagek yutnikon kisakdosi madepsi iyigit. <sup>42</sup>Uŋun monji mini, gwi kaloŋi kinda gin bilakni uŋun 12 da tilak, uŋun da si kimot do agit.

Yesu yutnikon kik do kosiron kinjakwan amin madepsi, do gitni gitni anakwa kigit. <sup>43</sup>Kinjakwan miŋat kinda unjungwan agipgit. Uŋun dagan mok anek yawini manakwa bilak 12 yaŋ agit, mani amin kinda da aripmi dima anjkilek agagi. <sup>44</sup>Uŋun miŋat Yesu da manjikon kapmatjok abinjak Yesu dakon imal dubakni da ileŋikon igayigit. Anakwan unjudon gin yawini pasil imgwit. <sup>45</sup>Aŋakwan Yesu da yagit, “Namin da igayin namik?”

Yanban amin morap nin dima dima yanakwa Pita da iyigit, “Amin tagi, amin morapmisi da gak gat gadat gadatsi akwan.”

<sup>46</sup>Mani Yesu da yagit, “Amin kinda da igayin naminjakwan tapmimno diwari kwan nandat.”

<sup>47</sup>Yanban miŋat uŋun aripmi dima pasilgeŋ yaŋ nandanjek nimnimik abin Yesu da kandap mibilon man pagit. Man pagek amin morap da

dabilon mibili nido Yesu igayigit unjon dakon yan̄kwok an̄ek yan̄ yagit, “Igayiko sotno unjon gin pasilak.”

<sup>48x</sup> Yan̄ban Yesu da iyigit, “Gwano, nandan̄ gadatgo da gak an̄kilek ak. Butgo yawori tan̄jakwan kiki.”

<sup>49</sup>Yesu gen unjon yan̄jakwan muwut muwut yut dakon kila amin Jairus da yutnon da amin kinda apgut. Abin̄ek Jairus yan̄ iyigit, “Gwago kili kuñwak, do yoyin̄det isal dogin dima iyin̄bi kisak.”

<sup>50</sup>Yesu unjon nandan̄ek Jairus yan̄ iyigit, “Dima pasolgi. Isal nandan̄ gadat gin an̄aki gwago kilek tosak.”

<sup>51</sup>Yan̄ yan̄ek yutnikon kin̄ altan̄ek amin diwari dima wigini do yoyin̄ek Pita, Jon, ae Jems gat, ae min̄atjok dakon meñi datniyo gat timikban yutnon wigiwit. <sup>52</sup>Unjon yutnon amin morapmi da min̄atjok do bupmi nandan̄ek kunam tagek iyon̄ iyon̄ yan̄ek egipgwit. An̄akwa Yesu da yoyigit, “Ji kunam yopgut. Dima kuñwak, isal dipmin pokdok.”

<sup>53</sup>Yan̄ban min̄atjok wagil kuñwak yan̄ nandan̄ek jikgo yan̄jan̄ imgwit. <sup>54</sup>Mani Yesu da min̄atjok kisirikon abidan̄ek gen papmon da yagit, “Gwano, pida!”

<sup>55</sup>Yan̄ yan̄ban min̄atjok unjon dakon wupmi aeni tobil abin̄ pigakwan unjon gin pidagit. Pidan̄jakwan Yesu da jap di iba nosak do yoyigit.

<sup>56</sup>Aban meñi datni da unjon kan̄ek tamtam yagimal. Mani Yesu da tebai yoyigit, “Jil on yo noman tan̄ban komal unjon do amin dimasi yoyin̄jil.”

### Yesu da yabekbini 12 kabi pikon yabekgit

(Mt 10.5-15; Mk 6.7-13)

**9** <sup>1</sup>Yesu da yabekbini 12 kabi yan̄ yoban obin̄ muwukba sot amin pan̄milip agak, ae koñ kisisi yolni dakon pi ani do yan̄ mudan̄ yomgut. <sup>2</sup>Yomin̄ek Pin̄kop da Aminon Kila Asak dakon gen yan̄ ten̄ten̄oni, ae sot aminyo pan̄milip ani yan̄ do yabekgit. <sup>3y</sup>An̄ek yan̄ yoyigit, “Ji kosit agip do yo di dima timitni. Win kirin̄, ae yik, ae bret, ae moneñ, ae paba pigik bamori dima timitni. <sup>4</sup>Yut kindakon wugini kan̄, unjon gin egek kokup unjon yipman̄ kini. <sup>5</sup>Kwa amin da ji dima timikba kan̄, kokup pap unjon yipman̄ det do kandapjikon kimbaban̄ tegon̄ unjon tidan̄ba kini. Yan̄ aba amin da yokwi an̄apno unjon do an̄ek kwan̄ yan̄ nandan̄i.” <sup>6</sup>Yan̄ yoyin̄ban kokupmi kokupmi agek Gen Bin Tagisi yoyin̄ ten̄ten̄an̄ek amin dakon sotni pan̄milip awit.

### Erot da Yesu namin amin kinda yan̄si nandak do agit

(Mt 14.1-2; Mk 6.14-16)

<sup>7z</sup>Gapman dakon kila amin madep mibiltogi Erot da Yesu dakon gen bini nandagit. Di da Yesu kan̄ek Jon kimoron da aeni pidagit yan̄ yawit, do Erot but morap agit. <sup>8</sup>Ae di da yawit, “Elaija da noman tak.” Ae di

x 8.48 Lk 7.50 y 9.3-5 Lk 10.4-11 z 9.7 Mt 16.14; Mk 8.28; Lk 9.19

da “Kombi amin kalipsi egipgwit unun kinda da kimoron da pidak” yan yawit. <sup>9a</sup> Mani Erot da yan yagit, “Jon dakon tegi kili mandan dagagim. Mani abisok namin amin kinda dasi yo madepsi anjakwan gen bini nayinba nandisat?” Yan yanek Yesu kok do pini agit.

**Yesu da amin 5 tausen do jap yomgut**  
(Mt 14.13-21; Mk 6.30-44; Jn 6.1-13)

<sup>10</sup> Yabekbi kabi aeni tobil Yesukon abihek yo morap awit dakon geni iyiwit. Iyiba Yesu da timikban iyi gin kokup kinda mani Betsaida unudon kiwit. <sup>11</sup> Anakwa minat amin kabi madepsi unun Yesu unudon kisak yan kan nandanyo anek bunon yolgwit. Anakwa Yesu da tagisi nandan yominjek Pinjop da Aminon Kila Asak unun do yoyinjek sot amin panmilip agit.

<sup>12</sup> Pilin pilindo yabekbini 12 kabi da obin Yesu yan iyiwit, “Kokup amini minikon ekwaman, do yoyinbi minat amin morapyo kinjek kokup monin monin ae timi digwan kin jap pakbiyo gat ae dipmin potpot tamoyo gat wisini.”

<sup>13</sup> Mani Yesu da yabekbini yoyigit, “Disi jap yomgut.”

Yoyinban yawit, “Nin japnin morapmi dima. Bret 5 kabi gat ae tap kilap bamori gat gin. Nin kin on minat amin morap do jap monej ban si yumnejan do nandisat?” <sup>14</sup> (Wili 5 tausen da tilak egipgwit.)

Yanba Yesu da pandetni yan yoyigit, “Amin 50 50 yan panmuwuk yopba yik yik ani.” <sup>15</sup> Yan yanban pandetni da yan gin aba amin kisi yik mudawit. <sup>16</sup> Yigakwa Yesu da bret 5 kabi gat ae tap kilap bamot gat kisi timik Kwen Kokup sijtanek gisamikgit. Anek bret gat ae tap kilap gat pandaganek pandetni do yominakwan amin do kokwinik yomgwit. <sup>17</sup> Yoba timik amin morap kisisi aripmisi nanakwa jap nawit dakon diwari tawit unun pandetni da similba yigi 12 yanji tugawit.

**Pita da Yesu dakon mibili yan tenjenagit**  
(Mt 16.13-19; Mk 8.27-29)

<sup>18</sup> Bisap kindakon Yesu iyi gin bisit pi agit. Unun bisapmon pandetni kisi unudon egipgwit. Egi yan yoyigit, “Amin kabi madep da nak do namin yan yon?”

<sup>19b</sup> Yoyinban yan iyiwit, “Dida Jon Telagi Pakbi Sogok Amin yan yon, ae di da Elaija yan yon, ae di da kombi amin kalipmi kinda da kimoron da pidagit yan yon.”

<sup>20c</sup> Yanba yan yoyigit, “Mani ji disi nak do namin yan yon?”

Yanban Pita da antobilek iyigit, “Gak Kristo, Pinjop da yabekban apgul.”

---

<sup>a</sup> 9.9 Lk 23.8    <sup>b</sup> 9.19 Lk 9.7-8    <sup>c</sup> 9.20 Jn 6.68-69

**Yesu kimagek pidosak do yagit**  
(Mt 16.20-28; Mk 8.30-9.1)

<sup>21</sup> Yaŋ yaŋban Yesu da iyi Kristo egisak uŋun dakon geni amin kindakon dimasi yoni do yaŋsop anyomgut. <sup>22</sup><sup>d</sup> Aŋek yaŋ yagit, “Amin Dakon Monji da egi yo yokwi morapmi noman taŋ iba tepmi pakdisak. Ae Juda amin dakon kila amin, ae mukwa sogok amin dakon amin madep kabi, ae gen teban yoyiŋdet amin uŋun da manji imiŋek aŋakba kimotdisak. Aŋakwa gildat kapbi aŋakwan pidokdisak.”

<sup>23</sup><sup>e</sup> Yaŋ yaŋek amin kisi yaŋ yoyigit, “Amin kinda nak nol do nandisak kaŋ, iyi dakon galaktok manji yomiŋek tilak kindapni gildari gildari guramigek nak noljak. <sup>24</sup><sup>f</sup> Amin kinda iyi dakon yiyitni tagisi tosak do nandaŋek pi madep asak kaŋ, egip egipni pasil imdisak. Mani amin kinda nak do nandaŋek egip egipni do nandaban yo madep dima asak kaŋ, uŋun amin egip egip dagok dagogi mini abidosak. <sup>25</sup> Amin kinda miŋtim dakon yo morap paŋek egi kimotjak bisapmon iyi pasiljak kaŋ, uŋun yo morap da aripmi dima aŋpulugokdaŋ. <sup>26</sup><sup>g</sup> Amin kinda nak do ae nak dakon gen do mayagi nandisak kaŋ, Amin Dakon Monji iyi dakon tilimni gat ae Datni dakon tilimni gat ae Piŋkop dakon telagi aŋelo kabi dakon tilimni gat apjak bisapmon uŋun amin do mayagi yaŋ gin nandaŋ imdisak. <sup>27</sup> Nak asisi dayisat, ji on akgaŋ kabikon da di dima kimagek Piŋkop dakon Amin Kila Agakni kokdaŋ.”

**Yesu dakon giptim kulabik agit**  
(Mt 17.1-13; Mk 9.2-13)

<sup>28</sup> Yesu uŋun gen yaŋek egi gildat 8 yaŋ da tilak mudanaŋkwa Pita, Jon ae Jems gat timikban ileŋ kindakon bisit pi ak do wigiwit. <sup>29</sup> Wiŋek Yesu bisit pi aŋakwan tomno dabilni kulabik aŋek imalni mal dakon teŋteŋi yombem agit. <sup>30-31</sup><sup>h</sup> Yaŋ aban kaŋakwa Moses gat Elaija gat tilimni gat noman tagimal. Noman taŋbal Yesu gat gen yaŋ nandat aba pindakgwit. Yesu Piŋkop dakon galaktok yolek Jerusalem kokup papmon on miŋtim yipmaŋ detjak uŋun dakon gen yawit. <sup>32</sup><sup>i</sup> Pita gat notni bamot gat dipmin do yokwisi awit. Mani dipminon da pidaŋ Yesu tilimni gat ae amin bamot gat kisi akba pindakgwit. <sup>33</sup> Amin bamot Yesu yipmaŋ det do aŋakwal Pita da Yesu yaŋ iyigit, “Amin Tagi, nin idon tagisi ekwamaŋ. Nin yut kabeŋ kapbi aneŋ. Kinda gak do, ae kinda Moses do, ae kinda Elaija do aneŋ.” (Pita gen uŋun naŋ yosot yaŋ uŋun dima nandaŋek yum yagit.)

<sup>d</sup> 9.22 Lk 9.44; 18.32-33    <sup>e</sup> 9.23 Mt 10.38; Lk 14.27    <sup>f</sup> 9.24 Mt 10.39; Lk 17.33; Jn 12.25  
<sup>g</sup> 9.26 Mt 10.33; Lk 12.9    <sup>h</sup> 9.31 Lk 9.22    <sup>i</sup> 9.32 2Pi 1.16-18



<sup>34</sup>Pita gen sigin yanjakwan gikwem da piŋ ilimik yomanjakwan pasalgwit. <sup>35</sup><sup>j</sup> Gikwem kagagwan da gen kinda yaŋ altagit, “On Monjino, pino asak do manjigim, do ji geni nandani.”

<sup>36</sup>Yaŋ mudanjakwan Yesu nanŋin kawit. Yo ileŋon altaŋba pindakgwit unun iyi dogin nandaba tawit. Unun bisapmon amin di dima yoyiwit.

### **Yesu da monji kinda koŋni yol imgut**

*(Mt 17.14-21; Mk 9.14-29)*

<sup>37</sup>Wisa dagok do Yesu gat paŋdetni gat ileŋ yipman pigakwa amin kabi madepsi kosiron domdom awit. <sup>38</sup>Amin madep kabigwan da amin kinda da yaŋ tidanek anpulugosak do yaŋ iyigit, “Yoyiŋdet, monjino kalonŋ kindagin. Do kiŋ koki do nandisat. <sup>39</sup>Bisap morapmi koŋ kinda da burigwan pigakwan unudon gin madepsi yaŋ tidosok. Aŋek tebai anupbal anjakwan nimnimigakwan tarak da gen kaganikon wuŋ tugon. Giptimi obisi anupbal anek bisap kalon kalon gin yipman dekdak. <sup>40</sup>Paŋdetgoni da yol imni do bisit tebai yoyigim, mani antidok awit.”

<sup>41</sup>Yaŋ yanban Yesu da yagit, “Nandan gadatji mini amin, ji anpakji yokwisi. Nak bisap niaŋ da ji gat egek jigisi guramik daben? Monjigo idon anop.”

<sup>42</sup>Monji unun Yesu da akgiron obinjakwan koŋ da monji unun ukwayikban miktimon man pagek nimnimikgit. Mani Yesu da koŋ tebaisi iyinjek monji unun anmilip aban kilek tanban datni do antobil imgut. <sup>43</sup>Yaŋ aban amin da Piŋkop dakon tapmim madepsi kanek tamtam yawit.

### **Yesu kimagek ae pidokdisak do yanban kosit bamot agit**

*(Mt 17.22-23; Mk 9.30-32)*

Amin Yesu da yo morap agit do nandaba nwanŋwarisi anakwa, Yesu da paŋdetni yaŋ yoyigit, <sup>44</sup><sup>k</sup> “Gen dayikdisat unun pakyansi nandani. Amin Dakon Monji amin da kisiron yipdan.” <sup>45</sup><sup>l</sup> Mani paŋdetni gen unun dakon mibili pasili tan yomgut, do dima nandaba pisagit. Ae gen unun dakon mibili nandak do anek iyik do si pasalgwit.

### **Namin da mibiltok amin egisak?**

*(Mt 18.1-5; Mk 9.33-37)*

<sup>46</sup><sup>m</sup> Bisap kindakon Yesu dakon paŋdetni namin da mibiltok aminin egisak yaŋ do gen emat kinda awit. <sup>47</sup>Anakwa Yesu da paŋdetni dakon but pindak nandanjo anek amin monin kinda iyi akgiron anobin yipban

<sup>j</sup> 9.35 Lk 3.22    <sup>k</sup> 9.44 Lk 9.22    <sup>l</sup> 9.45 Lk 18.34    <sup>m</sup> 9.46 Lk 22.24

akgit. <sup>48</sup> Yipban agakwan pañdetni yañ yoyigit, “Amin kinda nak do nandajeķ on amin moniņ but dasi abidosok, uņun nak naņ but dasi abidosok. Ae amin kinda nak but dasi abidosok, uņun Dat nak yabekban pigim uņun naņ but dasi abidosok. Ji kabikon kinda da piņbisi egi damjak kaņ, uņun da mibiltok amiņji asak.”

**Uwal dima aņdamjak amin uņun notji**  
(*Mk 9.38-40*)

<sup>49</sup> Jon Yesu da gen yagit nandajeķ yaņ yagit, “Amin Tagi, nin kaņapno amin kinda da gak da manon koņ yolban kamaņ. Mani nin da kabikon nani kinda dima, do yaņsop aņimimaņ.”

<sup>50</sup> Mani Yesu da iyigit, “Yaņsop dima aņimni. Amin kinda uwal dima aņdamjak kaņ uņun notji.”

**Yesu gat paņdetni gat Jerusalem kiwit**  
(*Kilapmi 9.51–19.28*)

**Samaria amin da Yesu not dima aņ imgwit**

<sup>51</sup> Piņkop da Yesu abidaņ aņaņ Kwen Kokup wigisak dakon bisap kwaņ tagit. Aņakwan Yesu uņun Jerusalem kikeņ yaņsi nandaban teban tagit. <sup>52</sup> Aņek amin di yabekban uņun da kalip mibiltan Samaria dakon kokup kindakon yut tamoyo paņnoman ani do kiwit. <sup>53</sup> Mani Yesu Jerusalem kikkisak yaņ nandawit, do uņun kokupmon amin da Yesu abidok do dima galak tawit. <sup>54</sup> Jems gat Jon gat da uņun pindageķ Yesu yaņ iyigimal, “Amin Tagi, nit da yondo Kwen Kokup kindap da piņ soņba mini ani do tagi nandisal?”

<sup>55</sup> Yaņbal Yesu da tobił tebaisi yaņ yoyigit, “Dima yogogisi yomal!”  
<sup>56</sup> Yaņ yoyiņban ae kokup ņwakiwari kindakon kiwit.

**Yesu yolyol dakon gen**  
(*Mt 8.19-22*)

<sup>57</sup> Kosiron kiņakwa amin kinda da iyigit, “Dukwan dukwan agipbi uņun nak gol awilgeņ gin.”

<sup>58</sup> Yaņban Yesu da iyigit, “Joņ piņan uņun miķtingwan yutni toņ. Ae minam kwen akwaņ uņun yutni toņ. Mani Amin Dakon Monji uņun dipmin potpot tamoni mini.”

<sup>59</sup> Yaņ iyikeķ ae amin kinda yaņ iyigit, “Abiņ nak nol.”

Mani amin uņun da yaņ iyigit, “Amin Tagi, nandaņ namiņaki kiņ datno wayik yipmaņek don abiņ golbeņ.”

---

<sup>n</sup> 9.48 Mt 10.40    <sup>o</sup> 9.50 Mt 12.30; Lk 11.23    <sup>p</sup> 9.54 2KA 1.9-16

<sup>60</sup> Yaŋ yaŋban Yesu da iyigit, “Amin kimakbi da kimakbi notni iyi tagi wayitni. Mani gak kiŋ Piŋkop da Aminon Kila Asak uŋun dakon gen yaŋ teŋteŋjoki.”

<sup>61</sup> <sup>q</sup> Yaŋ yaŋban ae amin kinda da Yesu yaŋ iyigit, “Amin Tagi, gol do nandisat, mani nandaŋ namijaŋki kiŋ gwakno galok gen yoyiŋek don abiŋ golgeŋ.”

<sup>62</sup> Yaŋban iyigit, “Sapa naŋ miktim pudaŋek dambi da manjigwan wusisak uŋuden amin da Piŋkop da Amin Kila Asak da kagagwan aripmi dima egipmi.”

### Paŋdetni morapmi Piŋkop dakon gen yoni do yabekgit

**10** <sup>1</sup> Egi Amin Tagi da paŋdet 72 gat manjigit. Aŋek iyi kokup dukwan dukwan kik do agit, uŋudon mibiltok uŋun da kalip kini do bamot bamot yabekgit. <sup>2</sup> <sup>s</sup> Aŋek yaŋ yoyigit, “Pigaga jap bami madepsi taŋ pektan, mani pi monji bami pakpak amin morapmi dima. Uŋun do ji bami pakpak dakon Amin Tagi bisit iyija pi amin paŋalon aŋ yopban pinikon kini.

<sup>3</sup> <sup>t</sup> “Ji kiŋek yaŋ nandani: Ji sipsip moniŋ baŋ yaŋ joŋ piŋan da bikbigon yabekdat. <sup>4</sup> <sup>u</sup> Moneŋ simil kinam, ae yik, ae kandap gwil dima timigeŋ kini. Aŋek kosiron amin pindak ‘Gildat tagi!’ yaŋ dima yoyini. <sup>5</sup> Yut kindakon wiŋek mibiltok yaŋ yoyini, ‘On yut amin butji yawori tosak.’ <sup>6</sup> Yut uŋudon but yawot amin kinda ekwan kaŋ, but yawot genji dakon bami uŋudon tosak. Minini da egipjak kaŋ, but yawotji dakon bami jikon aeni tobiŋjak. <sup>7</sup> <sup>v</sup> Yut wigini uŋudon gin yik egiyo aŋakwa jap daba noni. Pi agak amin uŋun tomni tagi timikgaŋ. Ji yuri yuri dima agipni.

<sup>8</sup> <sup>w</sup> “Kokup kindakon kiŋakwa not aŋ damiŋek jap daba kaŋ uŋun si noni. <sup>9</sup> Aŋek amin sotni toŋ paŋmilip aŋek yaŋ yoyini, ‘Piŋkop da Amin Kila Agakni ji da kapmatjok kili abik.’ <sup>10</sup> Kokup kindakon kiŋakwa not dima aŋ daba kaŋ, uŋun kokup dakon kosit madepmon agek yaŋ yoyini, <sup>11</sup> <sup>x</sup> ‘Kokupji dakon kimbabaŋ kandapninon tegon, uŋun tidono kiŋakwa diwarisi taŋ damaŋ yaŋsi nandani. Aŋek yaŋsi nandani, Piŋkop dakon Amin Kila Agakni ji da kapmatjok kili abik.’ <sup>12</sup> <sup>y</sup> Yaŋsi dayisat, gen kokwin bisap madepmon Sodom kokup amin da kobogi do jigi tagapmi pakdaŋ. Mani kokup uŋuden amin kobogi do jigi madepsi pakdaŋ.”

### But tobiŋ dima aŋ amin uŋun bupmisi

(Mt 11.20-24)

<sup>13</sup> Yesu da saŋbeŋek yaŋ yaŋgit, “Korasin ae Betsaida kokupmon amin, awa! Nak wasok tapmimi toŋ abo piŋdagek ji but tobiŋ dima

<sup>q</sup> 9.61 1KA 19.20   <sup>r</sup> 10.1 Mk 6.7   <sup>s</sup> 10.2 Mt 9.37-38; Jn 4.35   <sup>t</sup> 10.3 Mt 10.16

<sup>u</sup> 10.4 Mt 10.7-14; Mk 6.8-11; Lk 9.3-5   <sup>v</sup> 10.7 1Ko 9.6-14; 1Ti 5.18   <sup>w</sup> 10.8 1Ko 10.27

<sup>x</sup> 10.11 Ya 13.51; 18.6   <sup>y</sup> 10.12 WW 19.24-25; Mt 10.15; 11.24

awit. Tair ae Saidon kokupmon amin da pindakgwit tam, but tobil bamisi abam. Anek bupmi dakon yik imalyo panjek abilagon yikbam. <sup>14</sup>Mani gen kokwin bisap madepmon Tair gat Saidon kokupmon amin gat da kobogi do jigi tagapmi panakwa ji da kobogi do jigi madepsi pakdaŋ. <sup>15</sup>Aŋakwa Kapaneam kokupmon amin, ason Kwen Kokup nin da wigikdamaŋ yaŋ nandaŋ, ma? Uŋun aripmi dimasi. Ji mibiligwan Tipdomon pigikdaŋ.”

<sup>16</sup> <sup>z</sup> Yesu da paŋdetni saŋbenek yaŋ yoyigit, “Ji dakon gen nandisak amin, uŋun da nak dakon gen nandisak. Ae manji damisak amin, uŋun nak naŋ manji namisak. Ae nak manji namisak amin, uŋun da nak yabekgit amin manji imisak.”

### Paŋdet 72 aeni tobil apgwit

<sup>17</sup>Paŋdet 72 uŋun kisik kisigon da tobil abiŋek Yesu yaŋ iyiwit, “Amin Tagi, gak dakon man yaŋapno koŋ da genin guramikgaŋ!”

<sup>18</sup> <sup>a</sup> Yaŋ yaŋba yoyigit, “Sunduk uŋun Kwen Kokup da mal da yaŋ maŋban kagim. <sup>19</sup> <sup>b</sup> Nandani. Nak ji da tuŋon amin emari toŋ gat ae skopion gat bamoni, ae uwal dakon tapmim kisisi pabiŋ yopni do yaŋ mudaŋ damisat. Yo kinda da ji aripmi dima paŋupbal asak. <sup>20</sup> <sup>c</sup> Mani koŋ da genji guramikgaŋ, uŋun do kisik kisik dima ani. Ji dakon man Kwen Kokupmon mandabi da toŋ, uŋun do nandaŋek kisik kisik ani.”

### Yesu da kisik kisik nandaŋek Piŋkop aŋkisigit

(Mt 11.25-27; 13.16-17)

<sup>21</sup>Uŋun bisapmon Yesu Telagi Wup da kisik kisik iban yaŋ yagit, “Dat, kundu ae miktim dakon Amin Tagi, amin diwari miktim dakon nandak nandakni uŋun wukwisi, mani iyi do nandaba wigisak, do uŋuden amin do gen bami morap si paŋkisibisal. Anek amin moniŋi da tilagon ekwaŋ amin, uŋun do yolisal. Yaŋ asal do gak aŋkisisat. O Dat, gaga dakon galaktok yolek yaŋ asal.

<sup>22</sup> <sup>d</sup> “Datno da yo morap kili namgut. Dat uŋun dagin Monji nandaŋ imisak. Anek Monji gat ae amin morap Monji da Dat dakon mibili yolisak, uŋun amin dagin Datno nandaŋ imaŋ.”

<sup>23</sup>Yaŋ yaŋek Yesu tobil paŋdetni baŋgin yaŋ yoyigit, “Ji da yo pindak nandaŋyo aŋ, uŋun pindakgaŋ amin uŋun kisik kisik ekwaŋ. <sup>24</sup>Nak yaŋsi dayisat, kalipsigwan kombi amin morapmi gat ae kila amin madep morapmi gat da yo ji da pindakgaŋ uŋun pindatdosi nandawit, mani dima pindakgwit. Ae gen nandaŋ uŋun nandakdosi nandawit, mani dima nandawit.”

<sup>z</sup> 10.16 Mt 10.40; Lk 9.48; Jn 5.23    <sup>a</sup> 10.18 Jn 12.31; PA 12.8-9    <sup>b</sup> 10.19 Kap 91.13; Mk 16.18    <sup>c</sup> 10.20 Pil 4.3; PA 3.5    <sup>d</sup> 10.22 Jn 3.35; 10.15

**Samaria amin kinda da Juda amin kinda anpulugagit**

<sup>25</sup> Bisap kindakon gen teban dakon mibili nandak nandak amin kinda da pidaŋ agek Yesu ankwel do anek yaŋ iyigit, “Yoyiŋdet, yo ninaŋ anek egip egip dagok dagogi mini abidoken?”

<sup>26</sup> Iyiŋban Yesu da iyigit, “Gen teban papiakon gen tosok uŋun manjiŋek niaŋ kokwinikdal?”

<sup>27</sup> Iyiŋban yaŋgit,

“Ji Amin Tagi Piŋkopji uŋun but gat ae wup gat ae tapmimgo gat ae nandak nandako gat kisi but dasi galak taŋ ibi.

Ae gaga do but dasi niaŋ galak tosok, uŋudenŋ gin amin do but dasi galak taŋ yobi.”

<sup>28</sup> Yaŋban Yesu da iyigit, “Kobogi bamisi yosol. Yaŋsi anek egip egip abidokdisal.”

<sup>29</sup> Mani uŋun amin iyi do Yesu da amin kilegi kinda yaŋ kosak do nandaŋek yaŋ iyigit, “Nak namin amin baŋ but dasi galak taŋ yobenŋ do yosol?”

<sup>30</sup> Yaŋ yaŋban Yesu da iyigit, “Amin kinda Jerusalem yipmaŋek Jeriko kokup papmon kik do anek kosiron pigigit. Pigakwan kabo noknok da abidaŋ yik imalni gwayeŋek anakba pali kimakban yipmaŋ kiwit.

<sup>31</sup> “Kiŋakwa mukwa sogok amin kinda uŋun kosit naŋgin pigigit. Pigi amin uŋun kaŋek anpekwolek kosit ileŋ naŋ yapmaŋ kigit. <sup>32</sup> Yapmaŋ kiŋakwan Liwai amin kinda obiŋ kaŋek yaŋ gin anpekwolek yapmaŋ kigit.

<sup>33</sup> “Mani Samaria amin kinda da uŋun kositnaŋ obiŋ amin uŋun kaŋek bupmi nandaŋ imgut. <sup>34</sup> Bupmi nandaŋ imiŋek giptimi anek anupbal awit uŋun wain gat ae bit nelak gat baŋ soŋ imiŋek wamaŋ imgut. Yaŋ anek amin uŋun kendak anenak iyi da donkikon yipgut. Yipmaŋek anki amin da yumaŋ naŋek pokgoŋ yut kindakon yipmaŋek kilani agit. <sup>35</sup> Anek wisa dagok do silwa moneŋ tabili bamori uŋun yut pakgimal dakon kila amin do imiŋek yaŋ iyigit, ‘Kilani anaki on moneŋ da aripmi dima anakwan naŋ mudok di abi kaŋ, tobiŋ abiŋek don gabeŋ.’ ”

<sup>36</sup> Yaŋ yaŋek Yesu da gen teban dakon nandak nandak amin yaŋ iyigit, “Niaŋ nandisal, uŋun amin kapbi da kabikon namin da kabo noknok da anakgwit amin uŋun do but dasi galak taŋ imgut?”

<sup>37</sup> Yaŋban iyigit, “Bupmi nandaŋ imiŋek anpulugagit amin uŋun da.”  
Yaŋban Yesu da iyigit, “Gak kiŋ anpak yaŋ gin abi.”

**Yesu uŋun Mata gat Maria gat da yutnon egipgwit**

<sup>38</sup> Yesu gat paŋdetni gat kiŋek kokup kindakon altawit. Uŋun kokupmon miŋat kinda egipgut mani Mata. Uŋun da yaŋban Yesu uŋun yutnikon wigigit.

<sup>e</sup> 10.25 Mt 22.35-40; Lk 18.18    <sup>f</sup> 10.27 GT 6.5; MS 19.18    <sup>g</sup> 10.28 MS 18.5

39<sup>h</sup> Wikwan Mata dakon padige mani Maria unun Amin Tagi da kandap mibilon yigek geni nandagit. 40 Mani Mata unun jap dakon oman do nandaba kik morapmi anjek obiŋ Yesu iyigit, “Amin Tagi, padigino nepmak da naga gin pi madep asat. Gak unun do dima nandisal? Iyŋbi obiŋ nak anpuluŋanban.”

41 Yanban Amin Tagi da Mata yan iyigit, “Mata, gak yo morapmi do nandaba kik anjek butgo yokwi tosok. 42<sup>i</sup> Mani gak yo kalonji kinda dogin nandaki kan tagi. Maria unun dogin nandisak, do tagi dima kirinjik ibeŋ.”

### Bisit agak dakon gen

(Mt 6.9-15; 7.7-11)

**11** 1 Bisap kindakon Yesu unun bisit pi anjek egipgut. Bisit aban mudanakwan paŋdetni kinda da yan iyigit, “Amin Tagi, Jon da paŋdetni bisit agak do yoyiŋ dekgit, yan gin niyiŋ dekgi.”

2 Yanban Yesu da yoyigit, “Bisit ani bisapmon yan yoni:

‘Dat, gak dakon man telagi tosak.

Amin Kila Agakgo yipbi ninon apjak.

3 Gildari gildari jap aripninon nibi.

4 Nin yokwi anjimanŋ amin dakon diwarini yopmanŋ yomamanŋ, do gak yan gin nin dakon diwarinin yopmanŋ nibi.

Paŋkewalon dima nipbi.’ ”

5 Yan yanjek yoyigit, “Jikon da kinda da kalbi binap notni da yutnon kin yan iyisak, ‘Not, bret timi kapbi nabi tamoni don gabeŋ. 6 Notno kinda kosit dubagikon da abik da yutnokon isal yikdak. Japno mini.’

7 “Yanban notni yutgwan da gen kobogi yan iyisak, ‘Jigi dima nabi. Pidaŋek aripmi dima gabeŋ. Yoma beŋgan kili at, ae gwakno gat kili pak mudamanŋ.’ 8 Nak yan dayisat, amin unun notni da bisit iyik unun do dima imisak. Mani sanjek sanjek yanjakwan unun do kurak taneŋ yo nido wadaŋek yosok unun kisi imisak.

9 “Yan do, nak yan dayisat: Ji Piŋkop bisit iyinba tagi damdisak, ae wisineŋk bami kokdaŋ, ae yoma domon tidaŋba witaldal damdisak. 10 Amin morap Piŋkop bisit iyan unun yo timikgaŋ, ae yo wisanŋ amin unun bami koŋ, ae yoma domon tidonŋ amin unun witaldal yomisak.

11 “Dat kabi, ji kabikon da monjisi kinda da tap kilap do dayinban tunon amin emari ton kinda tagi imni? 12 Bo pup kwap do dayinban skopion kinda tagi imni?

13 Ji yokwi pakpak amin, mani monjisi do yo tagi yomanŋ. Do yanŋi nandani. Ji bisit iyinba Datji Kwen Kokup egisak unun da Telagi Wup tagi damjak.”

### Yesu Belsebul gat pi amal yan yawit

(Mt 12.22-30; Mk 3.20-27)

14 Yesu da amin kinda koŋ kinda da ankadim aban gen dima yagit, unun koŋni yol imgut. Yol iban amin kadim unun gen yanjakwan amin da kanba yo

<sup>h</sup> 10.39 Jn 11.1; 12.2-3    <sup>i</sup> 10.42 Mt 6.33

ɲwakɲwarisi agit. <sup>15j</sup> Mani amin di da yaɲ yawit, “Koɲ dakon mibiltok amin Belsebul da tapmimon koɲ yoldak.” <sup>16k</sup> Yaɲakwa amin diwari da Yesu aɲkewal do aɲek iyinba wasok tapmimi toɲ kinda aɲakwan, asi Piɲkop da yabekban pigit da pini asak yaɲ kok do nandawit.

<sup>17</sup>Mani Yesu da nandak nandakni pindak nandaryo aɲek yoyigit, “Miktim kinda dakon amin da pudar ki kabi bamori aɲek emat wamjil kaɲ, miktim uɲun yokwi tokdisak. Ae amin yuri kinda da pudar kiɲek emat wamni kaɲ, uɲun amin yut tagi dima egipdar. <sup>18</sup>Sunduk dakon amin kabini da pudar ki kabi bamori aɲek emat wamjil kaɲ, nianɲon da Sunduk gat amin kabini gat tebai atni? Nak da koɲ Belsebul da tapmimon yoldat yaɲ yoɲ. <sup>19</sup>Mani nak Belsebul da aɲpulugaɲban koɲ yoldat kaɲ, disi dakon notji koɲ yolgaɲ uɲun amin kabi ni tapmimon da koɲ yolgaɲ? Uɲun amin kabi da genji kokwinigek gulusuɲ yoɲ yaɲ tagi dayini. <sup>20</sup>Mani Piɲkop da iyi tapmim namɲakwan koɲ yoldat kaɲ, Piɲkop dakon Amin Kila Agakni jikon kili abik.

<sup>21</sup>“Amin tebaisi kinda emat agak yo kabini timigek iyi dakon yut kilani tebai aɲakwan, yo kabini tagisi toɲ. <sup>22l</sup> Mani amin kinda uɲun yut ami dakon tapmim yapmaɲdak amin kinda da abisak. Abiɲ aɲagek emat agak yo kabini timigek tapmim pagit uɲun gwayesak. Yaɲ aɲek yo morapni kabo naɲek kokwinik notni do yomisak.

<sup>23m</sup> “Amin nak dakon notno dima, uɲun da nak uwal aɲnamaɲ. Ae amin nak dima aɲpulugaɲban amin paɲmuwukgamaɲ, uɲun amin da amin paɲwasenɲban waseɲ kwan.”

### Koɲ kinda aeni tobil abisak

(Mt 12.43-45)

<sup>24</sup>Yesu da saɲbeɲek yaɲ yagit, “Koɲ kinda da amin kinda yipmaɲ degek kiɲ miktim kibiri timon agek yik yawot tamo wisisak. Mani tamo kinda dima kosok, do yaɲ yosok, ‘Nak aeno tobil yut kalip egipgumon kikenɲ.’ <sup>25</sup>Yaɲ yaɲek kiɲ kaɲban sibat sibat wiririgek yo morap paɲkosit abi pindakdak. <sup>26</sup>Yaɲ kosok, do kiɲ koɲ 7 kabi iyi yapmaɲek wagil yokwisi gat timikban kwa uɲun yutnon egek aɲpak yokwisi aɲ. Mibiltok uɲun amin yokwi egipgut, mani abisok uɲun yapmaɲek wagil yokwisi egisak.”

### Nianɲen amin da kisik kisik ekwan?

<sup>27n</sup> Yesu gen uɲun yaɲakwan miɲat amin kabi madep kabigwan da miɲat kinda da pidaɲ yaɲ iyigit, “Menɲo si aɲalaɲek mum gaban nagil uɲun dasi kisik kisik tagi asak!”

<sup>28</sup>Yaɲban Yesu da yagit, “Mani uɲun yapmaɲek amin Piɲkop dakon gen nandaneɲ guramikaɲ amin uɲun da kisik kisik ekwan.”

j 11.15 Mt 9.34; 10.25    k 11.16 Mt 12.38    l 11.22 Kol 2.15    m 11.23 Lk 9.50  
n 11.27 Lk 1.28,42,48

**Yesu wasok tapmimi toj asak do iyiwit**  
(Mt 12.38-42; Mk 8.12)

29° Amin morapmisi da Yesukon sigin obij muwugakwa Yesu da yoyigit, “Amin on bisapmon ekwan unun amin yokwisi gin. Piŋkop dakon pi nan asat yan nandak do wasok tapmimi toj kinda kok do yon. Mani kinda dima kokdan. Jona dakon tilak nanŋin kokdan. 30 Kalipsigwan Piŋkop da kombi amin Jonakon tilak aban Niniwe kokup pap amin da asi Piŋkopmon da abik da asak yan kawit. Ujudej gin yo Amin Dakon Monjikon noman tan iba apmiap amin da kanek asi Piŋkop da yabekban abik yan kokdan.

31<sup>p</sup> “Miktim saut tetgin dakon kila amin miŋat madep unun Solomon dakon nandan kokwini tagisi iyinakwan nandak do miktim dubagisikon da apgut. Mani amin kinda oni egisak, unun da Solomon yapmandak, mani geni dima nandan. Do gen kokwin bisap madepmon unun kila amin miŋat madep da pidan agek abisok ekwan amin kabi dakon anpak yokwi unun do yan tenjenokdisak. 32<sup>q</sup> Niniwe amin Jona da Piŋkop dakon gen yoyinban but tobil awit. Mani ji da binapmon amin kinda egisak unun da Jona yapman mudosok, mani ji but tobil dima an. Do gen kokwin bisap madepmon Niniwe amin da pidan agek abisok ekwan amin kabi dakon anpak yokwi unun do yan tenjenokdan.”

**Giptim dakon tenjenj**  
(Mt 5.15; 6.22-23)

33<sup>r</sup> Yesu da sigin yagit, “Amin da lam kolej pasiligwan yopba dima toj. Bo ae kwoba ban wutjiba dima toj. Noman tamokon yopba tan tenjenanakwan amin da wiŋ tenjenj kon. 34 Dabilgo unun giptimgo dakon tenjenj. Dabilgo tagisi kan, giptimgo kalon tenjenjini toj. Mani dabilgo yokwi kan, giptimgo pilin tuksi tosok. 35 Yan do, giptimgo dakon tenjenj unun pilin tuk asak yan do kan kimokgi. 36 Giptimgo kalon tenjenjini toj ae pilin tuk kinda dima tosok kan, giptimgo lam dakon tenjenj dakon panop pindakdal unudej tenjenokdisak.”

**Parisi amin gat gen teban mibili nandak nandak amin**  
**gat dakon anpak yokwi**  
(Mt 23.1-36; Mk 12.38-40; Lk 20.45-47)

37 Yesu gen yan mudanakwan Parisi amin kinda da yutnikon kwan yigek jap nonjil do iyigit. Iyiban Yesu kin yutnikon wigi jap noknok tamokon yikgit. 38 Yigek mibiltok kisiri dima suganek jap nanban Parisi amin unun da kanek dima agagi asak yan nandagit. 39 Aban Amin Tagi da yan iyigit,

---

° 11.29 Mt 16.4    p 11.31 1KA 10.1-10    q 11.32 Jna 3.5-10    r 11.33 Mk 4.21; Lk 8.16



“Parisi amin ji kap idapyo dakon manji banjin sugon. Mani kabo gat ae anpak yokwi mibili mibili gat unun butjigwan tugawit da ton. <sup>40</sup>Ji nandan kokwinji tagi mini! Pin kop da manji ban gin dima, buri gat kisi wasagit.

<sup>41</sup>Ji bupmi amin do but dasi galak tanjek panpulugoni kan, ji amin kilegisi.

<sup>42</sup>“Mani Parisi amin, awa! Ji jap tam galagisi pi kagasi ton unun pan kabi 10 kabi yopmanek unun kabikon ban kabi kindan pan Pin kop do paret an. Mani gen kokwin kilegi agak gat, ae Pin kop do but dasi galak tan imim unun ji dima an. Anpak kilegi unun gat ae paretyo kisi ani kan tagisi.

<sup>43</sup>“Parisi amin, awa! Ji muwut muwut yut madepmon tamo mibiltogi unudon yit do galagi nandan. Ae amin da maket tamokon nandaba wukwan daminek gildat tagi yan dayini do galagi nandan.

<sup>44</sup>“Parisi amin, awa! Ji amin kimakbi yopyop tamo miktimgwan tanakwa amin da dima pindagek kwenikon baman akwan ji unun yombem.”

<sup>45</sup>Gen teban mibili nandak nandak amin kinda da gen unun yanban nandane Yesus yan iyigit, “Yoyindet, Parisi amin do gen unun yanek, ninyo kisi pabij nipmandal.”

<sup>46</sup>Yanban Yesus da yagit, “Gen teban mibili nandak nandak amin jiyo kisi, awa! Ji amin gen teban mibili mibili jigisi guramitni do yoyan, mani kisitjok kinda yominek panpulugane guramit do dimasi nandan.

<sup>47</sup>“Awa! Ji kombi amin dakon bumjot tamo wason. Mani babikji da dapba kimakgwit. <sup>48</sup>Babikji da kombi amin dapba kimakgwit unun dakon bumjot tamoni ji da pantilim an. Yan an unun babiknin da tagisi dapba kimakgwit yan nandan dakon tilak asak. <sup>49</sup>Unun do anek Pin kop da nandan kokwini tagisikon da yan yagit, ‘Nak da kombi amino gat ae yabekbi kabino gat unun amin kabikon yabetdisat. Yabekgo diwari dapba kimotdan, ae diwari yo yokwisi anyomdan.’ <sup>50</sup>Yan do anek Pin kop da miktim wasagiron da kombi amin morap dapba kimakgwit unun dakon kobogi amin abisok ekwan unun da timitdan. <sup>51</sup>Wasok wasok do amin kilegi Abel anagek ae amin diwari dapmanakwa wigi wasip do Sekaraia Telagi Yut Madep ae altayo da binapmon anakba kimakgit unun dakon kobogi yo jigisi amin abisok ekwan unun da timitdan.

<sup>52</sup>“Gen teban mibili nandak nandak amin, awa! Nandak nandak pakpak tamo dakon yoma witdal disi kili gwayewit. Disi unjungwan dima wigiwit. Anek unjungwan wigik do awit amin ji da kosit sopsop anyomgwit.”

<sup>53</sup>Yesu unun yut egipgut yipman degakwan gen teban yoyindet amin gat ae Parisi amin gat da Yesus do uwal an iminek gen mibili mibili iyiwit.

<sup>54</sup>Ankewalno sun kinda yanakwan gen pikon yipnen yanon da iyiwit.

### Parisi amin dakon anpak yokwi do kan kimotni

(Mt 10.26-27)

**12** <sup>1</sup>Amin tausen morapmi da abij muwugek gitni gitnisi anek notni baman baman anakwa Yesus da mibiltok pandetni ban kalip yan

yoyigit, “Parisi amin dakon yisni do kaŋ kimotni. Uŋun jamba but aminsi ekwaŋ. <sup>2s</sup> Yo morap gwiligwan toŋ uŋun altaŋ teŋteŋaŋ mudokdaŋ. Ae yo morap pasili toŋ uŋun amin da nandaba pisokdaŋ. <sup>3</sup>Do gen morap ji da pilin tukgwan yawit uŋun amin da teŋteŋikon nandakdaŋ. Ae gen morap yut kagagwan gen piŋigon da yawit uŋun yut kwenon wigi gen papmon da yoyiŋ teŋteŋokdaŋ.”

### **Piŋkop dogin pasoldo**

*(Mt 10.28-31)*

<sup>4</sup>Yesu da saŋbeŋek yaŋ yagit, “Not kabi, yaŋsi dayisat. Amin da giptim dapba kimagakwa uŋun da kwenon yo di aripmi dima akdaŋ, do uŋun do dima pasolni. <sup>5</sup>Mani namin amin dosi pasolni uŋun do dayikdisat. Ji Piŋkop do pasolni. Piŋkop da giptim dapban kimagakwa Tipdomon maban pigini uŋun dakon tapmim taŋ imisak. Asisi dayisat, ji Piŋkop dosi pasolni. <sup>6</sup>Minam moniŋ uŋun yo moniŋisok, 5 kabi dakon yumaŋ nogi uŋun moneŋ giman tabili bamori gin. Mani Piŋkop da minam moniŋgok uŋun dakon kindasok dimasi iŋtaŋ imgut. <sup>7</sup>Piŋkop da busuŋ daŋgwanji niaŋ da toŋ uŋun kisisi nandaŋ mudosok, do ji dima pasolni. Minam moniŋ moniŋ morapmi dakon yumaŋ nogi uŋun madep dima, mani ji dakon yumaŋ nogi uŋun wukwisi.”

### **Nin Yesu dakon amin kabi yaŋ yok do dima mayak toneŋ**

*(Mt 10.32-33; 12.32; 10.19-20)*

<sup>8</sup>Yesu da saŋbeŋek yaŋ yagit, “Nak da yaŋsi dayisat, amin kinda da ‘Nak Yesu dakon amin kinda’ yaŋ amin yoyisak kaŋ, Amin Dakon Monji da Piŋkop dakon aŋelo kabinikon uŋun amin nak dakon amin kinda yaŋ yoyisak. <sup>9</sup>Mani amin kinda ‘Nak Yesu dakon amin dima’ yaŋ amin yoyisak kaŋ, nakyo kisi Piŋkop dakon aŋelo kabinikon uŋun amin nak dakon amin dima yaŋ yoyikeŋ. <sup>10</sup>Amin morap Amin Dakon Monji do yaŋba yokwi tok ani amin uŋun Piŋkop da diwarini yopmaŋ yomdisak, mani amin morap Telagi Wup do yaŋba yokwi tok ani amin uŋun Piŋkop da diwarini dima yopmaŋ yomdisak.

<sup>11u</sup> “Amin da ji Juda amin dakon muwut muwut yut madepmon, bo gapmanon, bo ae amin mani wukwi da iŋamon paŋki depni bisapmon, disi kutnok do aŋek ni gen baŋ yoyineŋ yaŋ nandaŋek nandaba kik dima ani. <sup>12</sup>Uŋun bisapmonsni ni gen baŋ yoyini uŋun Telagi Wup da dayiŋ detdisak.”

### **Yoni morapmi amin kinda gulusuŋ agit dakon tilak gen**

<sup>13</sup>Uŋun amin kabi madepgwan da amin kinda da Yesu yaŋ iyigit, “Yoyiŋdet, peno iyibi datnit da yo morap yopgut uŋun kokwinik diwari nak do namjak.”

<sup>s</sup> 12.2 Lk 8.17    <sup>t</sup> 12.7 Lk 12.24; Ya 27.34    <sup>u</sup> 12.11 Mk 13.11; Lk 21.12-15

<sup>14</sup>Yaŋban Yesu da iyigit, “Not, namin da jilon gen kokwin pi aŋek yo kabisil kokwinik dabeŋ do manjiŋ nepgut?” <sup>15</sup> Yaŋ yaŋek miŋat aminyo yaŋ yoyigit, “Ji kaŋ kimotni. Yo mibili mibili timit timit dakon galagi di pabam. Yo kabisi uŋun morapmisi kaŋ, uŋun da egip egip bamisi aripmi dima damdaŋ.”

<sup>16</sup>Yaŋ yaŋek tilak gen kinda yaŋ yoyigit, “Yoni morapmi amin kinda dakon pigagani jap bami tagisi morapmi tawit. <sup>17</sup>Aŋakwa amin uŋun iyi yaŋ nandagit, ‘Jap bami yopbeŋ dakon tamo kili tugaŋ, do ae di gat yopbeŋ dakon tamo aripmi dima, do niaŋsi abeŋ?’ <sup>18</sup>Yaŋ nandaŋek yagit, ‘Nak yaŋsi abeŋ: Jap yopyop yutno kisi tuwilek madepsi wutjiŋek wit gat ae yo kabino gat kisi uŋun yutnon yopbeŋ. <sup>19</sup>Yaŋ aŋek naga do yaŋsi yokeŋ, ‘Nak bilak morapmi tagisi egi aŋaŋ kikeŋ dakon yo morapno aripmisi. Do yaworisi egek jap pakbiyo madepsi aŋek bisap morapmi kisik kisik aŋek egipbeŋ.’”

<sup>20</sup>“Mani Piŋkop da iyigit, ‘Gak nandaŋ kokwingo tagi mini. Gak abisok kalbi kimotdisal. Yo morapgo gaga do paŋkosit agil uŋun amin da timitdaŋ.’”

<sup>21</sup> Yesu da gen uŋun yaŋek yaŋ yagit, “Amin yoni morapmi paŋmuwut do pi aŋegek Piŋkop do dima nandaŋek ekwaŋ amin, uŋun aminon yo yaŋsi altokdisak.”

### Yo morap do nandaba kik dima ani

(Mt 6.25-34)

<sup>22</sup>Yaŋ yaŋek Yesu da paŋdetni yaŋ yoyigit, “Yaŋsi dayisat, egip egipji do nandaba kik aŋek ‘Jap dukon baŋ nonen’ bo ae giptimji do nandaba kik aŋek ‘imal dukon baŋ panen’ yaŋ dima nandani. <sup>23</sup>Egip egip da jap yapmaŋdak, ae giptim da imal yapmaŋdak. <sup>24</sup>Ji minam do nandani. Jap yet dima kwaokgaŋ, ae jap dima paŋ, ae jap paŋmuwut yutni mini. Mani Piŋkop da jap upmokdok. Minam dakon yumaŋ nogi piŋbisi aŋakwa amin ji dakon yumaŋ nogi uŋun madepsi. <sup>25</sup>Ji nandaba kik aŋek egip egipji timisok di gat tagi saŋbeŋba wigisak yaŋ nandaŋ, ma? Uŋun aripmi dimasi. <sup>26</sup>Yo moniŋisok uŋuden ji da aripmi dimasi agagi, do nido yo diwari morap do nandaba kik aŋ?

<sup>27</sup>“Jareŋ oni taŋ aŋaŋ kwaŋ uŋun do nandani. Pi madep aŋek imal dima bupmaŋgaŋ. Mani yaŋ dayisat, jareŋ pindakgaŋ uŋun dakon tilimni da kalip kila amin madep Solomon dakon tilimni tagisi pagit uŋun yapmaŋdak. <sup>28</sup>On joŋ taŋ aŋaŋ kwaŋ uŋun aŋwa amin da baljaŋ kindapmon sokdaŋ. Mani Piŋkop da si paŋtilim asak, do nandaŋ gadatji pisipmisok amin ji yaŋsi nandani, Piŋkop da ji do nandaban yo madepsi aŋakwan imal tilimi toŋsi baŋ paŋ damdisak. <sup>29-30</sup>Piŋkop dima nandaŋ imaŋ amin kabi da yo morap uŋuden wusiŋ pindat do pini aŋ. Mani

v 12.15 1Ti 6.9-10 w 12.21 Mt 6.19-20

Datji da yo unjun do wadak wadak an unjun nandisak, do ji jap pakbiyo dukon ban nonen yan nandahek nandaba kik dima ani. <sup>31</sup>Nandaba kikji yipmahek Pin kop dakon Amin Kila Agakni unjun wisih kok do pi ani. Yan anakwa yo diwari do wadak wadak an unjun kisi damdisak.”

**Yo tagisi Kwen Kokup do panmuwutni**  
(Mt 6.19-21)

<sup>32</sup>Yesu da sanbehek yan yagit, “Sipsip kabisok, ji dima pasolni. Datji da iyi Amin Kila Asak da kagagwan egipni do tagisi nandisak. <sup>33</sup>x Ji yo morapji tan dama unjun yopba amin da yuma noni. Yan aba moneh timigek yoni mini amin do yomni. Ahek yo kabisi tagisi Kwen Kokupmon panmuwuk yopba unjudon tagisi tokdan. Unjun tamokon toni kan, yo kabisi dima pasildan, ae kabo noknok da dima timitdan, ae yo monih da dima nokdan. <sup>34</sup>Yo kabisi tagisi dukwan ton, but nandak nandakyosi kisi unjudon gin tokdisak.”

**Oman monji tagisi da tagap taneh ekwan**  
(Mt 24.42-44)

<sup>35</sup>y Yesu da sanbehek yan yagit, “Ji imalji paneh lamji kolehek tagap taneh egipni. <sup>36</sup>Oman monji da tagap taneh amin tagini da minat pakpak dakon sonogon da tobil apjak do jomjom anek ekwan ji yan gin tagap toni. Do ni bisapmon abih yoma domon tidosak ji yoma tepmi witdal imni. <sup>37</sup>Oman monji amin tagini da pindakban tagap taneh ekwan kan tagisi. Nak asisi dayisat, amin tagini da iyi oman dakon imal paneh oman monji yoyinban jap tamokon pabih yigakwa iyi jap yomdisak. <sup>38</sup>Amin tagi unjun kalbi binap bo wisa dagokdosi abih pindakban tagap taneh egipni kan tagisi.

<sup>39</sup>z Ji yan nandani. Yut kinda dakon ami kalbi kabo noknok ni bisapmon apjak yan nandagit tam, kila anakwan aripmi dima tuwilban. <sup>40</sup>Ji kisi tagap taneh egipni. Dima apjak yan nandaakwa Amin Dakon Monji unjudon apdisak.”

**Oman monji tagi ae yokwi dakon tilak gen**  
(Mt 24.45-51)

<sup>41</sup>Pita da Yesu yan iyigit, “Amin Tagi, tilak gen yal unjun nin dogin yal, bo ae amin kisi do yal?”

<sup>42</sup>Yanban Amin Tagi da yagit, “Oman monji kinda nandan kokwini tagisi ae pi agakni tagisi, unjudon oman monji amin tagini da oman monjini diwari kilani asak do manjisak. Yan aban jap yomyom bisapmon japni yomih yomih asak. <sup>43</sup>Oman monji unjun amin tagini da tobil abih

---

x 12.33 Lk 18.22    y 12.35 Mt 25.1-13    z 12.39 Mt 24.43-44; 1Tes 5.2

kanjban pini tagisi asak kanj tagisi. <sup>44</sup><sup>a</sup> Nak asisi dayisat, amin tagini da unjun oman monji iyinjan yo morapni kila akdisak. <sup>45</sup> Mani unjun oman monji burikon da amin tagini tepmi dima apdisak yan nandanej oman monji gat ae oman minjat gat dapmanej jap pakbiyo madep anej pakbi tebanyo kisi nan but upbal asak kanj, <sup>46</sup> dima apdisak yan nandanjakwan amin tagini da but pisogi mini abinj unjun oman monji tepmi pi iminej gen kirijit amin kabi gat yopban egipdan.

<sup>47</sup><sup>b</sup> Oman monji kinda amin tagini dakon galaktokni nandanej tagap tanej galaktokni dima yoljak kanj, amin tagi da kosiri morapmi baljokdisak. <sup>48</sup> Mani oman monji kinda amin tagini dakon galaktokni dima nandanej anpak yokwi si baljoni da aripmon asak kanj, amin tagini da kosiri morapmi dima baljokdisak. Yo morapmi timikganj amin unjun yo morapmi panjobil yomyomi. Yo morapmi kila ani do dabi amin unjun yo morapmi panjobil yomyomi.”

### **Yesu unjun pidok pidok nan abigit**

*(Mt 10.34-36)*

<sup>49</sup> Yesu da sanbejek yan yagit, “Nak miktimon kindap sokej do pigim. Kilisi kawan sok tam tagi. <sup>50</sup><sup>c</sup> Nak tepmi madepsi pakdisat. Butno jik tosoj, do pako dagosak dosi nandisat. <sup>51</sup> Nak amin da miktimon but yawot pani yan do pigim yan nandan, ma? Unjun dima. Yan dayisat, nak miktim aminon pidok pidok panalon ak do pigim. <sup>52</sup> Abisok da wasanej amin yuri kindakon amin 5 kabi da pidan kinej bamori da kapbi gat uwal uwal akdan. Ae kapbi da bamori gat uwal uwal akdan. <sup>53</sup><sup>d</sup> Wasenj kinej dat da monji gat pidok pidok akdamal, ae menj da gwi gat pidok pidok akdamal, ae minjat kinda gat namdi gat pidok pidok akdamal.”

### **Yo altawit dakon mibili dima nandawit**

*(Mt 16.2-3)*

<sup>54</sup> Amin kabi madepsi yan yoyigit, “Ji gildat da si pigisak tetgin do menji wamanjak yan pindagek ‘Sikak mokdisak’ yan yanakwa asi sikak mosok. <sup>55</sup> Ae saut tetgin dakon mirim madep abinjakwan ji da yan yonj, ‘Gildat tepmisi wusikdisak.’ Yan yanakwa asi gildat tepmisi wusisak. <sup>56</sup> Jamba but amin, ji da miktimon ae kwen yo morap tonj pindagek kokwin tagisi anj. Mani abisok yo morap altonj unjun pindagek kokwin nido tagi dima anj?”

### **Notgo gat genjil anjkilek anjil**

*(Mt 5.25-26)*

<sup>57</sup> Yesu da sanbejek yan yagit, “Ji disi anpak yokwi tagiyo nido dima kokwinikganj? <sup>58</sup> Amin kinda da gen yan gam do aban gen kokwin

<sup>a</sup> 12.44 Mt 25.21,23    <sup>b</sup> 12.47 Jem 4.17    <sup>c</sup> 12.50 Mk 10.38-39    <sup>d</sup> 12.53 Mai 7.6

tamokon kik do kosiron kinjil bisapmon genjil unjun yan anmilip ak do pi anjil. Yan dima anjek kwal gen kokwin kila agak amin da obip amin da kisiron gepban unjun da dam teban yutnon gepdisak. <sup>59</sup>Nak asisi gayisat, gak dam tebanon sigin egaki wigi moner nian yopbi do gayini unjun kisisi yopmanek don wanja kikdisal.”

### But tobil dima ani amin wagil pasildan

**13** <sup>1</sup>Yesu da gen unjun yan mudanakwan amin diwari da Pailat da yo agit unjun do iyiwit. Pailat da obip amini yoyinban kin Galili amin diwari Pinjkop do mukwa sonakwa unjun dapba kimakgwit. Do unjun amin dakon yawini gat ae paret do yo mukwa sowit dakon yawini kisi mawit. <sup>2e</sup> Unjun do iyinba Yesu da yoyigit, “Nian nandan? Galili amin kimakgwit unjun dakon yokwini da Galili amin diwari dakon yokwini yapgut, unjun do anjek jigi unjun pawit yan nandan? <sup>3</sup>Unjun dimasi! Nak asisi dayisat, ji but tobil dima ani kan, unjun amin kabi da kimakgwit jiyo kisi yan gin kimotdan. <sup>4</sup>Bo Silom yut dubak tuwil ki man amin 18 kabi witinban kimakgwit do nandani. Unjun amin kabi dakon yokwini da Jerusalem amin diwari dakon yokwini yapgut unjun do anjek pasilgwit yan nandan? <sup>5</sup>Unjunyo kisi dimasi! Nak asisi dayisat, ji but tobil dima ani kan, jiyo kisi yan gin kimotdan.”

### Kindap bami mini unjun dakon tilak gen

<sup>6</sup>Yesu da tilak gen kinda yan yoyigit, “Amin kinda da wain pinikon pik kindap kinda kwaokgit. Bisap kinda bami wisik do kigit, mani bami mini pindakgit. <sup>7f</sup> Bami mini pindagek pi kila amini yan iyigit, ‘Nandaki. Nak bilak kapbi abin pik kindap dakon sopmi wisin wisin anjek mini pindakdat. Yan do kindap on si pasiki. Miktim dakon tapmim nido isal dogin ilik mudosok?’

<sup>8g</sup> “Yanban pi kila amin da yan iyigit, ‘Amin tagi, yum kanbi bilak kinda gat atjak. Anjakwan mibilikon miktim wayigek yalik yopber. <sup>9</sup>Bilak kwenikon bami tosak kan tagisi. Mani bami dima tosak kan, tagi pasiki.’ ”

### Sabat bisapmon Yesu da minjat kinda anmilip agit

<sup>10</sup>Sabat bisap kindakon Yesu da Juda amin dakon muwut muwut yut kindakon amin yoyin dekgit. <sup>11</sup>Unjudon minjat kinda egipgut. Unjun kon kinda da yigek abidanakwan sot anjakwan bilak 18 agit. Manji gironjikit, do kwen kilegi aripmi dima akgit. <sup>12</sup>Yesu da kanek iyinban opban yan iyigit, “Minjat, sotgo kili gepman dek kik.” <sup>13</sup>Yan iyinjek kisiri kwenikon wutinban unjudon gin manji kilek tanakwa Pinjkop anjigisit.

e 13.2 Jn 9.2 f 13.7 Lk 3.9 g 13.8 2Pi 3.9,15

<sup>14</sup><sup>h</sup> Mani muwut muwut yut dakon kila amin da Sabat bisapmon Yesu da amin anjmilip agit unun do butjap nandagit. Butjap nandajek miñat aminyo yan yoyigit, “Pi agak dakon gildat 6 kabi tonj. Unun bisapmon sot amin apba tagi panjmilip ani. Mani Sabat bisapmon dimasi ani.”

<sup>15</sup><sup>i</sup> Yanban Amin Tagi da kobogi yan iyigit, “Ji jamba but amin! Ji Sabat bisapmon bulmakausi gat ae donkisi gat yutnikon ban witdal ilik panji yopba pakbi nonj, ma? <sup>16</sup> Miñat on Abraham dakon gwi, Sunduk da tebai abidanakwan bilakni 18 agit. Sabat bisapmon dima pulugan kisak do nandan, ma?”

<sup>17</sup> Yan yanban uwalni mayagi nandawit. Mani miñat aminyo Yesu da yo morap wagil tagisisi agit unun do kisik kisik awit.

### **Mastat dakon yeri dakon tilak gen**

*(Mt 13.31-32; Mk 4.30-32)*

<sup>18</sup> Yesu da sanbejek yan yagit, “Piñkop dakon Amin Kila Agakni unun niansi? Yo ni gat tilak abo? <sup>19</sup> Unun mastat yet yombem. Amin kinda da mastat yet kinda pigagani kwaokgit. Anjakwan mastat unun kwan madep tan kindap kinda da yan agakwan minam da abinj kilinjikon yutni unudon awit.”

### **Yis dakon tilak gen**

*(Mt 13.33)*

<sup>20</sup> Yesu da sanbejek yan yagit, “Piñkop dakon Amin Kila Agakni yo ni gat tilak abo? <sup>21</sup> Unun yis yombem. Miñat kinda da plaua idap madep kinda gat iktagildak. Yan anjakwan plaua unun kisisi paptan madep tawit.”

### **Yoma kosit gwagak monijisok nanj wigikdo**

*(Mt 7.13-14; 7.21-23)*

<sup>22</sup> Yesu unun Jerusalem kokup papmon kik do anjek kokup pap ae kokup monij monij tawit unudon agek amin yoyinj dekgit. <sup>23</sup> Anjakwan amin kinda da yan iyigit, “Amin Tagi, Piñkop da amin kaloñisok di banjin yokwikon ban timitjak bo nianj?”

Yanban Yesu da yoyigit, <sup>24</sup> “Nak yanji dayisat, amin morapmi da egip egipmon wigik do pini akdan, mani aripmi dima wigikdan. Do ji yoma kosit gwagak moniji nanj wigik do pi tebai ani. <sup>25</sup><sup>j</sup> Yut dakon ami da pidan yoma sopban ji da kinj yomakon agek yoma tidanjek yan yokdan, ‘Amin Tagi, nin do yoma witdal nim.’

“Mani gen kobogi yan dayikdisak, ‘Nak dima nandan damisat. Ji dukon nani amin?’

<sup>h</sup> 13.14 TP 20.9-10; GT 5.13-14    <sup>i</sup> 13.15 Lk 14.5    <sup>j</sup> 13.25 Mt 25.10-12

26 “Yaŕ yaŕban ji da kobogi yaŕ iyikdaŕ, ‘Nin gak gat kisi egek jap pakbiyo agimaŕ. Ae kokup papnin dakon kosit madepmon agek niyiŕ dekgil.’

27<sup>k</sup> “Mani uŕun da yaŕ dayikdisak, ‘Nak asisi dayisat, nak dima nandaŕ damisat. Ji dukon nani uŕun dima nandisat. Yokwi pakpak ji kisisi nepmaŕ dek kit!’

28<sup>l</sup> “Ji Abraham, Aisak, Jekop, ae kombi amin kisisi Piŕkop da Amin Kila Asak kokupmon ekwa pindatdaŕ. Mani ji maba waŕga kiŕ mudokdaŕ. Uŕun bisapmon ji kunam tagek iyoŕ iyoŕ yaŕ tidaŕek egipdaŕ. 29<sup>m</sup> Amin da gildat wisak ae si pigisak tet, ae not tet ae saut tet da Piŕkop da Amin Kila Asak kokupmon abiŕek jap noknok tamo madepmon yitdaŕ. 30<sup>n</sup> Nandani, amin diwari abisok buŕon ekwaŕ, uŕun don mibiltok amin akdaŕ. Ae amin diwari abisok mibiltok ekwaŕ, uŕun don buŕon amin akdaŕ.”

### Yesu da Jerusalem Kokup do bupmi nandagit

(Mt 23.37-39)

31 Uŕun bisapmon gin Parisi amin diwari da abiŕ Yesu yaŕ iyiwit, “Gak idon dima egipbi, kokup digwan kiki. Erot da gak gikban kimokgi do nandisak.”

32 Yaŕba Yesu da yoyigit, “Ji kiŕ uŕun top amin yaŕ iyini, ‘Nandaki. Nak abisok ae aŕwa koŕ yolgeŕ, ae sot amin paŕmilip abeŕ. Ae pidaŕi do pi abeŕ do nandagim uŕun aŕwasip abeŕ.’ 33 Kombi amin Jerusalem kokup papmon gin dapba kimokgoŕ. Kokup ŕwakŕwarikon dima dapba kimokgoŕ, do nak abisok ae aŕwa ae pidaŕi do sigin kikeŕ.

34 “O Jerusalem, Jerusalem amin, ji kombi amin dapba kimokgoŕ. Amin Piŕkop da yabekban jikon abaŕ uŕun ji da tipbaŕ dapba kimokgoŕ. Pup meŕi da monjini paŕmuwuk piŕigwan yopmaŕdak, uŕun da tilak nak da bisap morapmi ji paŕmuwut do nandagim, mani ji da kurak taŕ namgwit. 35<sup>o</sup> Nak asisi dayisat, kokup yomasiyo yokwi taŕek yumsi tokdisak. Ji nak dima nandaŕek egi wigi ni bisapmon nak do ‘Amin on Amin Tagi da manon abisak, uŕun Piŕkop da gisamigakwan abisak’ yaŕ nak do yoni uŕun bisapmon nandakdaŕ.”

### Yesu da giptimi paptanŕbi amin kinda aŕmilip agit

**14** <sup>1</sup>Sabat kindakon Yesu jap nok do Parisi amin dakon kila amin kinda da yutnon kigit. Aŕakwan yipba kik aŕek kaŕ yikgwit, <sup>2</sup>nido Yesu da buron giptimi paptanŕbi amin kinda yikgit. <sup>3<sup>p</sup></sup> Yesu da uŕun amin kaŕek gen teban mibili nandak nandak amin gat ae Parisi amin gat yaŕ yoyigit, “Sabat bisapmon sot amin tagi paŕmilip aneŕ bo dima? Gen

<sup>k</sup> 13.27 Kap 6.8   <sup>l</sup> 13.28 Mt 8.11-12   <sup>m</sup> 13.29 Kap 107.3   <sup>n</sup> 13.30 Mt 19.30  
<sup>o</sup> 13.35 Kap 118.26   **P 14.3** Lk 6.9



teban da nian yosok?”<sup>4</sup> Mani gen kobogi kinda dima iyiwit. Yanj anjakwa Yesu da amin unun abidanek anmilip anek digo ki yanj iyinban si kigit.<sup>5</sup> <sup>q</sup> Kijakwan yanj yoyigit, “Jikon da kinda dakon monji bo bulmakauni Sabat bisapmon pakbi gapmakon manban tepmi tagi ilikba wisak bo dima?”<sup>6</sup> Yanjban gen kobogi aripmi dima iyigi yanj kawit.

### Yesu da amin iyi do nandaba pini do yagit

<sup>7</sup>Yesu da amin jap nok do apgwit unun pindakban tamo mibiltogi nanikon gin yit do awit. Do tilak gen kinda yanj yoyigit,<sup>8</sup> “Amin kinda da miñat pakpak dakon soñnogon yanj gaban kiki kanj, tamo mibiltogi nanikon dima yikgi. Tamo unun amin madep kinda gak gwapmandak unun do manjikbi nan di yikbin.<sup>9</sup> Yanj kanj amin yanj daban kiki unun da abinj yanj gayisak, ‘On tamo on amin do iminj.’ Yanj gayinban gak gaga do mayagisi nandanek tamo amin pinjisi do yopbi unudon panji yitdisal.<sup>10</sup> Amin kinda da yanj gaban kanj, gak tamo amin pinjisi do yopbi unudon panji yikgi. Yigaki amin yanj gamjak unun da ‘Not, on tamo tagikon pawinj yit’ yanj gayinban pawinj yigaki amin diwari da amin mani tonj kinda yanj gandani.<sup>11</sup> Amin kinda iyi do nandaban wugisak kanj, Pinjkop da unun amin abinj yipdisak. Mani amin kinda iyi do nandaban pisak kanj, Pinjkop da mani awigikdisak.”

### Kobogi tagi dima damni amin ban panpulugoni

<sup>12</sup>Yesu da amin unun yanj iban kigit unun yanj iyigit, “Gak jap noknok kinda asal kanj, notgo, bo ae pego padik padikgo bo ae yawi diwatgo bo ae yoni morapmi amin dibañ dima yanj yobi. Unun da kobogi do don yanj gamdanj.<sup>13</sup> Gak jap noknok kinda abi kanj, yoni mini amin, ae giptimi yokwi tanbi, ae kandap yokwi ae dabilì mini amin banjin yanj yobi.<sup>14</sup> Yanj abi kanj, gak kisik kisigi tonji egipbi. Unuden amin kobogi tagi dima gamni, mani Pinjkop da amin kilegi kimoron ban paban pidoni bisapmon don kobogi gamdisak.”

### Jap noknok dakon tilak gen

(Mt 22.1-10)

<sup>15</sup> <sup>u</sup> Amin kinda jap nawitgwan da gen unun nandanek Yesu yanj iyigit, “Pinjkop da Amin Kila Asak kokupmon yigek jap nokdanj amin unun kisik kisik ekwanj.”

<sup>16</sup>Mani Yesu da yanj iyigit, “Amin kinda da jap madepsi kinda panjosit anek amin morapmi yanj yomgut.<sup>17</sup> Jap noknok bisapmon oman monjini kinda yabekban amin yanj yomgut unun yoyik do kigit. Kij yanj yoyigit, ‘Yo morap kili panjosit abi, do ji tagi opni.’

<sup>q</sup> 14.5 Mt 12.11; Lk 13.15    <sup>r</sup> 14.8 Yt 25.6-7    <sup>s</sup> 14.11 Mt 23.12; Lk 18.14    <sup>t</sup> 14.14 Jn 5.29

<sup>u</sup> 14.15 Lk 13.29

18 “Mani amin kisisi dima op do yawit. Kinda da yaŋ yagit, ‘Nak pi kinda kaluk yumit uŋun kiŋ koken. Do nandanŋ namiŋaki dima opben.’

19 “Ae kinda da yagit, ‘Nak pi agak bulmakau 10 kabi yumit, uŋun kiŋ paŋkilik pindatgen. Do nandanŋ namiŋaki dima opben.’

20<sup>v</sup> “Ae kinda da yagit, ‘Nak miŋat kaluk pat, do aripmi dima opben.’

21 “Oman monjini tobil obiŋ amin tagini amin yoyiŋban gen yawit dakon mibili iyigit. Iyiŋban yut uŋun dakon ami uŋun da butjap nandanjek oman monjini tebai yaŋ iyigit, ‘Gak tepmisi kokup madep da kosit madep ae kosit moniŋon kiŋ, amin yoni mini, ae giptimi yokwi taŋbi, ae dabili mini, ae kandap yokwi uŋun timik paŋopbi.’

22 “Yaŋ iyiŋban oman monji da yaŋ gin aŋek yaŋ iyigit, ‘Amin tagi, yo abeŋ dosi nayil uŋun kili aŋmudat, mani tamo toŋ.’

23 “Iyiŋban amin tagi da oman monji yaŋ iyigit, ‘Gak kokup madep yipmaŋek kiŋ kosit madepmon bo ae pigaga da dam kidipmiŋ agek amin pindak tebai yoyiŋbi abiŋ yikba yutno tugosak. 24 Nak yaŋsi dayisat, amin uŋun kalip yaŋ yomgum uŋun da nak dakon jap jimjimjok kinda dimasi nokdan.’”

### Nandanŋ kimagek Yesu yoldo

(Mt 10.37-38)

25 Miŋat amin kabi madepsi yolakwa Yesu da tobilek yaŋ yoyigit, 26<sup>w</sup> “Amin kinda nak nol do nandisak kaŋ, meŋi datni, ae miŋatni gwakniyo gat, ae peni samini padigeyo gat, ae iyi dakon egip egipni gat kisi do uwal dima aŋyomjak kaŋ, uŋuden amin nak dakon paŋdetno aripmi dima egipjak. 27 Tilak kindapni guramigek dima noljak amin paŋdetno aripmi dima egipjak.

28 Amin kinda yut madep kinda ak do kaŋ, mibiltok yigek monerŋni manjisak. Aŋek yut tagi aŋ mudogi bo dima uŋun dakon nandak nandak asak. 29 Yaŋ dima aŋek yut gwak maŋek yo diwari do wadaŋek yut dima aŋ mudosok kaŋ, amin morap koni uŋun kisi jigilak yaŋek yaŋjaŋ imdan. 30 Aŋek yaŋ yokdan, ‘On amin yutni aŋ diwarikgit, mani wasip ak do aŋtidok asak.’

31 Bo kila amin madep kinda da uwalni gat emat wam do nandisak kaŋ, mibiltok nandanŋ kokwin asak. Iyi dakon emat amin 10 tausen da uwalni dakon 20 tausen tagi yolni bo dima, yaŋ do nandak nandak asak. 32 Tagi dima yolni yaŋ nandisak kaŋ, uwalni kapmat dima abiŋakwa amin kabi kinda yabekban kiŋ emat dima wamni do gen yoyiŋ paŋyawot aŋ. 33 Jiyo yaŋ gin yo morapji dima yopmaŋ mudoni kaŋ, paŋdetnoni tagi dima egipni.”

### Yesu da tap dakon galagini yokwi tosak do yagit

(Mt 5.13; Mk 9.50)

34 Yesu da saŋbeŋek yaŋ yagit, “Tap uŋun yo tagisi kinda. Mani galagini pasiŋni kaŋ, niaŋsi aŋek galagini aŋkaluk aneŋ? 35 Tap uŋuden

<sup>v</sup> 14.20 1Ko 7.33    <sup>w</sup> 14.26 Lk 9.23

miktim aripmi dima panpulugogi. Bo bulmakau dakon kok gat iktagili aripmi dima. Tap unjuden isal mamno kwanj. Mirakni tonj amin da gen on pakyanjsi nandanej mibili nandanj pisoni.”

### Sipsip kinda pasilgit dakon tilak gen

(Mt 18.12-14)

**15** <sup>1</sup>Takis timit timit amin gat ae yokwi pakpak amin gat da geni nandak do Yesu da kapmatjok opgwit. <sup>2\*</sup> Anjakwa Parisi amin gat gen teban yoyindet amin gat da yanba yokwi tok anjek yan yawit, “On amin yokwi pakpak amin not anyoban yigek jap nonj.”

<sup>3</sup>Yan yanakwa Yesu da tilak gen kinda yan yoyigit, <sup>4</sup>”Jikon da amin kinda sipsipni 100 ban kaloŋi da pasiljak kan nian asak? Unun da sipsip 99 jonj timon yopban egakwa kaloŋi pasildak unun wisinej don analon asak. <sup>5</sup>Wisinej kan abidosok bisapmon but galak nandanej kwapmikon guramik ananj <sup>6</sup>yomanikon anjiskas. Anjinej notni gat ae kokup isalni gat yan yoban obiŋ muwukba yan yoyisak, ‘Sipsipno pasilak unun kili wisinej kat, do kisik kisik ano.’”

<sup>7</sup>Yesu da sanbenej yan yoyigit, “Nak asisi dayisat, yokwi pakpak kinda da but tobil asak kan, Kwen Kokupmon kisik kisik madepsi yan gin akdan. Amin 99 unun kilegi do but tobil agagi mini do unun dakon kisik kisik madep dima ani. Mani yokwi pakpak kinda but tobil asak unun dakon kisik kisik unun madepsi noman tosok.”

### Monej kinda pasilgit dakon tilak gen

<sup>8</sup>Ae Yesu da sanbenej yan yagit, “Minjat kinda da silwa monej tabili 10 kabi ban kaloŋi da yutnon manj pasiljak kan unun nian asak? Unun da lamni kolenej yutni ikdiganej tebaisi wisinej don kosak. <sup>9</sup>Kan abidosok bisapmon but galak nandanej notni gat ae kokup isalni gat yoyinban obiŋ muwukba yan yoyisak, ‘Monejno pasilak unun kili wisinej kat, do kisik kisik ano.’”

<sup>10</sup>Yesu da yan yoyigit, “Nak asisi dayisat, yokwi pakpak kinda da but tobil asak kan, Pinjop dakon anelo da kisik kisik yan gin akdan.”

### Dat kinda gat monji bamotni gat dakon tilak gen

<sup>11</sup>Yesu da sanbenej yan yagit, “Amin kinda egipgut unun monji bamori. <sup>12</sup>Monji buŋon nani da datni yan iyigit, ‘Dat, gak peno gat nit do yo morap nim do nandisal unun nak dakon diwarino abisok kokwinik nabi.’ Yan yanban datni da yo kabini kokwinik monji bamotni do yomgut.

<sup>13</sup>“Yoban bisap pisipmisok egek monji buŋon nani da yo kabini kisisi timik dubagisi kinj miktim kindakon panji egipgut. Panji egek

\* 15.2 Lk 5.30    y 15.4 Esi 34.11,16; Lk 19.10

anjap pak yokwi mibili mibili anjek monejni nanj mudagit. <sup>14</sup> Monejni nanj mudanjakwan unjun miktim amin da jap do madepsi anjek diwari da kimakgwit. Anjakwa monji unjun wadak wadak madepsi agit. <sup>15</sup> Do kin unjun miktim dakon amin kindakon pi kinda abidagit. Aban amin tagini da yabekban bit damnikon kin bit jap yomgut. <sup>16</sup> Anjek bit da birap gip nawit unjun pindak galak tanjek unjun banj nanjek butno kadim tosak yanj nandagit. Mani amin kinda da jap kinda dima imgut.

<sup>17</sup> “Nandak nandakni kulabik anjek yanj yagit, ‘Datno dakon oman monji morapni unjun japni aripmisi tanj yomanjakwa ekwan, mani nak idon egek jap do kimotdisat. <sup>18z</sup> Do yanjsi aben, nak tobil kin datno yanj iyiken: “Dat, nak Pinjkop da injamon ae gak yo kisikon yo yokwisi agim, <sup>19</sup> do bujon monjino yanj dima nayiki. Yum oman monjigo yumanj nanjaki ekwan unjuden kinda da tilak egipben.” ’

<sup>20</sup> Yanj nandanjek pidanj datnikon kigit. Kinjakwan datni dubagikon da monji kanj bupmi nandanj timtim yanjek kinj monji bedanjek mandanj nagit.

<sup>21</sup> Yanj aban monji da datni yanj iyigit, ‘Dat, nak Pinjkop da injamon ae gagon yo yokwisi agim, do bujon monjino yanj dima nayiki.’

<sup>22-24a</sup> Mani datni da oman monjini yanj yoyigit, ‘Monjino kimoron da yanj abisak. Pasilbikon nanj anjalon amanj. Do ji tepmi kinj paba pigik dubagi tagisi kinda anjabinj panj imni. Ae kisirikon sip tagisi kinda yipmanj imanjek kandap gwil kisi panj imni. Ae bulmakau monji nelagi tonj kinda nanj anjapba anjak soj nanjek kisik kisik ano.’ Datni da yanj yanjakwan jap noknok anjek kisik kisik awit.

<sup>25</sup> Yanj anjek egakwa monji mibiltogi pigaga egipgut da yutnon obinj anjakmat anjek nandaban amin da kap kisik kisikyo awit. <sup>26</sup> Yanj anjakwa nandanjek oman monji kinda yanj iban apban iyigit, ‘Unjun nibanj anj?’

<sup>27</sup> Yanj yanban iyigit, ‘Padigigo tagisi egisak da abik do datgo da kanjek bulmakau monji nelagi tonj anjwak.’

<sup>28</sup> Yanj iyinban monji mibiltogi butjap nandanjek yutnon wigik do kurak tagit. Yanj anjakwan datni da yomakon pinjek butni manjakwan yutnon wigisak do iyigit. <sup>29</sup> Mani datni yanj iyigit, ‘Dat, gak yanj nido asal? Nak oman monji isali kinda da yanj bilak morapmi egek omango anj egisat. Anjek gengo bisap kindakon dima kirinjikgim. Notnoni gat kisik kisik anej do memesok kinda dimasi namgul. <sup>30</sup> Mani monjigo on yo morapgo kosit minjat gat egek yominj mudagit, unjun da apban kanjek bulmakau monji nelagi tonj unjun anjwal.’

<sup>31</sup> Yanban datni da yanj iyigit, ‘Monjino, bisapmi bisapmi gak nak gat ekwamak. Ae yo morapno unjun gak dakon gin. <sup>32</sup> Mani padigigo kimoron da yanj abik, ae pasilbikon nanj anjalon amanj, do nin but kwaktok nandanjek kisik kisik tagisi amanj.’ ”

<sup>z</sup> 15.18 Kap 51.4    <sup>a</sup> 15.22-24 Ep 2.1,5

**Kila amin kindā da goman paŋkilek asak dakon tilak gen**

**16** <sup>1</sup>Yesu da paŋdetni yaŋ yoyigit, “Yoni morapmi amin kindā gat ae yo morapni dakon kila amini gat egipgumal. Amin da abiŋ yoni morapmi amin yaŋ iyiwit, ‘Yo morapgo dakon kila amin isal dogin yo morapgo naŋ mudok aŋgamisak.’

<sup>2</sup>“Iyɪŋba nandaŋek yo kila amini uŋun yaŋ iban opban yaŋ iyigit, ‘Gak niaŋ aŋaki gengo nandat? Gak kiŋ yo morapno kilɪ niaŋ asal uŋun dakon but piso kindā mandaŋ nabi. Gak pi uŋun saŋbeŋek dima akdisal.’

<sup>3</sup>“Iyɪŋban yo kila agak pi amini uŋun iyi yaŋ nandagit, ‘Amin tagino da pikon noldak, do niaŋ abeŋ? Amin kindā dakon oman monjini egek miŋtimni pudaŋ ibeŋ dakon tapmimno mini. Ae amin moneŋ do bisit yoyik do mayagi nandisat. <sup>4</sup>Do pi yopbeŋ bisapmon amin da but galagon da yaŋ naba yutnikon kiŋ kiŋ akeŋ do niaŋ abeŋ uŋun kilɪ uŋun nandisat.’

<sup>5</sup>Yaŋ nandaŋek amin kalon kalon amin taginikon goman awit uŋun yaŋ yoban apgwit. Mibiltok abiŋ altaŋit amin yaŋ iyigit, ‘Gak amin taginokon goman niaŋ da agil?’

<sup>6</sup>“Iyɪŋban yagit, ‘Olip pakbi tibiri madep 100 da arip.’

“Yaŋban yaŋ iyigit, ‘Gak tepmisi yiŋek on papia tam gomango mandabikon olip pakbi tibiri 50 yaŋ manda.’

<sup>7</sup>“Ae kindā abiŋ altaŋban yaŋ iyigit, ‘Gak gomango niaŋ da?’

“Iyɪŋban yagit, ‘Wit yiŋi 100 da arip.’

Yaŋ iyɪŋban yagit, ‘On gomango mandabi papia tamon wit yiŋi 80 yaŋ manda.’

<sup>8</sup>“Yaŋ aŋakwan amin tagini da yo agit uŋun kaŋban amin nandaŋ kokwini tagisi da aripmon agit, do yo kila agak pi amini yokwi uŋun do nandaban wukwan imgut. On miŋtim dakon amin kabi da nandaŋ kokwin tagisi aŋek notni gat yumaŋ gwayek pi aŋ. Uŋun teŋteŋi dakon amin kabi yapmaŋaŋ. <sup>9</sup>Nak da yaŋ dayisat, on miŋtim dakon moneŋ baŋ amin not aŋyomni. Yaŋ ani kaŋ, monenŋo mudoni bisapmon ji egip egip dagok dagogi mini da yutgwan tagisi wiŋini.

<sup>10</sup><sup>b</sup> “Amin kindā yo moniŋsisok kilani tagi asak kaŋ, uŋun amin da yo madep kilani tagi asak. Ae amin kindā yo moniŋsisok kilani yokwi asak kaŋ, uŋun amin yo madepyo kisi kilani yokwi asak. <sup>11</sup>Yaŋdo, ji on miŋtim dakon moneŋ kilani tagi dima ani kaŋ, namɪn da nandaŋ gadaŋ damaŋek yo tagisi bamisi daban kilani ani? <sup>12</sup>Ae ji amin dakon yo kabi kilani tagi dima ani kaŋ, namɪn da yo kabi disi do damjak?

<sup>13</sup><sup>c</sup> “Amin kindā da amin tagi bamori dakon oman aripmi dima asak. Yaŋ kaŋ, kindā naŋgin galak taŋ imiŋek kindā do nandaban yokwi taŋ

<sup>b</sup> 16.10 Lk 19.17-26    <sup>c</sup> 16.13 Mt 6.24

imdisak. Ae kinda dakon gen guramigek kinda manji imdisak. Ji Piŋkop gat ae monerj gat kisi dakon oman monjini aripmi dima egipmi.”

**Yesu da gen teban gat ae Piŋkop da Amin Kila Asak gat unun do yagit**

<sup>14</sup>Parisi amin monerj do galagisi nandanj, do Yesu da gen yagit unun nandanjek yanba yokwi tok anj imgwit. <sup>15</sup><sup>d</sup> Mani Yesu da yanj yoyigit, “Ji amin da amin kilegisi yanj dandani yanj do pi madep anj. Mani Piŋkop da butjigwan yo pasili tonj unun pindak mudosok. Amin da yo tagisi yanj yonj unun Piŋkop da dabilon yo wagil ijanisi.

<sup>16</sup><sup>e</sup> “Gen teban gat ae kombi amin dakon gen gat yanj terterjanba Jon da bisapmon wugit. Mani Jon da bisapmon da wasanjek Piŋkop dakon Amin Kila Agakni dakon Gen Bin Tagisi yanj terterjonj. Anakwa amin unjungwan pigik do pi tebaisi anj. <sup>17</sup><sup>f</sup> Miktim gat kundu gat tagi pasiljil. Mani gen teban dakon gen jimjimjok kinda aripmi dimasi pasildisak. Kisisi bami tanj mudokdanj.”

**Yesu da miŋat paŋkwinit dakon gen yagit**

*(Mt 5.31-32; 19.9; Mk 10.11-12)*

<sup>18</sup>Yesu da sanjbejek yanj yagit, “Amin kinda miŋatni kwiniŋk yipban kiŋakwan miŋat kaluk pasak kanj, unun amin yumabi asak. Ae amin kinda miŋat kinda kalip eni da kwiniŋkgit unun pasak kanj, unun amin kisi yumabi asak.”

**Yoni morapmi amin kinda gat Lasarus gat dakon gen**

<sup>19</sup>Yesu da sanjbejek yanj yagit, “Yoni morapmi amin kinda egipgut, unun bisapmi bisapmi ilikba pigikni kildani tonj tagisi ae imalni gami banj paŋek yoni aripmisi tanj imiŋakwa yaworisi egipgut. <sup>20-21</sup> Yanj egakwan unun da yut yoma kagakon yoni mini amin kinda mani Lasarus unudon pak egipgut. Lasarus yanj nandagit, yoni morapmi amin dakon jap tamokon da jap jimjim monj unun banj nokeŋ kanj tagisi yanj nandagit. Ae piŋan da abiŋ wudani asiwukgwit.

<sup>22</sup> “Yoni mini amin egek kimakban anjelo da abidanj anki yipba Abraham gat egipgumal. Egakwal yoni morapmi amin unun yo kisi kimakban wayikgwit. <sup>23</sup> Aba Tipdomon tepmi madepsi nandanjek egipgut. Egek siŋtanban wiŋwanek Abraham dubagisikon Lasarus gat kapmat kapmat yigakwal pindakgit. <sup>24</sup> Pindagek yanj tidanjek yanj iyigit, ‘Abraham dat, bupmi nandanj nam. Lasarus iyinbi unun da pakbi jimjimjok di kisirikon yopmanj paŋabiŋ melnokon yopban timisok di yawotjak. Nak on kindapmon egek tepmi madepsi nandisat!’

<sup>25</sup> “Mani Abraham da yanj yagit, ‘Monjino, gak kalip egipgul do nandaki. Gak kalip yo kabigo tagisi banjin paŋek egaki Lasarus unun yo

---

<sup>d</sup> 16.15 Mt 23.28; Lk 18.9-14   <sup>e</sup> 16.16 Mt 11.12-13   <sup>f</sup> 16.17 Mt 5.18

kabini yokwi banjin panjek egipgut. Mani abisok Lasarus on kokupmon butni yaworisi tajakwan gak da tepmi madepsi nandisal. <sup>26</sup>Ae unun gin dima. Nin da binapmon dangap dubagisi kinda tosok. Yanj tosok do idon ekwanj amin jikon aripmi dima kikigi, ae unudon ekwanj amin idon aripmi dima obopmi.’

<sup>27</sup>“Yanj yanban yoni morapmi amin da gen tebaisi yanj iyigit, ‘Yanj kanj, dat, nandanj naminek Lasarus iyinbi datno da yutnon kinj <sup>28</sup>padik padikno 5 kabi ekwanj unun nawa gen tebai yoyinban nandanjek on tepmi kokupmon dima apni.’

<sup>29</sup>“Mani Abraham da yanj yagit, ‘Moses gat ae kombi amin gat dakon gen do padik padikgo mirak yopmanjek tagi nandani.’

<sup>30</sup>“Yanjban yoni morapmi amin da yagit, ‘Abraham dat, unun aripmi dima. Mani amin kimakbi kinda da kinj altañ yomjak kanj, padik padikno da but tobil tagi ani.’

<sup>31</sup>“Yanjban Abraham da yanj iyigit, ‘Moses gat ae kombi amin gat dakon gen dima nandani kanj, amin kinda kimoron da pidanban kanjek nandanj gadat aripmi dima akdaj.’”

### **Anpak yokwi da nandanj gadat anupbal asak**

(Mt 18.6-7; 18.21-22; Mk 9.42)

**17** <sup>1</sup>Yesu da panjetni yanj yoyigit, “Yokwi mibili mibili da abinj amin pankewalba yokwi anjek manj mudokdaj. Mani unun yokwi ani do dayikdaj amin, awa! <sup>2</sup>Amin kinda da amin moninj kinda yokwi asak do yabetjak kanj, unun dakon kobogi yokwisi. Yabet dima anjakwan amin da wit misinj tip madep tegikon wamanj maba tap ilarigwan pitek kimotjak kanj unun da tagapmi. <sup>3</sup><sup>s</sup> Yanjo, ji disi do kila tagisi ani.

“Notgo kinda yokwi aban kanj, tebai iyinbi egip egipni anmilip asak. Ae but tobil aban kanj, yokwini yipmanj ibi. <sup>4</sup>Unun gildaron gin kosiri 7 kabi yokwi anj gaminek abinj ‘But tobil at’ yanj gayisak kanj, yokwini yipmanj iminj iminj abi.”

### **Nandanj gadat dakon gen**

<sup>5</sup>Yabekbi kabi da Amin Tagi yanj iyiwit, “Nandanj gadatnin anpap a.”

<sup>6</sup><sup>h</sup> Yanjba Amin Tagi da yoyigit, “Ji dakon nandanj gadatji unun mastat yet yombem moninjisok tanj damjak kanj, on kindap piligi tap kagagwan pigisak do iyinba genji tagi guramitjak.”

### **Oman monji dakon gen**

<sup>7</sup>Ae Yesu da sanbenjek yanj yagit, “Oman monjisi kinda pigaga da bo sipsip kila asagon da apban ‘Gak panjabinj yigek jap sot unun na’ yanj tagi iyini? Unun dimasi. <sup>8</sup>Amin tagi da oman monjini yanjsi iyisak, ‘Gak tagap tanjek jap sonj pilik nabi

<sup>s</sup> 17.3 Mt 18.15    <sup>h</sup> 17.6 Mt 17.20; 21.21

naŋ mudaŋapbo gak jap don noki.<sup>9</sup> Oman monji pini gin asak, do amin tagini da ya yaŋ aripmi dima iyigi. <sup>10</sup>Jiyo yaŋ gin, Piŋkop da oman morap ani do dayigit uŋun aŋ mudaŋek yaŋ gin yoni, ‘Nin oman monji do, isal pinin gin amaŋ.’”

### Yesu da amin wuda tebani toŋ 10 kabi paŋmilip agit

<sup>11</sup>Yesu uŋun Jerusalem kik do aŋek provins bamot Samaria ae Galili yo da kilapmikon da kigit. <sup>12</sup>Kiŋek kokup kindakon wigik do aŋakwan amin wuda tebani toŋ 10 kabi da dubagikon agek <sup>13</sup><sup>i</sup> gen papmon da yaŋ tidaŋek yaŋ iyiwit, “Yesu, Amin Tagi, bupmi nandaŋ nibi!”

<sup>14</sup>Yaŋba pindaŋek Yesu da yoyigit, “Ji kiŋ mukwa sogok amin giptimji yolini.” Yaŋ yoyiŋban kiŋakwa giptimni kilek tawit. <sup>15</sup>Kilek taŋakwa kinda da giptimno kilek tak yaŋ kaŋ tobi obinek Piŋkop gen papmon da aŋkisigit. <sup>16</sup>Aŋek Yesu da kandap mibilon gawak iminek ya yaŋ iyigit. Amin uŋun Samaria amin kinda.

<sup>17</sup>Yesu da uŋun amin kaŋek yaŋ yagit, “Amin 10 kabi kisi giptimni kilek taŋ, ma? Mani 9 kabi uŋun dukwan ekwaŋ? <sup>18</sup>Uŋun kisi tagi dima abiŋek Piŋkop aŋkisini? On amin miktim ŋwakiŋwarikon nani dagaŋ abik.” <sup>19</sup>Yaŋ yoyinek amin uŋun yaŋ iyigit, “Gak pidaŋek ki. Nandaŋ gadatgo do aŋek giptimgo kilek tak.”

### Piŋkop amin kila akdisak

(Mt 24.23-28; 24.37-41)

<sup>20</sup>Parisi amin da Yesu yaŋ iyiwit, “Ni bisapmon Piŋkop Amin Kila Agakni yipban apdisak?”

Yaŋba Yesu da yoyigit, “Piŋkop da Amin Kila Agakni yipban apban amin da dabilni da kaŋba pisosak dakon tilak altaŋba dima pindaŋdaŋ. <sup>21</sup>Bo amin da ‘Oni obik’, bo ae ‘Asoni obik’ yaŋ dima yokdaŋ. Nandani, Piŋkop dakon Amin Kila Agakni uŋun jikon kili abik.”

<sup>22</sup>Yaŋ yaŋek paŋdetni yaŋ yoyigit, “Ji don Amin Dakon Monji dakon bisap kinda kok do galagisi nandaŋdaŋ. Mani dima kokdaŋ. <sup>23-24</sup><sup>k</sup> Mal kwen binap teri teri kisi teŋteŋeŋ, yaŋ gin Amin Dakon Monji apdisak. Do amin da ‘Asoni egisak’ bo ‘Oni egisak’ yaŋ dayiŋba dima yolni. <sup>25</sup>Mani Amin Dakon Monji mibiltok tepmi madepsi paŋakwan abisok ekwaŋ amin da manji imdaŋ.

<sup>26</sup>“Noa da bisapmon amin egipgwit uŋudaŋ gin Amin Dakon Monji apjak bisapmon yaŋ gin aŋ egipdaŋ. <sup>27</sup>Jap pakbiyo madep aŋek miŋat pakpakyo kisi awit. Yaŋ aŋek egakwa Noa tap wakgakon wigigit. Wugakwan pakbi madepsi paptan wiŋek amin kisisi wiŋiŋban pasilgwit.

<sup>28</sup><sup>l</sup> “Lot da bisapmon yaŋ gin awit. Jap pakbiyo awit, ae yumaŋ gwayek awit, ae jap pi awit, ae yut kisi awit. <sup>29</sup>Mani Lot da Sodom kokup yipman degakwan uŋudon gin kindap gat ae salfa tip gat kundukon da sikak da yaŋ maŋek amin morap kisi paŋupbal aban pasilgwit.

<sup>i</sup> 17.13 MS 13.45-46    <sup>j</sup> 17.14 MS 14.2-3; Mt 8.3-4    <sup>k</sup> 17.23-24 Mk 13.21; Lk 21.8

<sup>l</sup> 17.28 WW 18.20; 19.25



<sup>30</sup>“Amin Dakon Monji abiŋ noman tosak bisap madepmon amin anpak yaŋ gin aŋ egakwa apdisak. <sup>31</sup><sup>m</sup> Uŋun bisapmon amin kinda yut kwenon egakwan yo kabini yutgwan toni kaŋ, yo kabini timit do yutnon dimasi pigisak. Ae pigaga egipjak aminyo kisi yaŋ gin yutnon yo kabini timit do dimasi tobil kisak. <sup>32</sup><sup>n</sup> Lot dakon miŋatnikon yo noman taŋ imgwit uŋun do nandani! <sup>33</sup><sup>o</sup> Amin kinda iyi dakon egip egip aŋkutnok do nandisak kaŋ, egip egipni pasil imdisak. Mani amin kinda egip egipni paretjak kaŋ, egip egipni kutnaŋban taŋ imdisak.

<sup>34</sup>“Nak yaŋsi dayisat, uŋun kalbi amin bamori dipmin pagakwal Piŋkop da kinda abidaŋek kinda yipdisak. <sup>35-36</sup> Miŋat bamori bret sok do plaua wasaŋakwal, kinda abidaŋek kinda yipdisak.”

<sup>37</sup>Paŋdetni da gen uŋun nandaŋek iyiwit, “Amin Tagi, uŋun yo morap dukon noman toni?”

Iyijba yaŋ yoyigit, “Amin kimakbi dakon bumjotni dukwan toŋ, siŋgiŋ uŋudon gin muwukgaŋ.”

#### Bisit dima yipneŋ do sakwabat kindakon abidaŋek tilak gen yagit

**18** <sup>1</sup><sup>p</sup> Yesu da bisapmi bisapmi bisit aŋek dima kurak toni do tilak gen kinda yaŋ yoyigit. <sup>2</sup>“Kokup madep kindakon gen kokwin kila agak amin madep kinda egipgut. Uŋun Piŋkop do dima pasalgit. Ae amin do nandaban yo isali aŋakwa egipgut. <sup>3</sup>Uŋun kokupmon sakwabat kinda egipgut. Uŋun miŋat bisapmi bisapmi gen kokwin kila agak amin madepmon abiŋ abiŋ aŋek yaŋ iyigit, ‘Uwalno gen pikon yipmaŋek nak aŋkutna.’

<sup>4</sup>“Bisap morapmi apban gen kokwin amin madep da aŋpulugok do kurak tagit. Mani don yaŋ nandagit, ‘Nak Piŋkop do dima pasoldot ae amin do nandako yo isali aŋ. <sup>5</sup>Mani miŋat uŋun bisapmi bisapmi jigi namisak, do yumsi aŋpulugokeŋ. Bisapmi bisapmi yaŋ gin apjak kaŋ, tagisi dima nandakdisat.’”

<sup>6</sup>Amin Tagi da saŋbenek yaŋ yagit, “Gen kokwin kila agak amin yokwi uŋun da gen yagit uŋun do nandani. <sup>7</sup>Ji niaŋ nandaŋ? Piŋkop da iyi do manjigit amin kabi gildari gildari ae pilini pilini iyi do yaŋ tidon, uŋun aripmi dima bo paŋpulugosak? Bo jomjom aŋegek tepmi dima paŋpulugosak? Uŋun dimasi! <sup>8</sup>Yaŋsi dayisat, bisit yaŋ ani kaŋ, tepmisi paŋpulugokdisak. Mani, Amin Dakon Monji miŋtimon apjak bisapmon amin nandaŋ gadatni toŋ pindatjak, bo dima?”

#### Amin kilegi kinda gat amin yokwi kinda gat dakon tilak gen

<sup>9</sup>Amin diwari iyi do amin kilegi yaŋ nandaŋek amin diwari do nandaba piwit. Yesu da uŋun amin do tilak gen kinda yaŋ yoyigit.

<sup>m</sup> 17.31 Mt 24.17-18    <sup>n</sup> 17.32 WW 19.17,26    <sup>o</sup> 17.33 Lk 9.24    <sup>p</sup> 18.1 Kol 4.2; 1Tes 5.17

10 “Amin bamori bisit ak do Telagi Yut Madepmon wigigimal. Kinda unjun Parisi amin, ae kinda unjun takis timit timit amin.

11 “Parisi amin unjun agek iyi burikon da bisit yanj agit, ‘Piņkop, amin yokwi diwari ekwanj nak unjuden amin dima, unjun do nak ya yanj gayisat. Kabo noknok, bo yokwi pakpak, bo yumabi agak amin, bo ae takis timit timit amin amon akdak, nak unjuden dima. 12<sup>q</sup> Nak Sonda kinda da butgwan bisap bamot gak do nandanej jap kelek egi egi asat. Ae yo morap timikdat unjun kokwinikgo 10 kabi anjakwa kabi kinda paret do yipmanj yipmanj asat.’

13<sup>r</sup> “Mani takis timit timit amin dubagikon agek but yokwi nandanej Kwen Kokup sintok do mayak tanej yanj yagit, ‘Piņkop, nak yokwi pakpak, do bupmi nandanej nabi!’ ”

14<sup>s</sup> Yesu da sanbejkej yanj yagit, “Nak yanjsi dayisat, amin kinda iyi do nandaban wugisak kanj, Piņkop da unjun amin abinj yipdisak. Anek iyi do nandaba panj amin unjun Piņkop da pawigikdisak. Do takis timit timit amin unjun yutnikon tobil kinjek Piņkop da dabilon diwarini mini egipgut. Mani Parisi amin unjun dima.”

### **Minjat monjiyo Yesukon yopba opni**

*(Mt 19.13-15; Mk 10.13-16)*

15 Amin da monji njaknjak Yesu da kisitni kwenikon wutjisak do panjopgwit. Unjun pindagek pandetni da kirinjik yomgwit. 16 Mani Yesu da minjat monjiyo iyikon apni do yoyinej pandetni yanj yoyigit, “Ji minjat monjiyo yopba nagon apgut. Dima kirinjik yomni. Piņkop da Amin Kila Asak unjun amin minjat monjiyo da tilagon ekwanj unjuden amin dakon. 17<sup>t</sup> Nak asisi dayisat, amin kinda amin moninj da Piņkop da Amin Kila Asak unjun abidonj unjun da tilak dima abidoni kanj, unjungwan aripmi dima pigikdanj.”

### **Kila amin kinda yoni morapmi Yesu gat gen yagimal**

*(Mt 19.16-30; Mk 10.17-31)*

18<sup>u</sup> Kila amin kinda da Yesu yanj iyigit, “Yoyinjet tagisi, nak nianjsi anek egip egip dagok dagogi mini abidoken?”

19 Yanban Yesu da yanj iyigit, “Gak nido nak do amin tagisi yanj nayisal? Piņkop kaloņi gin unjun amin tagisi. 20<sup>v</sup> Gen teban unjun gaga nandisal. ‘Minjat eyo kili abi ji yumabi dima ani. Amin dima dapba kimotni. Yo kabo dima noni. Top gen yanjek amin isal dogin gen pikon dima yopni. Mej dat do nandaba wukwanek geni guramitni.’ ”

21 Iyiban kila amin da yagit, “Nak moninjisogon da gen teban morap unjun kisi guramik anjanj opgum.”

<sup>q</sup> 18.12 Ais 58.1-4; Mt 23.23    <sup>r</sup> 18.13 Kap 51.1    <sup>s</sup> 18.14 Mt 23.12    <sup>t</sup> 18.17 Mt 18.3  
<sup>u</sup> 18.18 Lk 10.25    <sup>v</sup> 18.20 TP 20.12-16; GT 5.16-20

<sup>22</sup> Gen unjun yanban nandajek Yesu da yan iyigit, “Gak yo kalonjisi kindu gin dima asal. Yo morapgo kisi yuman nan mudajek, unjun dakon monenji yoni mini amin do yobi. Yan anjaki yogo tagisi Kwen Kokupmon tan gamdisak. Yan anjek abin nak nol.”

<sup>23</sup> Yan iyinban kila amin unjun yoni morapmisi do but yokwi madepsi nandagit. <sup>24</sup> Yesu da amin unjun kanjek yagit, “Yoni morapmi amin Pinjkop da Amin Kila Asak unjun da kagagwan pigik do antidok an. <sup>25</sup> Asisi, bit madepsi kamel unjun da imal bubup da kosit gwagagon aripmi dima pigigi asak. Mani unjun yapmanjek yoni morapmi amin unjun Pinjkop da Amin Kila Asak unjun da kagagwan aripmi dimasi pigigi asak.”

<sup>26</sup> Amin da gen unjun nandajek yawit, “Yan kan, namin da egip egip dagok dagogi mini abidosak?”

<sup>27</sup> Yanba Yesu da yagit, “Yo amin da aripmi dima agagi, unjun Pinjkop da aripmi tagi asak.”

<sup>28</sup> Yanban Pita da yagit, “Nin yo morapnin yopmanjek gak nan gol awilgaman.”

<sup>29</sup> Yanban Yesu da yoyigit, “Nak asisi dayisat, amin morap Pinjkop dakon Amin Kila Agakni dakon pi do nandajek yutni, bo minjatni, bo peni padik padikyo, bo menji datni, bo ae monji gwayoni yopman detjak kan, <sup>30</sup> on miktimon egipni bisapmon, Pinjkop da yo morapni yopman dekgwit unjun si yapmanjek morapmisi yoban timitdan. Ae bujon bisap madep noman tanban egip egip dagok dagogi mini abidokdan.”

### **Yesu da kimagek pidosak do yanban kosiri kapbi agit**

*(Mt 20.17-19; Mk 10.32-34)*

<sup>31</sup> w Yesu da yabekbini 12 kabi timik iyi banjin yan yoyigit, “Nandani. Nin Jerusalem kikkaman. Kinapno gen morap kalip kombi amin da Amin Dakon Monji do mandawit unjun kisisi bami ton akdan. <sup>32</sup> x Amin da Amin Inwaknwari Kabi da kisiron yipba jigilagon da abin yipdan, ae yokwi anjimejek ilip sul imdan. <sup>33</sup> Yan anjek nap nan baljanjek anakba kimotdisak. Mani gildat kapbi mudajakwa aeni kimoron da pidokdisak.”

<sup>34</sup> y Paqdetni gen unjun dakon mibili dima nandaba pisawit. Mibili pasili tagit, do gen unjun mibili nido yosok unjun dima nandaba pisagit.

### **Yesu da dabili mini amin kindu anmilip agit**

*(Mt 20.29-34; Mk 10.46-52)*

<sup>35</sup> Yesu Jeriko kokup pap kin ankapmat anjakwan dabili mini amin kindu da kosit ilejon yigek amin da monenji imni do bisit yoyigit. <sup>36</sup> Unjun amin nandaban amin morapmi obin yapman kinjakwa nandajek yan yoyigit, “Ji niban an?”

w 18.31 Lk 24.44 x 18.32 Lk 9.22,44 y 18.34 Mk 9.32

<sup>37</sup>Yanban iyiwit, “Yesu Nasaret amin da obigisak.”

<sup>38</sup>Iyınba yan tıdanej yan yagit, “Yesu, Dewit Dakon Monji, bupmi nandanj nam!”

<sup>39</sup>Amin mibiltok opgwit unun da kirıjık imınej tayanıok yıtjak do tebai iyiwit. Mani tebai sigin yan tıdanej yagit, “Dewit Dakon Monji, bupmi nandanj nam!”

<sup>40</sup>Yanban Yesu agek amin unun abıdanj anıopni do yoyıgit. Yoyınban kapmat anıapba Yesu da yan iyıgit, <sup>41</sup>“Nıanısi anıgabej do nandısal?”

Iyınban yagit, “Amin Tagı, nak sıntok do nandısat.”

<sup>42</sup>Yanban Yesu da iyıgit, “Dabilgo kilek tosak. Nandanj gadatgo da anımilip asak.” <sup>43</sup>Iyınban unudon gin dabilı kilek tanıban Yesu yolek Pınkop anıkisıgit. Yan aban mıjat amin morap kisi da kanıej Pınkop anıkisıwit.

### Yesu Sakıus da yutnon wıgıgit

**19** <sup>1</sup>Yesu unun Jeriko kokup pap wıgı yapmanıej kik do agıt. <sup>2</sup>Unun kokupmon amin kindı egıpgut manı Sakıus. Sakıus unun takısimıt amin dakon amin madıep kindı egıpgut. Unun yonı morapmi amin kindı egıpgut. <sup>3</sup>Yesu unun nıanen amin kindı yan kok do pi tebai agıt. Manı Sakıus unun amin pısipmi, ae amin morapmi da muwugek kosıt sogıwit, do Yesu kok do anıtidok agıt. <sup>4</sup>Anıtidok agıt do Sakıus unun timtim yanıej mıbilıtanı kın pik kindap kindakon wıgıgit. Yesu unun onanı abısak do tagı kokej yanıon da nandanıej wıgıgit.

<sup>5</sup>Wıgakwan Yesu unun pik kindap akıgıron abını kwen sıntanej Sakıus kanıej yan iyıgit, “Sakıus, gak tepmi pi. Nak abısoı gak da yutnon panıki yıtdeı dosı nandısat.”

<sup>6</sup>Yan yanıban Sakıus da tepmi pını but galak nandanıej Yesu abıdanıban yutnıkon wıgıgımal. <sup>7z</sup>Wıgakwal pındagek amin da yanıba yokwi tok anı imınej yan yawıt, “Unun yokwi pakpak amin kindı da yutnon wıgık.”

<sup>8a</sup>Yan yanıakwa Sakıus pıdanı agek Amin Tagı yan iyıgit, “Amin Tagı, nandıki. Nak abısoı yo kabı morapno kokwınık kabı bamorı anıakwa kabı kindı yonı mıni amin do yobeı. Ae amin kindı anıkewalek yo kabını dı timıkgım kanı, unun dakon kobogı do yo timıkgım unun do yo 4 kabı gat sanıbenıej yomını yomını abeı.”

<sup>9b</sup>Yanban Yesu da iyıgit, “On amin kisi unun Abraham dakon monıi kindı. Abısoı Pınkop da on yut amin kisi yokwıkon banı timık mudosok. <sup>10c</sup>Nıdo Amin Dakon Monıi unun amin pasılbi yokwıkon banı wıanıej tımıt do pıgit.”

### Oman monıi 10 kabı monıej timıkganı dakon tilak gen

(Mt 25.14-30)

<sup>11</sup>Gen unun yanıban nandanı egakwa Yesu tilak gen kindı yoyıgit. Yesu unun Jerusalem kılı kın anıkapmat agıt, ae amin da Pınkop da Amin Kıla

<sup>z</sup> 19.7 Mt 13.12; Lk 8.18    <sup>a</sup> 19.8 TP 22.1; IDT 5.6-7    <sup>b</sup> 19.9 Lk 13.16; Ya 16.31

<sup>c</sup> 19.10 Lk 15.4; Jn 3.17; 1Ti 1.15

Akdisak dakon bisap kili uŋun kwan tokdisak yan nandawit do <sup>12</sup>yan yoyigit, “Amin tagi kinda kila amin madep man paŋek tobil abiŋ don amin kabini kila asak do kokup dubagi kindakon kik do agit. <sup>13</sup>Amin uŋun kokup yip do aŋek oman monjini 10 kabi yan yoban apba gol moneŋ tabili kinda kalon kalon do yomiŋ yomiŋ agit. Yan aŋek yoyigit, ‘Ji moneŋ uŋun baŋ moneŋ ilit pi aŋakwa tobil apben bisapmon ujudon wigisak.’

<sup>14</sup>“Mani kokup isalni da nandaba yokwi tok aŋ imgwit. Yan nandawit do amin tagi uŋun kinjakwan kokup amin di yabekba kin yawit, ‘Nin uŋun amin da kila amin madepnin egipjak do dima galak toman.’

<sup>15</sup>“Mani kila amin madep man iba don tobil kokupnikon apgut. Kokupnikon abiŋek yan yagit, ‘Moneŋ kokwinik yomgum oman monji uŋun yan yoba apba moneŋ ilit pi aba nian da noman tawit uŋun do pindakgeŋ.’

<sup>16</sup>“Yanban kinda da mibiltok abiŋek yan yagit, ‘Amin tagi, nak gol moneŋ tabilgo uŋun nan moneŋ ilit pi abo tabili 10 kabi noman tawit.’

<sup>17</sup><sup>d</sup> “Yanban amin madep uŋun da iyigit, ‘Gak oman monji tagisi! Pi tagisi agil! Yo moniŋisok mani kilani tagisi agil, do kokup pap 10 kabi kilani abi do man madep gamisat.’

<sup>18</sup>“Ae oman monji uŋun da buŋon nani da abiŋ yan yagit, ‘Amin tagi, nak gol moneŋ tabilgo uŋun nan moneŋ ilit pi abo tabil 5 kabi noman tawit.’

<sup>19</sup>“Yanban amin tagini da yagit, ‘Kokup pap 5 kabi kila aki do man madep gamisat.’

<sup>20-21</sup>“Ae kinda da abiŋ yan yagit, ‘Amin tagi, gol moneŋ tabilgo oni. Gak teban teban amin kinda yan gandsat. Yo amin da yopmanŋan uŋun gak da sigo timikdal. Ae jap amin da kwaokgan uŋun yo kisi sigo pasal. Yan asal do pasalek imal diwatjok kindakon waman yipbo tagit.’

<sup>22</sup>“Yanban amin tagi da oman monji uŋun yan iyigit, ‘Gak oman monji wagil yokwisi! Gaga gen yosol uŋun dogin gen pikon gepben. Nak teban teban amin kinda ae amin da yo yopmanŋan timikdat, ae jap amin da kwaokgan uŋun pilikdat yan nandan namisal. <sup>23</sup>Gak mibili nido moneŋno beŋon dima yopgul? Beŋon yopgul tam beŋ da diwari sanben naminakwan abiŋ uŋun kisi timikgom?’ <sup>24</sup>Yan iyinek amin kapmatjok akgwit uŋun yan yoyigit, ‘Gol moneŋ tabil uŋun gwayen amin moneŋ tabilni 10 kabi tan iman uŋun do imni.’

<sup>25</sup>“Yan yanban iyiwit, ‘Amin tagi, uŋun amin moneŋ tabilni 10 kabi kili timak!’

<sup>26</sup><sup>e</sup> “Yanba yan yagit, ‘Nandani. Amin morap yoni tan yoman uŋun sanbenek morapmi yomdisat. Mani amin kinda yoni mini kan, yo kalongok di tan iman uŋun gwayekdisat. <sup>27</sup>Mani uwalno nak da kila

<sup>d</sup> 19.17 Lk 16.10    <sup>e</sup> 19.26 Mt 13.12; Lk 8.18

amin madepni dima egi yoberj do nandawit, unjun timik idon panjabin dabilnokon dapba kimotni.’ ”

<sup>28</sup> Yesu tilak gen unjun yan mudanejek aeni Jerusalem wigik do kosit wasagit.

### **Yesu Jerusalem kinj altanejek Telagi Yut Madepmon amin yoyinj dekgit**

*(Kilapmi 19.29–21.38)*

#### **Yesu Jerusalem kokup papmon pigigit**

*(Mt 21.1-11; Mk 11.1-11; Jn 12.12-19)*

<sup>29</sup> Yesu kinj Betpage ae Betani panjkapmat agit. Unjun kokup bamot flej Olipmon tomal. Unjudon da panjetni bamori yabegek yan yoyigit, <sup>30</sup> “Jil ason kokup tosok unjudon kinjil. Unjudon kinj kanbal donki bilagi kinda amin da kwenikon dima yikbi unjun napmon anjeban abi da akban konjil. Napmi witdalek anojpil. <sup>31</sup> Amin kinda da ‘Donki nido witdalgamal?’ yan dayinban kan, yan ijinjil, ‘Amin Tagi da pisok kinda ak do anjek yosok.’ ”

<sup>32</sup> Amin bamot yabekban kinj pindakbal gen yoyigit da aripmon yan gin noman tawit. <sup>33</sup> Aba donki bilagi unjun witdalakwal donki unjun dakon ami da yan yoyiwit, “Donki bilagi unjun nido witdalgamal?”

<sup>34</sup> Yanba yoyigimal, “Amin Tagi da pisok kinda ak do anjek yosok.”

<sup>35</sup> Amin bamot donki bilagi unjun anjonejek ilikba pigik dubakni donki kwenon yopmanjek Yesu yipba unjun kwenon yikgit. <sup>36</sup> Donkikon yigek kinjakwan amin da ilikba pigik dubakni kosiron yalinj anjan kiwit. <sup>37</sup> Anjakwa Yesu abinj flej Olip dakon kosit obandom nan pukwan unjun anjkapmat anjakwan panjet kabini madepsi da wasok tapmimi ton morap aban pindakgwit unjun do nandanejek kisik kisik madepsi awit. Yan anjek madepsi yan tidanejek Pinjkop anjisiwit. <sup>38f</sup> Yan tidanejek yan yawit:

“Kila Amin Madep on Amin Tagi da manon abisak, unjun Pinjkop da gisamigakwan abisak.

Kwen Kokupmon but yawot tosak. Pinjkop Wikwisi anjisinino!”

<sup>39</sup> Yanjakwa amin madep unjun da bikbigon Parisi amin di akgwit unjun da Yesu yan iyiwit, “Yoyinjdet, panjetgoni kiringik yom.”

<sup>40</sup> Iyinja yan yoyigit, “Nandani. Gen kagani sopni kan, tip da iyi yan tidokdanj.”

#### **Yesu Jerusalem do kunam takgit**

<sup>41</sup> Yesu Jerusalem anjkapmat anjek kokup pap unjun kanjek kunam tagek <sup>42</sup> yan yagit, “Gak abisok but yawot dakon kosit kosol tam tagisi, mani unjun

<sup>f</sup> 19.38 Kap 118.26; Lk 2.14

pasili tarjakwan dabilgo da aripmi dima kokdisal. <sup>43</sup>Nandaki. Don bisap kinda noman tokdisak. Uñun bisapmon uwalgo da gak angwasiñek miktim panjabin dam madepgokon yopba tugan wigikdan. Anjakwa teri teri da abin pandagat akdan. <sup>44s</sup> Añek gak gat ae miñat amin gak da dam madepgwan ekwan uñun kisi wagilsu tuwil panjasik akdan. Tuwilba tip notni da kwenon dima tan tan akdan. Nido Pinjop gagon kili abik, mani butgo dima pisak.”

**Yesu da amin Telagi Yut Madepmon moneñ ilit pi awit uñun yolgit**  
(Mt 21.12-17; Mk 11.15-19; Jn 2.13-22)

<sup>45</sup>Yesu Telagi Yut Madep da nagalon pigi amin moneñ ilit pi awit uñun wasañek yolakwan abigiwit. <sup>46h</sup> Añek yan yoyigit, “Pinjop da papiakon gen yan toso:

‘Nak dakon yut uñun amin da abin bisit annamni do toso.’

Mani ji da kulabik aba

‘kabo noknok dakon pasili tamo yombem asak.’”

<sup>47i</sup> Gildari gildari Telagi Yut Madepmon amin yoyin dekgit. Anjakwan mukwa sogok amin dakon amin madep gat, ae gen teban yoyindet amin gat, ae amin dakon kila amin gat da Yesu nian añek anjatno kimotjak yan do kosit wisiwit. <sup>48</sup>Mani miñat amin morapyo da geni nandak do galagi madepsi nandawit, do anjakba kimotjak dakon kosit kinda dima kawit.

**Yesu namin da man madep imgut**  
(Mt 21.23-27; Mk 11.27-33)

**20** <sup>1</sup>Bisap kindakon Yesu da amin Telagi Yut Madep da nagalgwan yoyindet añek Gen Bin Tagisi yoyin tenjenagit. Anjakwan mukwa sogok amin dakon amin madep kabi gat, ae gen teban yoyindet amin gat, ae kila amin gat kisi da Yesukon abin <sup>2</sup>yan iyiwit, “Namin da pi uñun abi do yan mudan gamgut da yo uñun asal? Ae namin da man madep gamgut?”

<sup>3</sup>Yanba Yesu da yan yoyigit, “Nakyo kisi gen kinda dayiko kobogi nayini. <sup>4</sup>Jon telagi pakbi sogit bisapmon, pi agit uñun Kwen Kokup dakon pi, bo amin dakon pi nan agit?”

<sup>5</sup>Yanban iyi gin notni yoyin yoyin añek yawit, “‘Kwen Kokup dakon pi’ yan iyineñ kan, gen kobogi yan niyikdisak, ‘Yan kan ji nido dima nandan gadan imgwit?’ <sup>6</sup>Mani amin morapmi da Jon do kombi amin bamisi kinda yan nandan, do ‘Amin dakon pi’ yan iyineñ kan, uñun kisi tagi dima asak. Yan kan Jon dakon man bin anjupbal ano miñat amin kabi madep da tip ban nindapdan.” <sup>7</sup>Yan nandaneñ Yesu do gen kobogi yan iyiwit, “Nin dima nandamañ.”

<sup>8</sup>Yanba Yesu da yoyigit, “Nakyo kisi namin da yan mudan namgut da pi asat uñun dima dayikeñ.”

s 19.44 Lk 21.6 h 19.46 Ais 56.7; Jer 7.11 i 19.47 Lk 21.37

**Wain pi kila amin yokwi dakon tilak gen**  
(Mt 21.33-46; Mk 12.1-12)

<sup>9j</sup> Yesu da sañbejek tilak gen kinda yañ yoyigit, “Amin kinda da wain pini aņek amin da moneņ pini di aņek pi ami do bami di paņ imni yaņ nandaņek pi uņun da kisiron yipmaņek miķtim timi diġwan bisap dubagi egip do kigit. <sup>10</sup> Kiņ egi don wain sop pakpak bisap kwan tanakwan oman monji kinda yabekban wain bami timik paņopjak do kigit. Mani pi kila awit amin da oman monji obisi aņagek bami di dima imiņek yolba kigit. <sup>11</sup> Yaņ aba pi ami da aeni oman monji kinda yabekgit. Mani uņun pi monji kisi obisi aņagek yo yokwisi aņ imiņek bami di dima imiņek yipba kigit. <sup>12</sup> Yaņ aba kinda gat yabekban kwan madepsi aņagek maba wain pi da wanga pigigit.

<sup>13</sup> “Yaņ aba wain pi dakon ami da yaņ yaġit, ‘Nak niaņsi abeņ? Nak monjino but dasi galak taņ imisat uņun naņ yabekgo kwan nandaba wukwan imni bo.’

<sup>14</sup> “Mani pi kila amin da monji kaņek notni yoyiņ yoyiņ aņek yaņ yawit, ‘Amin on da egi don datni dakon yo morap timitdisak, do amin on aņagek wain pini nin do aņawatneņ.’ <sup>15</sup> Yaņ yaņek monji uņun abidaņ maba wanga pigakwan aņakba kimakgit.

“Ji niaņ nandaņ? Don pi dakon ami da abiņ pi kila amin niaņsi aņyomdisak? <sup>16</sup> Pi ami da abiņ uņun pi kila amin dapban kimotdaņ. Dapban kimagakwa wain pi uņun amin ņwakņwari da kisiron yipdisak.”

Yaņban nandaņek amin da yaņ yawit, “Uņun dimasi agagi!”

<sup>17</sup> Yaņba Yesu da amin pindagek yoyigit, “Yaņ kaņ Piņkop da papiakon gen kinda tosok uņun dakon mibili niaņ? Gen uņun yaņ:

‘Yut agak amin da gwak yokwi yaņ yaņek maba kigit, uņun gwak yut kodigikon tip kinda naņ tidawit da akdak.’

<sup>18k</sup> Amin morap gwak kwenon da maņ dapba bisal kiķdaņ, ae gwak da amin morap da kwenon mosak uņun wagil bisal ki mudokdaņ.”

<sup>19</sup> Yesu da tilak gen uņun yaņban gen teban yoyiņdet amin gat ae mukwa sogok amin dakon amin madep kabi gat da nin pabiņ nip do aņek yosok yaņ nandawit. Yaņ nandaņek Yesu uņudon gin abidokdosi nandawit, mani miņat amin kabi madep uņun do si pasalgwit.

**Rom dakon kila amin madep Sisa do moneņ im do bo dima?**  
(Mt 22.15-22; Mk 12.13-17)

<sup>20l</sup> Mukwa sogok amin dakon mibiltok amin gat ae gen teban yoyiņdet amin gat da Yesu aņman ak do pi madep awit. Yaņ aņek amin di yabekba abiņ Yesu aņman awit. Uņun amin topmon da Yesu dakon gen nandaņ

---

j 20.9 Ais 5.1    k 20.18 Ais 8.14-15    l 20.20 Lk 11.54



galak tawit. Suŋ kinda yaŋban abidaŋ gapman dakon mibiltok amin madepmon yipno gen pikon yipjak yaŋ do aŋkewal do awit. <sup>21</sup> Aŋek Yesu yaŋ iyiwit, “Yoyiŋdet, gen yosol ae yoyiŋdet asal uŋun kilegisi asal yaŋ nandaŋ gadamaŋ. Amin mani toŋ ae mani mini uŋun kisi gen bamisikon da Piŋkop dakon aŋpak yoyiŋ dekdal. <sup>22</sup> Do, niaŋ nandisal, Sisa do takis imno tagi asak, bo diŋma?”

<sup>23</sup> Yaŋba Yesu da niaŋon da aŋkewal do awit uŋun pindak mudarek yaŋ yoyigit, <sup>24</sup> “Moneŋ tabili kinda noliŋba koko. On wup gat ae man mandabi gat uŋun namin dakon?”

Yaŋban iyiwit, “Sisa dakon.” <sup>25</sup> Yaŋba Yesu da yoyigit, “Yo Sisa dakon uŋun Sisa iyi do imdo, ae yo Piŋkop dakon uŋun Piŋkop iyi do imdo.”

<sup>26</sup> Yaŋban miŋat amin morapyo da dabilon Yesu aŋkewalno suŋ kinda yaŋban abidoneŋ yaŋ dakon kosit kinda diŋma kawit. Geni kobogi yoyigit do nandaba ŋwakŋwarisi aban tayangok akgwit.

#### Amin kimakbi da pidoni do Yesu iyiwit

*(Mt 22.23-33; Mk 12.18-27)*

<sup>27</sup> Sadyusi amin kabi di Yesukon apgwit. (Sadyusi amin uŋun amin kimakbi aripmi diŋma pidoni yaŋ nandaŋ.) <sup>28</sup> <sup>m</sup> Uŋun da Yesu yaŋ iyiwit, “Yoyiŋdet, Moses da gen kinda yaŋ mandagit: Amin kinda monji mini da kimotjak kaŋ, sakwabatni padige da paban monji paŋalanjil. Yaŋ aban peni diwatni toŋ da egipni.

<sup>29</sup> “Kalip peni padigeŋyo 7 kabi egipgwit. Peni mibiltok amin miŋat paŋek monji mini da kimakgit. <sup>30</sup> Yaŋ aban uŋun da buŋon nani da kwabatni uŋun paŋek monji mini da kimakgit. <sup>31</sup> Kimagakwan ae kinda da pagit. Peni padigeŋyo 7 kabi kisi da paŋek monji mini egek kimakgwit. <sup>32</sup> Ae don miŋat uŋun kisi kimakgit. <sup>33</sup> Wili 7 kabi kisi da pawit, do pidot pidot bisap madepmon namin dakon miŋatni asak?”

<sup>34</sup> Yaŋba Yesu da kobogi yaŋ yoyigit, “Amin miktimon ekwaŋ uŋun miŋat eyo aŋek ekwaŋ. <sup>35</sup> Mani amin kimoron da pidaŋek egip egipmon tagi egipni do kokwinikbi kabi uŋun bisapmon miŋat eyo diŋma akdaŋ. <sup>36</sup> Uŋun aŋelo da yaŋ egipdaŋ, do ae kinda gat aripmi diŋma kimotni. Uŋun kimoron da pidokdaŋ, do Piŋkop dakon miŋat monjiyo egipdaŋ.

<sup>37</sup> <sup>n</sup> “Moses da kindap wal moniŋgok sogit uŋun do gen mandagit uŋun manjiŋek asisi nandamaŋ, amin kimoron da pidokdaŋ. Moses da Amin Tagi do yaŋ yagit,

‘Uŋun Abraham, Aisak, ae Jekop dakon Piŋkop.’ <sup>38</sup> Piŋkop da amin kisi morap pindakban egip egipmi toŋ ekwaŋ, do Piŋkop uŋun amin kimakbi dakon Piŋkop diŋma, uŋun amin egip egipmi toŋ dakon Piŋkop.”

<sup>39</sup>Yañban gen teban yoyiñdet amin diwari da nandañek iyiwit, “Yoyiñdet, gen tagisi yosol.” <sup>40</sup>Amin da Yesu gen kinda gat sañberjek iyik do pasalgwit.

**Yesu da iyi dakon mibili do pañkewalgit**

*(Mt 22.41-46; Mk 12.35-37)*

<sup>41</sup>Mani Yesu da yañ yoyigit, “Amin mibili nido Kristo uñun Dewit dakon monji yañ yonj? <sup>42</sup>° Dewit da iyi Kap Papiakon gen yañ mandagit: ‘Amin Tagi da nak dakon Amin Tagino yañ iyigit, “Gak abin nak da aminsi tet do yikbi <sup>43</sup>don uwalgo kandap mibilgogwan yopbo gengo guramitdañ.”’

<sup>44</sup>Dewit da Kristo uñun Amin Tagino yañ iyigit. Do niañon da Kristo uñun Dewit dakon monji egisak?”

**Gen teban yoyiñdet amin uñun añañkni yokwi**

*(Mt 23.1-36; Mk 12.38-40; Lk 11.37-54)*

<sup>45</sup>Amin kisisi mirak pañ egakwa Yesu da pañdetni yañ yoyigit, <sup>46</sup>“Ji gen teban yoyiñdet amin do pindak kimotni. Uñun imal dubagi bañ pañek agip do galak toñ. Ae yumañ gwayek tamokon amin da gildat tagi yañ yoyini do galagi nandañ. Ae muwut muwut yutnon tamo tagisikon yit do galak toñ. Ae jap noknok bisap madepmon tamo amin mani toñ do tilak abi uñudon yit do galak toñ. <sup>47</sup>Uñun amin sakwabat pañkewalek yutni timikgañ. Ae amin da pindatni yañ do bisit dubagisi añ. Uñuden amin gen kokwin bisap madepmon kobogi do yo jigisi pakdañ.”

**Yoni mini miñat kinda da Piñkop do paret agit**

*(Mk 12.41-44)*

**21** <sup>1</sup>Yesu pindak egakwan yoni morapmi amin Telagi Yut Madep dakon paret idapmon paretni yopgwit. <sup>2</sup>Ae kañakwan sakwabat kinda uñun yoni mini, uñun da moneñ gimanjok bamori paret idapmon yopgut. <sup>3P</sup> Aban Yesu da yagit, “Asisi dayisat, sakwabat yoni mini on da amin morap da paret yopmañ uñun yapmañek moneñ madepsi yopmañdak. <sup>4</sup>Amin morap uñun moneñni morapmi tañ yomañakwa diwari gin paret idapmon yopmañ. Mani on miñat wadak wadaksi añek moneñni kisi yopmañdak. Kili jap yumañ nosak moneñni di dima tañ imañ.”

**Yesu da Telagi Yut Madep tuwilni do yagit**

*(Mt 24.1-2; Mk 13.1-2)*

<sup>5</sup>Pañdetni diwari da Telagi Yut Madep kañek yawit, “Amin da tip kildani toñ tagisi gat, ae yo diwari yo kildani tagisi Piñkop do paret awit uñun bañ añañlim awit.”

° 20.42-43 Kap 110.1 P 21.3 2Ko 8.12

Yañba Yesu da yagit, <sup>6q</sup> “Yo on pindakgañ uñun bisap kinda apdisak uñun bisapmon uñun dakon tip notni kwenon dima tañ tañ akdañ. Tuwilba kisisi mañ mudokdañ.”

**Yesu da jigi morapmi altokdañ do yagit**

*(Mt 24.3-14; Mk 13.3-13)*

<sup>7</sup>Yañban yañ iyiwit, “Yoyiñdet, yo uñun ni bisapmonsia altokdañ? Ni tilak da mibiltok altañakwan kañek yo kili uñun altokdañ yañ nandaney?”

<sup>8</sup>Yañba yañ yoyigit, “Amin da pañkewalni do kañ kimotni. Amin morapmi da nak da manon abiñek ‘Nak uñun amin’, ae ‘Bisap madep kili kwan tosok’ yañ yokdañ. Mani uñun amin dima yolni. <sup>9</sup>Amin morapmi emat añ, bo gapman gat emat añ, uñun dakon geni apba nandañ kañ dima pasolni. Yo uñun da mibiltok altokdañ. Mani mibi bisap madep uñudon gin dima altokdisak.”

<sup>10</sup>Sigin sañbeñek yañ yoyigit, “Miktim kinda dakon amin da pidañba miktim kinda dakon amin gat emat wamdañ. Ae kila amin madep kinda dakon amin da pidañba kila amin madep kinda dakon amin gat emat wamdañ. <sup>11</sup>Wudip madepsi akdañ, ae miktim dikon amin da jap do madepsi añek amin diwari da kimotdañ, ae amin morapmisi sot akdañ. Ae kundukon tilak masi masimi mibili mibili altañakwa pindagek pasal nimmimikyo akdañ.

<sup>12</sup>“Mani uñun yo morap dima noman tañakwa amin da ji timik yo yokwisi añdamdañ. Yañ añek Juda amin da muwut muwut yutnon gen yañ damiñek dam tebanon depdañ. Ae nak dakon man abiñ yip do añek ji timik pañki depba kila amin madep gat ae gapman dakon mibiltok amin gat da iñamon atdañ. <sup>13</sup>Uñun bisapmon Gen Bin Tagisi yoyiñ teñteñoni dakon bikbik pisañ damdisak. <sup>14-15</sup> Nak da naga gen dulumji pañtagap añek nandak nandak tagisi damdisat. Dabo amin gen yañ damni uñun da gen yoni uñun aripmi dima pabiñ depni. Do ji disi kutnok do añek ni gen bañ pañtobil yomneñ yañ do nandaba kik dima ani. <sup>16</sup> Menji datji, ae padik padikji, ae yawi diwatji, ae notji uñunyo kisi da ji uwal da kisiron depba ji kabikon di si dikba kimotdañ. <sup>17</sup>Nak dakon man jikon tosok do añek amin kisi da nandaba yokwi tok madepsi añdamdañ. <sup>18</sup>Mani busuñ dañgwanji kinda aripmi dima tasik tokdisak. <sup>19</sup>Ji tebai agek egip egip bamisi abidoni.”

**Yesu da Jerusalem yokwi tosak do yagit**

*(Mt 24.15-21; Mk 13.14-19)*

<sup>20</sup>Yesu da sañbeñek yañ yagit, “Ji pindakba emat amin da abiñ Jerusalem añgwasinek akba kañ, yañ nandani, kokup pap wagil tasik tosak dakon bisap

<sup>q</sup> 21.6 Lk 19.44    <sup>r</sup> 21.14-15 Lk 12.11-12; Ya 6.10    <sup>s</sup> 21.16 Mt 10.21-22

kili unjun abisak. <sup>21</sup> Unjun bisapmon amin Judia miktimon egipni unjun pasal kabapgwang tepmisi wugini. Amin Jerusalem egipni unjun wiŋ wanga kini. Ae amin kokup pap da wanga egipni ae tobil kokup papgwang dima pigini. <sup>22</sup> <sup>t</sup> Unjun bisap unjun Piŋkop da amin do kobogi yokwisi yomdisak dakon bisap. Yaŋ aban gen mandabi unjun kisi bami toŋ akdaŋ. <sup>23</sup> Unjun bisapmon jigi madepsi Juda miktimon noman taŋakwan Piŋkop dakon butjap amin da kwenon mokdisak. Do miŋat monji kwapni toŋ, ae miŋat monji mum noŋ unjun bupmisi. <sup>24</sup> <sup>u</sup> Uwal da abiŋ amin diwari emat agak sibabaŋ dapba kimotdaŋ. Ae diwari miktimi miktimi paŋki yopba oman amini do egipdaŋ. Aŋakwa Amin ŋwakŋwari Kabi da Jerusalem bamaŋ iktagildaŋ. Unjun amin da Jerusalem kilani aŋakwa Piŋkop da bisap yipgut unjun mudosak.”

### **Amin Dakon Monji apdisak**

*(Mt 24.29-31; Mk 13.24-27)*

<sup>25</sup> <sup>v</sup> Yesu da saŋbeŋek yaŋ yaŋgit, “Unjun bisapmon tilak mibili mibili gildat dabilon, ae kanegon, ae giŋon noman tokdaŋ. Aŋakwa miktimon miŋat amin kabi morapmi nandaŋakwa tap da madepsi tamaligakwan pasol pasol madepsi aŋek butni tagi dima tokdisak. <sup>26</sup> Kwen kundukon yo tebai toŋ unjun da kwakwalitdaŋ, do amin morapmi da jigi morap miktimon noman tokdisak do nandaba kik aŋek pasol pasol madepsi aŋek iŋam kimot akdaŋ. <sup>27</sup> <sup>w</sup> Unjun bisapmon kaŋakwa Amin Dakon Monji gikwemon da tapmimni gat tilim madepni gat apdisak. <sup>28</sup> Yo morap unjun wasaŋek altoni bisapmon Piŋkop da ji timitjak dakon bisap kili unjun kwaŋ tosok, do ji pidaŋ aŋek busunji kwen gwaŋ pidaŋ mudoni.”

### **Pik kindap kaŋek butji piosak**

*(Mt 24.32-35; Mk 13.28-31)*

<sup>29</sup> Yesu da tilak gen kinda yoyiŋek yaŋ yaŋgit, “Ji pik kindap ae kindap morap kisi do pindatni. <sup>30</sup> Tami kaluk apmenon yopmaŋakwa pindagak gildat bisap kili unjun abisak yaŋ nandaŋ. <sup>31</sup> Unjudeŋ giŋ yo morap dayit unjun da altaŋakwa Piŋkop da Amin Kila Akdisak dakon bisap kili kwaŋ tosok yaŋsi nandani.

<sup>32</sup> “Nak asisi dayisat, amin unjun bisapmon nani dima kimagakwa yo morap unjun kisi altaŋ mudokdaŋ. <sup>33</sup> Kundu gat miktim gat pasildamal, mani nak dakon gen unjun dimasi pasildisak.”

### **Paŋdetni kaŋ kimotni do yoyigit**

<sup>34</sup> Yesu da saŋbeŋek yaŋ yaŋgit, “Ji kaŋ kimotni. Bisap morapmi pakbi teban naŋek but upbal di abam. Ae on miktim dakon yo do nandaba kik

---

<sup>t</sup> 21.22 Jer 5.29; 46.10; Os 9.7    <sup>u</sup> 21.24 Kap 79.1; PA 11.2    <sup>v</sup> 21.25 Ais 13.10; Esi 32.7; Jol 2.31; PA 6.12-13    <sup>w</sup> 21.27 Dan 7.13; Mt 26.64; PA 1.7

di abam. Uņuden da ji pabiņ depjak kaņ, uņun bisap madep da but piso mini paron yaņ depban yokwaldañ. <sup>35</sup> Miņat amin morapyo miktimi miktimi ekwaņ uņun bisap madep altaņban kokdaņ. <sup>36</sup> Bisapmi bisapmi kalugisi egek Piņkop da tapmim daban yo morap uņun altokdaņ uņun tagi yapni, ae Amin Dakon Monji da iņamon tagi atni yaņ do bisit pi ani.”

<sup>37</sup> Gildari gildari Yesu da amin Telagi Yut Madep da nagalgwan yoyiņ dekgit. Aņek kalbi fleņ Olipmon yut kindakon paņki pak pak agit.

<sup>38</sup> Aņakwan amin kisi da wisa dagokdosi pidaņ Telagi Yut Madepmon geni nandak do kiņ awit.

### **Yesu tepmi paņek kimakgit da aeni pidagit**

*(Kilapmi 22–24)*

#### **Judas da Yesu kila amin da kisiron yip do yağit**

*(Mt 26.1-5; 26.14-16; Mk 14.1-2; 14.10-11; Jn 11.45-53)*

**22** <sup>1</sup> Bret Yisni Mini dakon bisap madep uņun kwaņ tagit. Uņun bisap do Yapyap Bilak yaņ yoņ. <sup>2</sup> Aņakwan mukwa sogok amin dakon amin madep kabi gat, ae gen teban yoyiņdet amin gat da miņat amin kabi madep uņun do pasalgwit, do Yesu niaņon da abidaņek aņatno kimotjak uņun do nandak nandak awit. <sup>3</sup> <sup>x</sup> Aņakwa Sunduk Judas da buron piğigit. (Mani kinda Iskariot yaņ iyiwit. Uņun paņdetni 12 kabikon nani kinda.) <sup>4</sup> Judas kwan mukwa sogok amin dakon amin madep kabi gat, ae Telagi Yut Madep dakon obip amin uņun dakon mibiltok amin gat gen yawit. Niaņon da Yesu kisitnikon yipjak yaņ do yaņ nandat awit. <sup>5</sup> Aņek but galak nandaņek moneņ di tagi gamneņ yaņ iyiwit. <sup>6</sup> Judas gen iyiwit uņun nandaban tagi aņakwan Yesu abidaņ kisitnikon yip do kosit wusik agit. Bisap kindakon Yesu amin morapmi gat dima egakwa uņudon uwal da kisiron yipbeņ yaņ do jomjom agit.

#### **Paņdetni bamori jap paņkosit ađimal**

*(Mt 26.17-25; Mk 14.12-21; Jn 13.21-30)*

<sup>7</sup> Uņun bisapmon Bret Yisni Mini dakon bilak bisap madep noman tagit. Uņun bisapmon Yapyap Bilak do sipsip bulagi baņ dapmaņgaņ. <sup>8</sup> Do Yesu da Pita gat Jon gat yabegek yaņ yoyiğit, “Jil kiņ Yapyap Bilak uņun dakon jap paņkosit abal noneņ.”

<sup>9</sup> Yaņban iyigimal, “Kiņ dukwan paņkosit andeņ do nandisal?”

<sup>10</sup> Yaņbal yaņ yoyiğit, “Jil kiņ kokup papmon piğakwal amin kinda pakbi kwoba kinda guramik apban jil gat domdom akdaņ. Uņun amin da

<sup>x</sup> 22.3 Jn 13.2,27    <sup>y</sup> 22.7 TP 12.1-27

yut wigisagon jil unudon yol anaj wiginjil. <sup>11</sup>Wigi yut unun dakon ami yan iyinjil, ‘Yoyinet da yan yosok, “Nak gat panjetnoni gat da Yapyap Bilak dakon jap nonej dakon yut buri dukwan tosok?”’ <sup>12</sup>Yan iyinbal yut buri madep kwen nani do dolikdisak. Unudon jap noknok tamo gat ae amin yityit tamo gat kisi tonj. Unudon jap panjosit anjil.” <sup>13</sup>Yesu da gen yoyigit da arimon yan gin pindakgimal. Yan pindagek Yapyap Bilak dakon jap panjosit agimal.

**Yesu gat yabekbi kabini gat da mibi jap nawit**  
(Mt 26.26-30; Mk 14.22-26; 1Ko 11.23-25)

<sup>14</sup>Jap noknok bisap anjakwan Yesu jap noknok tamokon yabekbi kabini gat kisi yikgwit. <sup>15</sup>Yigek yan yoyigit, “Nak tepmi dima panjek ji gat on Yapyap Bilak dakon jap nonej unun do tagisi kili nandagim da sigin nandaj egisat. <sup>16</sup>Nak yan dayisat, jap on ae dima nokej. Yan anapbo wigi on jap dakon mibilisi Pinjop da Amin Kila Asak kagagwan bami don noman tokdisak.” <sup>17-18</sup>Yan yanek wain kinam abidajek Pinjop ya yan iyinek yagit, “Nak yan dayisat, nak wain ae dima nanek egi wigi Pinjop da Amin Kila Asagon don nokej. Do abidajek disi kokwin anek noni.”

<sup>19</sup>Ae bret abidajek Pinjop ya yan iyinek bret unun pandagan yominek yan yagit, “On nak dakon giptim timno ji do parekdat. On nanek nak do nandajek egipni.” <sup>20</sup>Najakwa ae wain kinam abidajek yan yagit, “Wain kinam on nak da ji gat sanbek sanbek kalugi asat unun dakon tilak. Nak yawino nanj ji do tagaldat. <sup>21</sup><sup>z</sup> Mani uwal da kisiron nepjak amin nak gat kisi tamokon oni yikgamak. <sup>22</sup>Amin Dakon Monji nianon da kimotdisak do yanbi unun da tilak kimotdisak. Mani uwal da kisiron yipjak amin, awa!” <sup>23</sup>Panjetni gen unun nandajek notni yoyin yoyin anek yawit, “Nin kabikon da namin dasi akdisak?”

**Mibiltok amin dakon gen**

<sup>24</sup><sup>a</sup> Panjetni da namin dasi mibiltok aminin egisak yan do gen emat awit. <sup>25</sup><sup>b</sup> Aba Yesu da yan yoyigit, “Amin Injakwaru Kabi dakon kila amin madepni unun man madepni tonj, do iyi do nandaba wukwanek gen tebai yanek amin kabini kila anj. Anek ‘Nin amin dakon panpulgokni ekwamanj’ yan topmon da yonj. <sup>26</sup><sup>c</sup> Mani ji yan dima egipni. Amin kinda jikon man madepni tonj, unun amin monji kinda bujonsi altagit unun da tilagon egipjak. Ae kila aminji da oman monji da tilak egipjak. <sup>27</sup><sup>d</sup> Nandani. Jap nosok amin da mibiltok amin bo jap pilikdak amin da mibiltok amin? Jap nanek yikdak amin unun da mibiltok amin asak.

<sup>z</sup> 22.21 Kap 41.9; Jn 13.21-22    <sup>a</sup> 22.24 Lk 9.46    <sup>b</sup> 22.25 Mt 20.25-27; Mk 10.42-45  
<sup>c</sup> 22.26 Mt 23.11; Mk 9.35    <sup>d</sup> 22.27 Jn 13.12-15

Mani nak ji da binapmon oman monjisi egisat. <sup>28</sup>Paŋkewal altaŋ namgwit bisapmon ji nak dima nepmaŋ dekgwit. Nak gat kisi egipgumaŋ. <sup>29</sup>Datno da nak kila amin madep egipbeŋ do yaŋ mudaŋ namgut, yaŋ gin nak da ji kila amin madep pi ani do yaŋ mudaŋ damisat. <sup>30</sup><sup>e</sup> Do nak kila amin madep egipbeŋ bisapmon ji jap noknok tamonokon yigek jap pakbiyo akdaŋ. Yaŋ aŋjek kila amin madep yiyit tamokon yigek Israel amin 12 kabi gen kokwin pi aŋ yomdaŋ.”

**Yesu Pita da maŋji imjak do yaŋgit**  
(*Mt 26.31-35; Mk 14.27-31; Jn 13.36-38*)

<sup>31</sup>Yesu da yaŋ yaŋgit, “Saimon, nandaki. Wit dakon sibat sibatni tarapmikgaŋ uŋudeŋ Sunduk da nandaŋ gadatgo aŋkewalban moki do yaŋgit. <sup>32</sup><sup>f</sup> Mani nandaŋ gadatgo dima mosak yaŋ do bisit kili agim. Gak tobil apbi bisapmon notgoni paŋteban abi.”

<sup>33</sup>Mani Pita da iyigit, “Amin Tagi, nak gak gat dam tebanon kiŋek ae gak gat kisi kimotdeŋ do tagap tosot.”

<sup>34</sup>Yaŋban Yesu da iyigit, “Pita, nak yaŋ gayisat, abisok kalbi pup gen dima yaŋakwan gak da kosiri kapbi nak do wasip yokdisal.”

**Yesu paŋdetni yo ni baŋ timigek kini uŋun do yoyigit**

<sup>35</sup><sup>g</sup> Yaŋ yaŋek paŋdet kabini yaŋ yoyigit, “Ji nak da pino ani do yabekgim bisapmon, moneŋ simiŋ yik moniŋ, ae yik madep, ae kandap gwilyo dima timikgwit. Uŋun bisapmon ji yo kabi do wadak wadak awit bo dima?”

Yaŋ yoyiŋban iyiwit, “Dima.”

<sup>36</sup>Yaŋba yoyigit, “Mani abisok moneŋ simiŋ simiŋ yik moniŋji taŋ damaŋ kaŋ, uŋun si timitni. Ae yik madepji kisi timitni. Ae emat agak sibani mini amin uŋun imal dubakni yumaŋ naŋek uŋun dakon moneŋ baŋ emat agak sibani yumni. <sup>37</sup><sup>h</sup> Piŋkop gen papiakon gen kinda nak do mandabi uŋun bami noman tokdisak. Gen uŋun yaŋ:

‘Amin da kaŋba amin yokwisi kinda agit.’

Yaŋsi dayisat, gen morap nak do mandabi uŋun kisi bami noman tokdaŋ.”

<sup>38</sup>Yaŋ yaŋban iyiwit, “Amin Tagi, pindat! Nin emat agak sibaniŋ bamori oni.”

Yaŋba yoyigit, “Uŋun aripmi.”

**Yesu Fleŋ Olipmon bisit pi agit**  
(*Mt 26.36-46; Mk 14.32-42*)

<sup>39</sup>Yesu bisap morapmi agit uŋudeŋ gin kokup pap yipmaŋek Fleŋ Olipmon wigigit. Wigakwan paŋdetni kisi yolba wigiwit. <sup>40</sup>Fleŋon wigi

<sup>e</sup> 22.30 Mt 19.28    <sup>f</sup> 22.32 Jn 17.15    <sup>g</sup> 22.35 Lk 9.3; 10.4    <sup>h</sup> 22.37 Ais 53.12

altaŋek paŋdetni yaŋ yoyigit, “Paŋkewalon dima moni yaŋ do bisit ani.”  
<sup>41</sup> Yaŋ yoyiŋek dubagisok amin da tip maba kwaŋ uŋun da aripmon kigit. Kiŋ ŋwakbeŋ aŋek bisit aŋek yaŋ yagit, <sup>42</sup> “Dat, gak tagi nandisal kaŋ, tepmi dima pakeŋ. Mani nak dakon galaktok dima yolgi. Gaga dakon galaktok yolgi.” <sup>43</sup> Yaŋakwan Kwen Kokup aŋelo kinda da piŋ Yesu aŋteban agit. <sup>44</sup> Yesu nandaban jigi madepsi aŋakwan bisit tebai sigin agit. Yaŋ aŋakwan kiŋkiŋni yawi da yaŋ miktimon mawit.

<sup>45</sup> Bisit aŋ mudaneŋ pidaŋ paŋdetnikon tobil kiŋ pindakban bupmi but yokwiyo madepsi nandawit do dipmin pakgwit. <sup>46</sup> Yaŋ pindagek yoyigit, “Nido dipmin pokgoŋ? Paŋkewalon dima moni yaŋ do pidaŋ bisit abit.”

**Judas da Yesu uwal da kisiron yipgut**  
*(Mt 26.47-56; Mk 14.43-50; Jn 18.3-11)*

<sup>47</sup> Yesu gen sigin yaŋakwan amin kabi madep kinda apgwit. Paŋdet 12 kabikon da kinda mani Judas uŋun da mibiltok aban apgwit. Uŋun da Yesu mandaŋ nok do kapmatjok apgut. <sup>48</sup> Mani Yesu da iyigit, “Judas, gak Amin Dakon Monji mandaŋ naŋek uŋun kosiron da uwal da kisiron yipdisal, ma?”

<sup>49</sup> Paŋdet kabi yo uŋun noman tok do aban kaŋek yaŋ yawit, “Amin Tagi, emat agak sibanan baŋ tagi dapneŋ?” <sup>50</sup> Yaŋ iyiŋek kinda da emat agak sibanaŋ mukwa sogok amin dakon mibiltok amin dakon oman monji aŋagek mirakni amin tet nani mandaban dagaŋ kigit.

<sup>51</sup> Mani Yesu da yagit, “Yaŋ dima a!” Yaŋ iyiŋek kisitni uŋun amin da miragon witjiŋban aeni kilek tagit.

<sup>52</sup> Aŋek Yesu da mukwa sogok amin dakon amin madep kabi gat, ae Telagi Yut Madep dakon obip amin dakon mibiltok amin, ae kila amin gat Yesu abidok do apgwit uŋun yaŋ yoyigit, “Ji emat agak siba gat ae kindap kiriŋ gat timiŋek kabo noknok amin kinda naŋ yaŋ abidok do abaŋ, ma? <sup>53</sup> Nak gildari gildari Telagi Yut Madep da nagalon ji gat kisi egi egi agimaŋ, mani nak dima abidawit. Mani abisok on ji dakon bisap. Abisok pilin tuk dakon tapmim da madepsi asak.”

**Pita da Yesu do wasip yagit**

*(Mt 26.57-58; 26.69-75; Mk 14.53-54; 14.66-72; Jn 18.12-18; 18.25-27)*

<sup>54</sup> <sup>i</sup> Yesu gen uŋun yaŋ mudanaŋkwan abidaŋ aŋaŋ mukwa sogok amin dakon mibiltok amin uŋun da yutnon awigiwit. Aŋakwa Pita kagisok da yolgit. <sup>55</sup> Amin diwari uŋun yut da nagalon kindap soŋek yigakwa Pita yo kisi uŋun gat yikgwit. <sup>56</sup> Yigakwa oman miŋat kinda da Pita uŋun kindap da tenŋenikon yikban kagit. Pakyaŋsi kaŋek yaŋ yagit, “On amin Yesu gat kisi egipgumal.”

---

<sup>i</sup> 22.54 Mk 14.53-54



<sup>57</sup>Mani Pita da wasip yanjek yagit, “Minjat, unun amin dima nandan imisat.”

<sup>58</sup>Timisok di egek amin kinda da kanjek yan iyigit, “Gakyo kisi unun da kabikon nani kinda.”

Iyinjban Pita da yagit, “Nak dima!”

<sup>59</sup>Awa kalonji da tilagon egek amin kinda da tebaisi yagit, “On Galili amin kinda! Do asisi, on amin unun gat kisi egipgumal!”

<sup>60</sup>Mani Pita da yagit, “Gen yosol unun dimasi nandisat.” Gen unun yanjakwan pup unudon gin yagit. <sup>61</sup>Yanjban Amin Tagi da tobil Pita nomansi sinjanban kwanek kagit. Kanjakwan Pita Amin Tagi da gen iyigit unun do nandagit: “Abisok kalbi pup gen dima yanakwa gak da kosiri kapbi nak do wasip yokdisal.” <sup>62</sup>Pita unun do nandanjek nagalon da wanja pigi kunam madepsi takgit.

### Yesu jikgo yanjan iminek anjakwit

(Mt 26.67-68; Mk 14.65)

<sup>63</sup>Yesu abidawit amin da Yesu abinj yip do jigilak yan iminek baljawit.

<sup>64</sup>Anjek imal nanj dabili wamanj sopmanjek yan iyiwit, “Unun namin da gikdak yan do kombi gen yan ka!” <sup>65</sup>Ae abinj yip do anjek gen yokwi morapmi di gat kisi iyiwit.

### Yesu gen kokwin amin kabi da injamon gen yan imgwit

(Mt 26.59-66; Mk 14.55-64; Jn 18.19-24)

<sup>66</sup>Wisa daganjakwan Juda amin dakon kila amin gat mukwa sogok amin dakon amin madep kabi gat, ae gen teban yoyijdet amin gat gen kokwin ak do muwukgwit. Muwugek Yesu gen kokwin tamokon anki yan iyiwit, <sup>67</sup> “Gak asi Kristo kanj, niyinjbi nandano.”

Yanba yoyigit, “Dayikej kanj, ji aripmi dima nandanj gadanj namni.

<sup>68</sup>Ae nak da dayikej kanj, kobogi aripmi dima nayikdanj. <sup>69</sup><sup>k</sup> Mani Amin Dakon Monji Pinjkop Tapmim Ami da amin tet do kili unun yitdisak.”

<sup>70</sup>Yanjban amin morap kisi da iyiwit, “Do asi gak Pinjkop dakon Monji, ma?”

Iyinjba yoyigit, “Ji bamisi yonj. Nak unun mani.”

<sup>71</sup>Yanjban yawit, “On amin gulusunni dakon mibili nandak do amin di gat yanj yomno nido apni? Iyi dakon gen kaga da kili unun yanban nandamanj.”

### Yesu Pailaron anjan kiwit

(Mt 27.1-2; 27.11-14; Mk 15.1-5; Jn 18.28-38)

**23** <sup>1</sup>Yanj yanjek unun amin kabi muwukgwit kisi da pidanj Yesu iyinj ilik anjan Pailaron kiwit. <sup>2</sup>Anki wasanjek gen yan iminek yawit,

“On amin da Israel amin kabi nin paɲupbal aɲek nin da Sisa do takis dima imneɲ do yosok. Ae iyi do nak kila amin madep kinda, nak Kristo yaɲ yosok.”

<sup>3</sup>Yaɲ yaɲba Pailat da Yesu yaɲ iyigit, “Gak Juda amin dakon kila amin madep, ma?”

Yaɲban Yesu da gen kobogi yaɲ yagit, “Yosol unun mani.”

<sup>4</sup>Yaɲ iyinban Pailat da mukwa sogok amin dakon amin madep kabi gat, ae miɲat amin morap egipgwit yaɲ yoyigit, “Nak on amin dakon yokwini kinda dima kosot.”

<sup>5</sup>Yaɲban gen tebaisi yaɲ yawit, “On amin Juda miɲtim kisisi agek amin yoyiɲ degakwan kwen wigik aɲ. Galili miɲtimon da pi wasaɲek aɲakwan obiɲ idon obik.”

### Yesu Erot ron aɲaɲ kiwit

<sup>6</sup>Yaɲba nandaɲek Pailat da yoyigit, “On amin Galili amin kinda bo dima?”

<sup>7</sup>Erot da Galili miɲtim kila agit, do Yesu unun Galili amin kinda yaɲ yaɲba nandaɲek Pailat da Yesu yipban Erot ron kigit. Unun bisapmon Erot yo kisi Jerusalem egipgwit.

<sup>8</sup>Erot da Yesu kaɲek tagisi nandagit. Bisap dubagisok amin da gen bini yaɲba nandagit, do Yesu da wasok tapmimi toɲ kinda aban kokeɲ kaɲ tagisi yaɲ nandagit. <sup>9</sup>Erot da Yesu dakon mibili nandak do gen morapmi iyigit, mani gen kobogi kinda dima yagit. <sup>10</sup>Aɲakwan mukwa sogok amin dakon amin madep kabi gat, ae gen teban yoyiɲdet amin gat da kapmatjok agek gen yaɲ im do pi tebaisi awit. <sup>11</sup>Aɲakwa Erot gat emat amin kabini gat da jigilak gen yaɲek abiɲ yipgwit. Aɲek paba pigik dubak kildani tagisi kinda naɲ paɲ imiɲek yipba aeni tobil Pailat ron kigit. <sup>12</sup>Kaliɲ Erot gat Pailat gat uwal aɲek egipgumal, mani unun bisapmon gin not agimal.

### Pailat da Yesu tilak kindapmon aɲatni do yagit

*(Mt 27.15-26; Mk 15.6-15; Jn 18.38–19.16)*

<sup>13</sup>Pailat da mukwa sogok amin dakon amin madep kabi gat, ae kila amin gat, ae amin kisi yaɲ yoban opba <sup>14</sup>yaɲ yoyigit, “Ji da on amin nagon aɲabiɲ unun da amin kwen wigik ani do yoyisak yaɲ nayeɲ. Mani kisin egek unun yo morap dakon mibili nandak do iyit. Ji da gen morap yaɲ imaɲ unun nak da koko bami dima asak. <sup>15</sup>Ae Erot yo kisi yaɲ gin nandaɲek aeni yipban ninon tobil abisak. Aɲatno kimotjak da tilak yokwi kinda dima agit kosot. <sup>16-17</sup>Yaɲdo, nak yum baljaɲek yipbo kisak.”

<sup>18</sup>Mani amin kisi da yaɲ tidaɲek yawit, “On amin aɲakbi kimagakwan Barabas naɲ yipbi ninon apjak!” <sup>19</sup>(Barabas unun kaliɲ

<sup>1</sup> 23.7 Lk 3.1

amin kinda aŋakban kimakgit, ae Jerusalem kokup papmon Rom gapman gat emat wamgwit, uŋun do dam tebanon yipgwit.)

<sup>20</sup>Pailat da Yesu pulugaŋ yipban kisak dosi nandagit, do miŋat amin kabi madep dakon buri moni do aeni gen yoyigit. <sup>21</sup>Mani aeni sigin yaŋ tidajeŋ yawit, “Tilak kindapmon aŋakgit! Tilak kindapmon aŋakgit!”

<sup>22</sup>Yaŋ yaŋba aeni yoyiŋakwan kosiri kapbi aŋakwan yaŋ yagit, “Mibili nido? Ni gulusuŋ naŋ agit? Aŋatno kimotjak da aripmon yokwi kinda dima agit kosot. Do yum baljaŋek yipbo kisak.”

<sup>23</sup>Yaŋban amin da Yesu tilak kindapmon aŋatni do tebaisi sigin yawit. Yaŋ yaŋakwa Pailat dakon gen tapmimni maŋakwan <sup>24</sup>amin dakon geni nandaŋ yomiŋek Yesu kimotjak do yaŋ dagok agit. <sup>25</sup>Aŋek amin dakon galaktok yolek amin uŋun kalip gapman gat emat wamgut, ae amin kinda aŋakban kimakban dam tebanon yipgwit, uŋun yipban kigit. Ae galaktokni yolek Yesu aŋakba kimotjak do emat amin da kisiron yipgut.

### Yesu tilak kindapmon aŋakgwiŋ

(Mt 27.32-44; Mk 15.21-32; Jn 19.17-27)

<sup>26</sup>Emat amin da Yesu abidaŋ aŋaŋ kosiron kiŋakwa amin kinda kokup papmon kik do apban kawit, mani Saimon, uŋun Sairini kokupmon nani kinda. Saimon gen tebai iyiŋek tilak kindapni kwapmikon yipba guramiŋek Yesu yolban kiwit. <sup>27</sup>Kiŋakwa amin morapmisi yolba kiwit. Aŋakwa miŋat diwari da yolek Yesu do bupmi kap kinda yaŋek kunam tagek yolgwit. <sup>28</sup>Mani Yesu uŋun miŋat kabi tobil pindagek yaŋ yoyigit, “Jerusalem dakon gwani, ji nak do kunam dima tatni. Disi gat ae miŋat monjiyosi gat do tatni. <sup>29</sup><sup>m</sup> Bisap kinda apdisak uŋun bisapmon amin da yaŋ yokdaŋ, ‘Miŋat monji suŋ ekwaŋ ae miŋat monji mini ae miŋat monji da mumi dima naŋbi, uŋun kisik kisik ekwaŋ.’ <sup>30</sup><sup>n</sup> Uŋun bisapmon amin da kabap yaŋ yoyikdaŋ,

‘Ji tuwil ki maŋ nin witjiŋba pasilneŋ!’

<sup>31</sup>Wasok yokwi on kindap kalugi pakbini toŋon aŋ kaŋ, ae si kibidosagon niaŋ ani?”

<sup>32</sup>Emat amin da uŋun bisapmon yokwi pakpak bamori gat kisi Yesu gat dapba kimotni do timik paŋpaŋ kiwit. <sup>33</sup>Kiŋek miŋtim tim kinda mani Busuŋ Kidat uŋudon Yesu tilak kindapmon aŋagek yokwi pakpak kinda amin tet do, ae kinda gwandaŋ tet do yaŋ dapgwit. <sup>34</sup><sup>o</sup> Aŋakwa Yesu da yagit, “Dat, diwarini wiririk yobi. Yo aŋ uŋun dima nandaŋ pisaŋek aŋ.” Yaŋ yaŋakwan emat amin da imalni namŋn da timitjak yaŋ do wasok kinda awit.

<sup>m</sup> 23.29 Lk 21.23    <sup>n</sup> 23.30 Os 10.8; PA 6.16    <sup>o</sup> 23.34 Kap 22.18; Ais 53.12

35<sup>p</sup> Anjakwa amin kaŋ agakwa kila amin da yaŋba yokwi tok aŋ imiŋek yaŋ yawit, “Amin diwari paŋpulugagit, do uŋun asi Kristo, Piŋkop da pini asak do manjigit amin kaŋ, iyi tagi aŋpulugosak.”

36<sup>q</sup> Yaŋ yaŋakwa emat amin uŋun kisi da abiŋek jigilak gen yaŋ imiŋek wain isipmi iba nosak do 37 aŋek yaŋ yawit, “Gak asi Juda amin dakon kila amin madep kaŋ gaga aŋpuluga!”

38 Tilak kindapmon but pišo gen kinda busuŋni da kwen yaŋ mandawit:  
ON AMIN UŋUN JUDA AMIN DAKON KILA AMIN MADEPNI

39 Yokwi pakpak kinda Yesu gat dapbi uŋun da yaŋba yokwi tok aŋek Yesu yaŋ iyigit, “Gak Kristo, ma? Gak gaga aŋpuluganeŋ nityo kisi paŋpuluga!”

40 Yaŋ yaŋban yokwi pakpak teri kinda aŋakbi uŋun da gen tebai yaŋ iyigit, “Gak Piŋkop do dima pasoldol, ma? On amin da tepmi pasak nityo kisi yaŋ gin pamak. 41 Nit asi yokwi agimak, do kobogi yokwi pamak, mani on amin yokwi kinda dima agit.” 42 Yaŋ yaŋek yaŋgit, “Yesu, gak kila amin madep man paki bisapmon nandaŋ nabi.”

43 Yaŋban Yesu da gen kobogi yaŋ iyigit, “Asisi gayisat, gak abisok nak gat Paradais kon egipdamak.”

#### Yesu kimakgit

(Mt 27.45-56; Mk 15.33-41; Jn 19.28-30)

44-45<sup>r</sup> Uŋun bisapmon gildat dabil pilin tuksi agit, do 12 kilok aŋakwan miktim kisi pilin tuk aŋakwan kiŋ pilindo 3 kilok agit. Aŋakwan Telagi Yut Madep dakon yoma imal uŋun kwen da sulugi piŋ mibilikon dagaŋ ki timi bamori agit. 46 Aŋakwan Yesu uŋun gen papmon da yaŋ yaŋgit, “Dat, wupno gak da kisiron yipmaŋdat!” Yaŋ yaŋek kimakgit.

47 Yaŋ aban kaŋek emat amin dakon kila amin da Piŋkop aŋkisiŋek yaŋ yaŋgit, “Asisi, on amin kilegisi egipgut.” 48 Amin kabi madepsi yo noman tawit uŋun pindat do apgwit uŋun pindagek bumisi nandaŋek tobil yutnikon kiwit. 49 Mani miŋat amin morap nandaŋ imgwit gat, ae miŋat Galili da Yesu yolek apgwit uŋun gat dubagikon da agek yo noman tawit uŋun pindakgwit.

#### Yesu dakon bumjotni tip kinamon yipgwit

(Mt 27.57-61; Mk 15.42-47; Jn 19.38-42)

50-51 Amin kinda egipgut mani Josep. Uŋun Juda dakon kokup pap kinda mani Arimatea uŋudon nani. Uŋun amin tagisi ae aŋpakni kilegisi. Ae uŋun Piŋkop da amin kila akdisak uŋun do jomjom aŋek egipgut. Uŋun Juda amin dakon gen kokwin amin kabikon nani kinda, mani gen kokwin amin kabi notni Yesu do nandak nandak awit ae yo awit

ujun do but kalorj dima agit. <sup>52</sup>Josep unjun Pailat ron kinj Yesu dakon bumjotni abidok do iyinban nandaŋ imgut. <sup>53</sup>Aban Yesu dakon bumjotni tilak kindapmon naŋ abidaŋ abin imal kwakwagi kinda naŋ wamgut. Wamaŋek anki kimakbi tamo kinda kalip tipnaŋ pasiwit, ae bumjot kinda unjudon dima yipbi, unjudon yipgut. <sup>54</sup>Sabat dakon yo paŋtagap ak bisap, Neŋgokon yipgut. Sabat bisap unjun kili wasok do agit. <sup>55</sup>Minjat Galili da Yesu gat apgwit unjun Josep yol ankiŋek tip kinam unjun kawit. Ae Josep da Yesu dakon bumjotni niaŋon da yipgut unjun kisi kawit. <sup>56</sup> Kanjek yutnikon tobil kinj bumjotnikon yop do marasin gat ae pakbi kibaŋi tagisi gat paŋkosit awit. Mani Sabat dakon gen teban yolek yik yawot awit.

### Yesu kimoron da pidagit

(Mt 28.1-10; Mk 16.1-8; Jn 20.1-10)

**24** <sup>1</sup>Sonda wisa dagokdosi miŋat kabi unjun yo kibaŋi tagisi kili paŋkosit awit unjun timigeŋek tip kinamon kiwit. <sup>2</sup>Kinj kaŋba tip madep tip kinam soggut unjun kili antobilba kigit kawit. <sup>3</sup>Mani piŋi Amin Tagi Yesu dakon bumjotni dima kawit. <sup>4</sup>Bumjotni dukwan tosok yaŋ nandaŋek but morap aŋek egakwa unjudon gin amin bamori kapmatjok altaŋek akbal pindakgwit. Unjun dakon imalni da mal dakon teŋteŋi yombem madepsi teŋteŋawit. <sup>5</sup>Aŋakwan miŋat da pasol pasol madepsi nandaŋek mukgwan gawagakwa amin bamot da yaŋ yoyigimal, “Ji nido kimakbi tamokon amin egip egipmi toŋ unjun wisan? <sup>6</sup> Unjun idon dima egisak. Kili pidak. Galili miktimon egek gen kinda dayigit do nandani. <sup>7</sup>Yaŋ dayigit, ‘Amin da Amin Dakon Monji yokwi pakpak da kisiron yipba tilak kindapmon aŋakba kimotdisak. Ae gildat kapbi egi mudaneŋ aeni pidokdisak.’” <sup>8</sup>Yaŋ yaŋbal nandaŋek Yesu da gen kili yoyigit unjun do buri pisawit.

<sup>9</sup>Buri pisaŋba tip kinamon da tobil kiŋek yo pindak nandaŋyo awit unjun yabekbi 11 kabi gat, ae amin diwari gat kisi yoyiwit. <sup>10</sup>Minjat gen yoyiwit dakon mani unjun yaŋ: Maria Makdala kokupmon nani, Joana, Maria Jems dakon meŋi, ae miŋat notni diwari unjun kisi da yoyiwit. <sup>11</sup>Gen unjun yoyinba yabekbi kabi da nandaba ŋugigi gen aban dima nandaŋ yomgwit. <sup>12</sup>Mani Pita pidaŋ timtim yaŋek tip kinamon kinj pagadaneŋ pindakban imal dagin tawit. Yaŋ pindagek yutnon tobil kiŋek unjun yo morap niaŋon da altawit yaŋ do nandak nandak agit.

### Amin bamori da Yesu Emeas kosiron kagimal

(Mk 16.12-13)

<sup>13</sup>Unjun gildaron gin paŋdetni bamori Emeas kokupmon kik do kigimal. Emeas unjun Jerusalem da dubagiŋi, 11 kilomita da arip tosok.

§ 23.56 TP 20.10; GT 5.14 † 24.6 Lk 9.22

<sup>14</sup>Ujun amin bamot kinjek yo morap altawit dakon geni yan nandat agimal. <sup>15</sup>Yo morap unun do yan nandat anek kinjakwal Yesu iyi opban kisi kiwit.

<sup>16</sup>Dabil da kagimal, mani unun Yesu yan dima kan nandanjo agimal.

<sup>17</sup>Yesu da yan yoyigit, “Jil ni gen ban yan nandat anek kwamal?”

Yan yoyiban bupmi tomno dabilyo anek akgimal. <sup>18</sup>Kinda, unun mani Kliopas, unun da kobogi yan iyigit, “Dubagikon amin Jerusalem apgwit da ekwan unun da bikbigon gak kalon dagin yo on bisapmon noman tan unun dima nandal?”

<sup>19</sup>Yanban Yesu da yoyigit, “Ni yo?”

Yanban yagimal, “Yesu Nasaret aminon yo altawit unun do yomak. Unun kombi amin kinda. Gen yagit, ae pi agit, unun Pinokop da dabilon, ae amin kisi da dabilon, tapmimi tonji aban kawit. <sup>20</sup>Mukwa sogok amin dakon amin madep kabi gat, ae kila aminin gat da Yesu gapman da kision yipgwit. Yan aba gapman da si anakba kimotjak do gen yan anteban anek tilak kindapmon anakba kimakgit. <sup>21</sup><sup>u</sup> Mani nin unun amin Israel amin yokwikon ban pulugan nipdisak amin yanon da nandan imguman. Unun yo morap altaakwa Yesu anakba kimakgit dakon gildatni abisok kapbi asak. <sup>22</sup>Ae nin da kabikon nani minat di da gen gwakwari si niyinja nandaman. Unun wisa dagokdosi tip kinamon kin <sup>23</sup>Yesu dakon bumjotni dima tanban kanek tobil abin yan niyimal, ‘Nin kin dipmin yombem kinda kanapno anelo da yan niyen “Unun kalugi egisak.”’ <sup>24</sup>v Yan niyinja notnin di da tip kinamon kin yo minat da niyen yan gin tanba pidan. Mani Yesu iyi dima kan.”

<sup>25</sup>Yan yanbal Yesu da amin bamot yan yoyigit, “Jil nandan kokwinjil tagi mini. Kombi amin da gen morap yawit unun butjilon da tepmi dima nandan gadamal. <sup>26</sup>w Kristo mibiltok tepmi madep panek don Pinokop da man madep imjak, jil unun dima nandamal, ma?” <sup>27</sup>x Yan yanek Moses gat ae kombi amin morap dakon gen gat ban wasanek Pinokop da papia morapmon gen iyi do mandabi unun dakon mibili yoyin tentenagit.

<sup>28</sup>Kokup unun kik do agimal unun ankapmat anakwa Yesu da sanbenek kik do yan agit. <sup>29</sup>Mani amin bamot da kirinik iminek yan iyigimal, “Pilin tokdisak do gak nit gat egipnen.” Yan iyinbal amin bamot gat kisi yutnon wigiwit. <sup>30</sup>Wigi jap noknok tamokon yigek bret abidan Pinokop ya yan iyinek bret pudanek yomgut. <sup>31</sup>Yan aban amin bamot dabilni pisanban kan nandanjo agimal. Yan anakwal unudon gin pasilakwan ae sanbenek dima kagimal. <sup>32</sup>Anakwan amin bamot yan yagimal, “Kosiron Pinokop da papiakon gen ton dakon mibili niyinjakan butnit madepsi pidan.”

<sup>u</sup> 24.21 Lk 19.11; Ya 1.6    <sup>v</sup> 24.24 Jn 20.3-10    <sup>w</sup> 24.26 Lk 9.22    <sup>x</sup> 24.27 Kap 22.1-21; Ais 53

<sup>33</sup> Amin bamot yaŋ yaŋek uŋudon gin tobil Jerusalem kigimal. Kiŋ paŋdet 11 kabi gat ae notni diwari gat muwuk egipgwit uŋun pindagakwal <sup>34</sup>y yaŋ yawit, “Amin Tagi kili pidak da Saimon altaŋ imik!”

<sup>35</sup> Yaŋ yaŋba amin bamot da yo kosiron altawit uŋun do yoyiŋek yagimal, “Bret pudaŋakwan uŋudon kaŋ nandaŋyo amak.”

**Yesu paŋdetni kabikon altaŋ yomgut**  
(Mt 28.16-20; Mk 16.14-18; Jn 20.19-23)

<sup>36</sup> Uŋun dakon gen yaŋ nandaŋek egakwa Yesu bikbik nikon altaŋ yomiŋek akgit. Agek yaŋ yoyigit, “But yawot jikon tosak.”

<sup>37</sup>z Yaŋ yaŋban amin wup kinda da agek yosok yaŋ nandaŋek wuripdagek pasalgwit. <sup>38</sup> Pasalakwa yaŋ yoyigit, “Ji nido pasalek but bamot aŋ? <sup>39</sup> Kisit kandapyono do pindakgit. Nak naga akdat. Giptimno abidaŋek nandabit. Nak kidat sabamyono toŋ do nandani. Amin wup uŋun kidat sabamyoni mini.”

<sup>40</sup> Yaŋ yoyiŋek kisit kandapyoni yoligit. <sup>41</sup> Yoliŋban pindagek kisik kisik madep awit, mani but morap nandaŋek nandaba bami dima agit. Yaŋ nandaŋakwa yoyigit, “Jikon jap di toŋ?” <sup>42</sup> Yaŋban tap kilap kili paŋkibit abi timisok kinda imiŋba <sup>43</sup> abidaŋek naŋban kawit. <sup>44</sup>a Kaŋakwa yaŋ yoyigit, “Nak ji gat egipgumaŋ bisapmon yaŋ kili dayigim: Moses da gen tebanon, ae kombi amin da genon, ae Kap Papiakon nak do gen mandabi da toŋ uŋun kisisi bami altaŋ mudokdaŋ.”

<sup>45</sup> Yaŋ yaŋek Piŋkop da papiakon gen toŋ uŋun dakon mibili nandaba pisoni do paŋpulugagit. <sup>46</sup> Aŋek yaŋ yoyigit, “Piŋkop da papiakon gen yaŋ mandabi: Kristo uŋun tepmi paŋek gildat kapbi egek kimoron da pidokdisak. <sup>47</sup> Aban paŋdet kabini da uŋun da manon but tobil dakon gen gat, ae diwari wiririt dakon gen gat yoyiŋ tenŋeŋaŋba amin miktimi miktimi ekwaŋ uŋun da nandakdaŋ. Pi uŋun Jerusalem kokup papmon da wasaŋek akdaŋ. <sup>48</sup>b Ji uŋun yo morap altawit uŋun pindakgwit, do uŋun dakon gen bin miŋat amin morapyo yoyiŋ tenŋeŋokni. <sup>49</sup>c Nandani! Dat da yo dam do yaŋ teban tok agit uŋun nak da jikon yabetdisat. Ji tepmi dima kiŋek kokup papmon egakwa Piŋkop dakon tapmim Kwen Kokup da jikon pikdisak.”

**Yesu Kwen Kokup wigigit**  
(Mk 16.19-20; Ya 1.9-12)

<sup>50</sup> Yaŋ yoyiŋek paŋdetni mibilaŋ yomiŋek Betani kokupmon kiwit.

Kiŋ uŋudon kisiri paŋeŋagek gisam yomgut. <sup>51</sup> Gisam yomiŋakwan gin paŋdetni yopmaŋ degek Piŋkop da aŋaŋ Kwen Kokup wigigit.

<sup>52</sup> Wigikwan gawak imiŋek tobil kisik kisik madepsi nandaŋek Jerusalem kiwit. <sup>53</sup> Kiŋ Telagi Yut Madepmon saŋbek saŋbek egek Piŋkop aŋkisiwit.

y 24.34 1Ko 15.4-5 z 24.37 Mt 14.26 a 24.44 Lk 9.22 b 24.48 Jn 15.27; Ya 1.8

c 24.49 Jn 14.16; 15.26; Ya 1.4